

ΑΝΘΟΛΟΓΙΑ

Seu

SELECTA QUÆDAM
POEMAT
ITALORUM

Qui Latine scripserunt.

Dignos laude viros Musa vetat mori. Hor.



L O N D I N I:

Impensis R. Green, & F. Hicks, Bibliopolarum
Cantabrigiæ. 1684.

ANNO 1711

SELECTA QUEDAM

POETICA

ITALICA

Quodammodo

Epigrammata

LIBER

Impensis R. Grevii, de A. M. S. Balliolianae
Cambridge, 1684.

Benevolo Lectori.

Libellus hic, qui tibi in manus offertur, erudite Lector, eorum præcipuè Poetarum præ se fert nomina; qui ingenii famâ inter Italos, populares suos commendatissimi, apud exterarum itidem Nationes etiamnum inclarescunt. Comparatis siquidem, quot per amicos poteram, industriæ subsidium; id mihi unice erat propositum breviori spatio concludere, quæ publici juris facturus eram; nec eorum errore duci, qui temerè & infeliciter operam collocantes, ut copiam modo sequantur, delectui minus student. Atq; ableganti adeò quæ sordida; recidenti quæ superflua; rejicienti quæ invenusta, ea demum placuit solummodo excerpere; quæ, absq; tædio sollicitæ disquisitionis, in usum & delicias forent Lectori, suaviter ingenioso. Methodo autem & ordine eo uti visum est; ut totum hoc, quodcunq; est opusculi, in quatuor partes divisum, commodè absolvi posset. Prima pars Eclôgas complectitur; Secunda est didascalicôn; tertia Odas continet; in ultimâ traduntur Poemata varii argumenti, quibus Sylvarum nomen indidimus.

A Sannazario incipimus; cui parem, apud Italos, in bucolicis; aut proximè subsequente n

LECTORI.

invenire qui velit, frustra est. Nam adeò candidus, tener, simplex, venustus est; ut nihil supra: Et dignus sanè, si quis unquam, quem efusè adeò laudet Rapius; quem Scaliger, in carmine pastorali, ferè post Virgilium unicè legendum censeat. Baptistæ Amalthei Eclogas Alconem & Lycidam, superioribus duas adjunxi; quæ licet minus perfectæ; venustæ tamen, & puræ sunt, & molliter fluunt. Cæteri aut deliciarum sectatores, urbanitatem nimis exquisitè affectant; aut, quod plerumq; contingit intemperantiùs sibi indulgentibus, pueriliter ineptiunt; & tractu excurrunt fusiori, quam ferat Eclogæ tenuitas & deducti carminis ratio. Quum igitur nec septem Eclogæ sufficerent ad libri complementum; nec suppetèrent, de Italis, cum simplicitate satis elegantes; quæ reliquis in societatem adsciscerentur; aliundè quatuor accersere placuit, Buchanani scilicet duas; Grotii, & Heinsij, utriusq; singulas, sanè incomparabiles. Pastoriæ quorum utique compositiones, apud omnes perelegantis ingenii viros, summam laudem adeptæ sunt; molle illud & facetum, quod Virgilio Flaccus tribuit, tam mirificè ad vivum exprimendo.

In didascalicis occurrit primò Hieronymi Fracastorii Syphilis, sive Poema de morbo Gallico, scriptum ad Petrum Bembum Cardinalem: Cujus viri, longè eruditissimi, tantus emicuit splendor; ut eum non dubitet Scaliger, aliis,

LECTORI.

ævi tam prioris, quam sui, omnibus anteferre; proximumq; divino suo Virgilio locare. Qui plus de Fracastorio scire velit, Scaligerum adeat in Hypercritico; quem licet summi Poetæ donet nomine, in nonnullis eum locis arguit, pro more suo, liberaliter. Hoc liberè affirmare possim; & castitate sermonis, & rerum ^{æquivocæ} & conquisitis appositè ad ornamenta fabulis, & versuum ad exprimendos affectus efficaciâ; Hactenus ei Italorum, quot scio, neotericos in universum principatu cessisse. Verum omnia hæc, superius recensita, ex iteratis denuò, per intervalla, lectionibus, facilius percipi, quam exprimi possunt. Marci Hieronymi Vidæ de bombycibus libri duo claudunt partem secundam. In quibus pauca sunt, quæ desideres; quod rejicias, nihil. Est enim in præceptis valdè accuratus (non ita tamen ut infra Poetæ dignitatem subsidat) & puritatis in Latinâ dictione retinentissimus. Certè in compositione Scacchiæ, quæ in Sylvis habetur, ingenium viri maximè elucet. Nusquam enim venâ fuit castigatiore, propiusq; ad Virgilij maiestatem accedente: Numeri pleni, & rotundi; elatiores figuræ; & ubiq; translationum audaciâ feliciter insurgit oratio.

Supersunt reliquæ duæ partes; Odarum altera, & altera illa Sylvarum: de quibus aliqua, prout in utrisq; iidem se exhibent authores, dicenda sunt conjunctim. Nam labor esset nimius, & legenti forsan ingratus, sigillatim omnia & minutè prosequi.

LECTORI.

sequi. Quod ad Odas Flaminii attinet, quarum hic benè multas habemus, nihil esse potest, ut opinor, suavius; quod imprimis ii judicent, qui sapiunt Latine. Catulli enim, ut mihi videtur, non tam imitator, quam æmulus propè dici meruit. Ingenii nitor & venustas, stylus candidus, numeri Catullianis minus horriduli, & cum suavitate ubiq; mira facilitas, sunt præcipuæ ejus virtutes; quæ & animum illecebris permulcent, & aurium judicio satisfaciunt. Ex iis, quæ ad necessarios scripsit, indolem viri perblandam, festivam, hilarem faciliè agnoscas. Amores, Catulli, mollitiæ, verecundiâ suâ, ludit. Sannazarius præter Eclogas, & Lyricis dedit operam, & tentavit Elegos, successu haud mediocri. In elegiâ, quæ ad amicam inscribitur; luculentus, mollis, tersus, tenerrimorum affectuum plenissimus, Ovidii certè Veneres, & Tibulli cultum expressit. Idem Epigramma nitidum, de admirabili urbe Venetiis, sex versibus conclusit. Et sunt qui eum ferunt à Senatu Veneto sexcentos aureos (pro versibus singulis centenos) honorarii muneris ergo tulisse. Pontani quum laudaveris ingenium, negligentiam reprehendas; ea autem præcipuè selegi, in quibus sibi maximè temperavit, & modum tenuit. Naugerius Patricius Venetus ad Catulli imitationem totum se contulit; cujus virtutes in nonnullis assecutus est. Augurelli, Archij, & Criniti Odæ tueantur se legentis judicio, prout singulæ occurrunt. Areosto in-

genii

LECTORI.

genii amœnitas gratiam conciliat. Strozza, pater & filius, poetæ minimè vulgares: Patre melior filius, ut Scaligero visum est. Cardinalis Bembus non solus excellentium virorum fautor; sed & ipse, in re poeticâ, inter cæteros multum excelluit. Elegi ipsius duo, quos hîc habes, sunt purè, venustè, & amatorie scripti. Jani itidem Hetrusci duo sunt consimili virtute spectabiles. In eo minimè ferendus, quod interdum Poeta sit lascivior, quam verecundo ori conveniat. Ipsi-
us igitur luxuriam & petulantiam compescui; versibus aliquot è medio sublatis, qui turpitudinis notam præferrent. Quoad reliquos; molles illi quidem, & delicati; sed nihil tam pingue spirantes, quod aures, ut opinor, castissimæ cum fastidio respuant. Cæterum utcumq; se res habet apud severos æstimatores, Italorum ferè nullum paulò humaniorem, & insignioris notæ Poetam reperi-
as; cui non solenne sit Veneri, ut aiunt, litare, & in eroticis aliquantum exerceri. Hendecasyllabæ Cottæ ad Lycorin, & Gerardi Vaxis ad Lesbiam, ita se in sensus intimos cum voluptate insinuant; ut nihil desideretur amplius ad perfectionem istius carminis, quod natum ad delicias videtur. Sunt & Fascitello suæ virtutes; sunt & suæ Parlistaneo; quibus uterq; eorum apud ingenuas gratiam inire possunt. Sed ad majora transeundum est. Sadoletto Curtius suus eximii Poetæ nomen attulit; quod res in sublimi positas, illustri stilo, & numerorum rotunditate
ex-

LECTORI.

exæquans, nec de calore quid interdum remiserit; nec in tumorem excreverit. In verborum porro luminibus, & sententiarum acrimoniâ frequens; pulchrum & concinnum opus ad finem usq; perduxit. Politianus eo successu, quo vix alter quisquam eruditorum, humaniores literas excoluit: In solutâ autem oratione, quam ligatâ, longè foelicior. Ingenio ad omnia ferebatur vivo vegetoq;. Effusus tamen, & exultans, & Lucano quam Maroni similior, sententiarum ubiq; pompam studiosè conquisivit; quas tractu numerorum plus æquo excurrentium productas aculeatis, ut plurimum, finibus concludere voluit. Quod consilium rebus in medio dicendi genere positis, prout Rusticum ejus oportuit fuisse, haud ita bellè conveniet. At multa in eo venustè dicta reperiās, & digna quantivis pretii; quæ si Criticorum examini subpiciantur, in plerisq; se præbeant æstimanda. Per dimetros autem Iambos, in laudes puellæ suæ fufos, præcipitat se liber ille spiritus, & solutè spatiatur; ferente non solum, sed & poscente id carminis incitati genio. Fracastorius præreptos sibi filios immaturâ morte conquestus; orbitatis dolorem testatur, ut pi-um parentem decet, & Poetam optimum. Jam verò, ut aliquando desinere incipiam, de duobus excellentis ingenii viris, Castilioneum intelligo, & Hieronymum Amaltheum; quædam in præsentia dicenda sunt. Hujus Epigrammata (tria autem apposui) tërfa, culta, lepida, argutè & strictim

LECTORI.

strictim concluduntur. Ode ad Maximilianum Horatianis numeris scripta ferè ipsam antiquitatem provocat. Cujus ut materia illustris; ita ipsa excelsò spiritu provehitur, & nervis se magnificè sustentat: Ecceasi deinde factâ ad Orphei mentionem, tenerrimo numerorum vocumq; flexu afficitur; animumq; lenioribus permulcet, ut prius gravioribus extulerat, æquè in utrisq; foeliciter. Balthasaris Castilionei Cleopatras, quæ hîc ultimò habetur, magnum & illustre testimonium à Scaligero meruit: Dignum certè opusculum, quod ob incredibilem suavitatis gratiam, à politis omnibus in æterno honore habeatur.

At nimis fortasse in eorum iudicio morati sumus. Tu mihi denuò officiosè compellandus es, amice Lector, & exorandus; ut perbenignè ac humaniter excipias, quæ dudum ex usu publico procurare cœperam. Singula percurras, excutias, evolvas; nec vilia, nec in triviis nata reperiēs. Quin eorum pleraq; suffragiis doctiorum comprobata, in universum placuerunt; atq; etiam valdè placebunt.

SELECTA POEMATATA ITALORUM.

PARS I.

ACTII SYNCERI SANNAZARI,

Ecloga I.

PHYLLIS.

Lycidas. Mycon.



Irabar, vicina, Mycon, per littora nuper
Dum vagor, expectoque leves ad pabula
thygnos,

Quid tantum insuetus streperet mihi corvus, &
uda

Per scopulos passim fulicæ, perq; antra repostæ

Tristitia flebilibus complerent saxa querens:

Cum jam nec curvus resiliaret ab æquore delphin,

Nec solitos de more choros induceret undis.

Ece dies aderat, charam quæ Phyllida terræ

Condidimus, tumuloque pias dessevimus umbras

Ah! miseri: & posthac nec tristes linquimus auras,

Nec dubitat sævus solatia ferre Pylemon?

M Y. Scilicet id fuerat, tota quod nocte vaganti

Huc, illuc, dum Pausilypî latus omne pererro,

Piscolamque lego celeri Nescida phæclo

Nescio quid queruli gemerent lacrymabile mergi.

Phyllis ad inferias, Phyllis (si credimus) illos

Ad genitum, O Lycida, tumulique ad lacra vocabat.

L Y. Eheu! chare Mycon, qualis spectacula pompæ
(Nunc recolo) quas ipse manus, quæve ora notavi
His oculis; his, inquam, oculis quæ funera vidi
Infelix? nec me tandem dolor improbus egit
In scopulos, in faxa, rogove absumpsit eodem
Ignea vis, vel saltem aliquis Deus æquore merfit.

M Y. O Lycida, Lycida; nonne hoc felicius illi
Evenisse putas, quam si fumosa Lycotæ
Antra, vel hirsuti tegetem subiisset Amyntæ?
Et nunc heu! viles hîmo sibi quæreret escas;
Aut tenui laceras sarciret rimine nassas.

Sed tu, siquid habes, veteres quod lugeat ignes.
Quod manes, cineresque diu testetur amatos;
Incipe; quandoquidem molles tibi littus arenas
Sternit, & infani posuerunt murmura fluctus.

L Y. Immo hæc quæ cineri nuper properata parabam
Crimina, ab extremo cum jam cava littora postu
Prospicerem, & nivei venerarer faxa sepulcri;
Incipiam, tu coniferas ad busta cupressus
Sparge manu, & viridi tumulum superintege myrto.

M Y. En tibi cærulei muscum æquoris, en tibi conchas
Purpureas, nec non toto quæsitâ profundo,
Et vix ex imis evulsa corallia faxis

Adferimus; tu solennes nunc incipe cantus:

Incipe, dum ad solem Bajanus retia Mylcon
Explicat, & madidos componit in orbe rudentes.

L Y. Quos mihi nunc Divæ scopulos, quæ panditis antra
Nereïdes! quas tu secreti littoris herbas

Glauce pater, quæ monstriferis mihi gramina succis

Ostendes nunc Glauce! quibus tellure relicta,

Ah! miser, & liquidus factus novus incola ponti,

Te sequar in medios mutato corpore fluctus,

Et feriam bifidâ spumantia marmora caudâ.

Nam quid ego (heu) solis vitam sine Phyllide terris

Exoptem miser? aut quidnam raptâ mihi luce

Dulce putem? quidve hic sperem? quid jam moror ultra

Infelix?

Infelix? an ut hâc vili projectus in algâ,
 Arentes tantum frutices, desertaque cernam
 Littora, & ingrato jactem mea verba sepulcro?
 Scilicet hos thalamos, hos felices hymenæos
 Concelebrem? sic speratæ mihi gaudia tedæ
 Dat Venus? ambiguos sic dat Lucina timores?
 Quis mihi, quis te te, rapuit, dulcissima Phylli,
 Phylli meæ quondam requies, spesque unica vitæ,
 Nunc dolor, æternusque imo sub pectore luctus?
 Non licuit tecum optatos conjugere somnos,
 Dulcia nec primæ decerpere dona juventæ,
 Aut simul extremos vitam producere in annos?
 Nunc te (quis credat) lapis hic habet, & mihi nusquam es,
 Nusquam terrarum Phyllis: sed fabula, & umbra
 Frustrantur miseras, per dira insomnia, noctes.
 Me miserum! quâ te tandem regione requiram?
 Quâ resequar? per te quondam mihi terra placebat,
 Et populi, lætæque suis cum mœnibus urbes:
 Nunc juvat immensî fines lustrare profundi;
 Perque procellosas errare licentius undas
 Tritonum immistum turbis, scopulosaque lete
 Inter, & informes horrenti corpore Phocas;
 Quo nunquam terras videam: jam jam illa tot annis
 Culta mihi tellus, populique, urbesque, valet;
 Littora chara valet; vale simul optima Phylli.
 Nos tibi, nos liquidis septem pro fluctibus aras
 Ponemus; septemque tibi de mœre quotannis,
 Monstra maris magni, vitulos mactabimus hirtos:
 Et tibi septenis pendebunt ostrea fertis,
 Ostrea muricibus variata, albisque lapillis:
 Hic tibi Nisæe, & flavos resoluta capillos
 Cymodoce, mitisque piâ cum matre Palæmon,
 Et Panope, & Siculi custos Galatea profundi
 Solennes nectent choreas, & carmina dicent
 Quæ Prôteus quondam divino pectore vates
 Edocuit, magni cùm funera fletet Achillis,

Et Thetidis luctus consolaretur amaro:
 At tu sive altum felix colis æthera, seu jam
 Elyfics inter manes, coetusque verendos.
 Lethæos sequeris, per stagna liquentia, pisces;
 Seu legis æternos formoso pollice flores,
 Narcissumque crocumque, & vivaces amaranthos,
 Et violis teneras misces pallentibus algas;
 Adspice nos, mitisque veni; tu Numen aquarum
 Semper eris, semper lætum piscantibus omen.
 Ut Nymphis, Nereoque, ut flavicomæ Amphitrite,
 Sic tibi, victrices fundent libamina cymbæ.
 Interea tumulo supremum hoc accipe carmen;
 Carmen, quod tenui dum nectit arundine linum,
 Piscator legat; & scopulo suspiret ab alto.

*In gremio Phyllis recubat Sirenis amata,
 Consurgis gemino felix Sebethe sepulcro,*

M Y. Dulce sonant, Lycida, tua carmina: nec mihi malum
 Halcyonum lamenta, aut udo in gramine ripæ
 Propter aquam dulces cygnorum audire querelas;
 Sed tu (sic faciles vicina Megeria semper
 Sufficiat conchas; sic proxima Mergilline
 Ostrea, saxosæque ferat tibi rupis echinos:
 Quandoquidem nox obscuras jam distulit umbras,
 Nec dum permenfus cœlum Sol) incipe rursus,
 Atque itera mihi carmen: habent iterata leporem.
 L Y. Ne miserum ne coge Mycon: sat lumina, sat jam
 Exhaustæ maduere genæ: dolor (adspice) fidas
 Obduxit fauces; quatit & singultibus inum
 Pectus; anhelantemque animam vox ægra reliquit.
 Et tamen, hæc aliàs tibi nos, & plura canemus,
 Fortasse & meliora, aderit si Musa canenti.
 Quin & veliferis olim hæc spectanda carinis
 Seu Prochytae, seu Miseni sub rupe patenti
 Inscribam, grandæque notas ferrugine ducam:
 Præteriens quas nauta mari percurrat ab alto.
 Et dicat: Lycidas Lycidas hæc carmina fecit.

Sed quoniam socii passim per littus ovantes
Expectant, poscuntque tuas ad retia vires :
Eja age, jam surgamus ; ego hæc ad busta sedebø :
Tū socios invise : escas nam quærere tempus ;
Et tibi nunc vacuæ fluitant sine pondere nassæ .

ECLOGA II.

Galatea.

Forte Lyeon vacuo fessus confederat antrø
Piscator, quâ se scopuli de vertice lato
Ostentat Pelago pulcherrima Mergilline.
Dūmque alij notosque sinus, piscosæque circum
Æquora collustrant flammis, aut linea longè
Rètia, captivosque trahunt ad littora Pisces :
Ipse per obscuram meditatur carmina noctem.
Immitis Galatea : nihil Te munera tandem,
Nil nostræ movere preces ? verba irrita ventis
Fundimus ? & vanas scopulis imegimus undas ?
Adspice, cuncta silent : Orcas, & maxima Cete
Somnus habet : tacitæ recubant per littora Phocæ.
Non Zephyri strepit aura : sopor suus humida mulcet
Æquora : sopito connivent sydera cœlo.
Solus ego (hei misero !) dum tristi pectore questus
Nocte iterò, somnum totâ de mente fugavi,
Nec tamen ulla meæ tangit te cura salutis.
At non Praxinoë me quondam, non Polybôtæ
Filia despexit, non divitis Uxor Amyntæ
Quamvis culta sinu, quamvis foret alba papillis.
Quin etiam Ænariâ (si quicquam credis) ab altâ
Sæpè vocor : solet ipsa meas laudare Camœnas
In primis formosa Hyale : cui sanguis Iberis
Clarus avis : cui tot terræ, tot littora parent :
Quæque vel in medijs Neptunum torreat undis :
Sed mihi quid profunt hæc omnia, si tibi tantum
(Quis credat Galatea ?) tibi si denique tantum

Displiceo? si tu nostram crudelis aequam
 Sola fugis? sola & nostros contemnis amores?
 Ostrea Misericordientibus erutafaxis
 Mille tibi misi: totidem sub gurgite vasto
 Pausilypus, totidem vitreis Euphæa sub tindis
 Servat adhuc plures, Nefis, mihi servat echinos,
 Quos nec vere novo folijs lentiscus amaris
 Inficit, aut vacuæ tenuant dispendia Lunæ.
 Præterea mihi sub Pelago manus apta legendis
 Muricibus, didicit Tyrios cognoscere fucos:
 Quoque modo plena durent conchyliæ testæ
 Quid refugis? tingenda tibi jam lana paratur,
 Quâ niteas, superestque alias Galatæa puellas
 Lana maris spumis quæ mollior; hanc mihi pastor
 Ipse olim, dedit hanc pastor Meliseus ab altâ
 Cum me forte senex audisset rupe carentem:
 Et dixit, puer istæ tuæ sint præmia Musæ,
 Quandoquidem nostrâ cecinisti primus in actâ
 Ex illo in calathis servavi, ut mittere possem
 Sed tu (nequa mihi superet spes, nequa futuri
 Conditio Galatæa) manum mihi dura negasti.
 Hoc est, hoc, miserum quod perdidit, iste Camæna
 Iste procul, ipsevit nostras Galatæa querelas.
 Scilicet exiguae videor quod navita cymba,
 Quodque leves hamos, nodosaque retia tracto,
 Despicias: an patrio non hoc quoque littore Glaucus
 Fecerat? æquorea Glaucus scrutator arenæ?
 Et nunc ille quidem tumidarum numen aquarum,
 Sed nec, quæ nimium vel me sic falsa fatigat,
 Fabula te moveat Lydæ: licet illa puellis
 Jactet, nescio quos mihi se misisse corollas:
 Non me Lyda tamen non impulit, æquora testor,
 Nereidasque omnes, si fallo, naufragus illas
 Experiar, falsosque bibam sub gurgite fluctus.
 Heu quid agam? externas trans Pontum querere terras
 Jampridem est animus: quo nunquam navita, nunquam

Piscator veniat : fors illic nostra liebit.
 Fata queri. Boreæ extremo damnata sub axe.
 Stagna petam, & rigidis nunquam non cana Pruinis?
 An Libyæ rapidas, Austrique tepentis arenas,
 Et videam nigros populos, solemque propinquum?
 Quid loquor infelix? an non per saxa, per ignes,
 Quo me cunque pedes ducent, mens ægra sequetur,
 Vitantur venti: pluviae vitantur, & æstus:
 Non vitatur amor, inecum tamuletur oportet.
 Jam saxo me me ex illo demittere in undas
 Præcipitem jubet ipse furor: Vos o mihi Nymphæ,
 Vos maris undisoni Nymphæ præstate cadenti
 Non duros obitus sævasque extinguite flammæ.

Scilicet hæc olim, veniens seu littore curvo
 Cajetæ, seu Cumarum navabibus altis,
 Dum loca transibit, raucus de puppe Magister
 Hortatus socios, dextrum deflectite, dicit,
 In latus o focii: dextras deflectite in undas:
 Vitemus scopulos infames morte Lyconis.
 Talia nequicquam furdas jactabat ad auras
 Infelix piscator, & irrita vota fovebat:
 Cum tandem extremo veniens effulsit ab ortu
 Lucifer, & roseo perfundit lumine pontum.

ECLOGA III.

MORSUS.

Celadon. Mopsus. Chromis. Iolas.

Dic mihi (nam Baufis verum si retulit Ægon
 Bis fenos vos, Mopse, dies tenere procellæ)
 Quid tu, quid Chromis interea, quid vester Iolas?
 Dum Notus insultat pelago, dum murmurat unda,
 Ecquid desertis vacui lusistis in antris?
 MOP. Quid nostræ facerent ingrata per otia Musæ
 O Celadon? neque tum conchas impune liceat
 Per scopulos, non occipites tentare paguros,
 Jam fragilem in sicco mumbant saxa phaselum;

Rara

Raraque per longos pendebant retia remos :
 Ante pedes cistæque leves, hamique jacebant,
 Et calami, nassæque & viminei labyrinthi.
 Tum Chromis Inarimen spectans, his, inquit, ab oris :
 (Ah dirum exilium) nostræ solvere carinæ :
 Cum regem post bella suum comitata juvenus
 Ignotis pelagi vitam committeret undis.
 Quæ tamen (ut fama est) Ligurum per saxa, per altas
 Stachadas, emicuit : Rhodanique injecta per amnem
 (Nam benè si memini, Rhodanum referebat Amilcon)
 Oceani madidas vidit refluents arenas,
 Et quæ cæruleos procul aspiciit ora Britannos ;
 Quà (nisi vana ferunt) quoties maris unda refedit,
 Indigenæ captant nudos per littora pisces.

Ne Chromi, ne luctus renova, respondet Iolas :
 Sat tuus hæc nobis Lucrini nuper ad undam
 Narravit Lycabæ : solem se scilicet illic
 Trans fluctus, trans & nubes vidisse cadentem ;
 Haud aliter, quàm si nostris è montibus illum
 Gajetæ adspiceret longè post littora ferri ;
 Et strepitum sensisse ruentis ab æthere currus.
 Prætereà mores populorum, urbesque, locosque
 Exposuit ; quænalque domos, & lignea tecta :
 Addidit & varias (heu barbara nomina) gentes ;
 Bellovacos, Morinosque ; & quos quis dicere possit ?
 Tarbellos : latè errare & flumina campis :
 Nescio quem Egerim tectis se innâsse carinis.
 Sed mea nunc alix poscunt sibi pectora curæ.
 Tu modò siquid habes (& te quoque Chloridis ardor,
 Excruciat) scopulo hoc mecum meditare vicissim :
 Audiet, & gracilem percurrat Mopsus avenam.
 Sic illi : ast ego nil contrà, sed quæ mihi collo
 Garrula pendebat, manibus tunc sumpta cicuta est.
 Scilicet alternos conabar arundine versus
 Excipere, alternis nam dicere uterque parabat.
 Nec mora, jam Chromis hos, hos & referebat Iolas.

CH R. Nereides pelagi sacrum genus, aut mihi vestrīs
Munera ferte vadis, duram quēis Chlorida placeam:

Aut, si muneribus flecti nequit, æquore toto
Quærite, quæ nostrum sanet medicina furorem.

I O L. Sirenes; mea cura, audite hæc ultima vōta;
Aut revocet jam Nisa suum, nec spernat Iolam;

Aut videat morientem: hæc saxa impulsæ marinis
Fluctibus, hæc misero vilis dabit alga sepulcrum.

CH R. Qualis tranquillo quæ labitur æquore cymba,
Cum Zephyris summæ crispantur leniter undæ,

Tuta volat; ludique hilaris per transtra juventus:
Talis vita mihi, mea dum me Chloris amabat.

I O L. Adspicis, iratæ feriant ut saxa procellæ?
Ubi validis imæ Coris turbentur arenæ?

Jam scopulis furit unda; tremat jam terra tumultu:
Fallor, an hæc ipsa est Nisæ indignantis imago?

CH R. O Proteu, pastor liquidi maris; ô pater, ô rex,
(Quandoquidem insanos oditis numina fastus)

Quære Pithecutas tu, cui licet, atque superba
Dic Hyalæ, falsum te pascere monstra per aquor.

I O L. Ille habet, ille meos scopulus mihi servat amores,
Qui propior terræ est: illum pete Glaucæ natatu:

Neve manus duri contemnat Nisæ mariti.
Dic se squamigeras traxisse ad littora prædas.

CH R. Est veneri Cypros gratissima; Creta Tonanti;
Junonique Samos; Vulcano maxima Lemnos:

Ænariæ portus Hyale dum pulchra tenebit;
Nec Samos Ænariam vincet, nec maxima Lemnos.

I O L. Gradivus Rhodopen; & Mercurius Cyllenen;
Ortygiam Phæbe, Tritonia jactat Hymetton:

Nisa colit Prochytem; Prochytes si commoda norint,
Ortygiam Phæbe, Tritonia linquet Hymetton.

CH R. Hic specus, hic rupes, texendisque optima nassis
Vimina sunt, junci, densæque per avia myrtus:

Si mihi nunc Pholoë, vel tantum Chloris adesset,
Quam bene pugnaces possem contemnere ventos.

I O L. Nul-

IO ANTHOLOGIA.

IOL. Nulla mihi sine te rident loca ; displicet æquor,
Sordet terra, leves odi cum retibus hainos :

At si aderis tu Nisa, placebunt omnia : lætus

Tunc ego vel Libycis degam piscator arenis.

CHR. Dat Rhombos Sinüessa ; Dicarchi littora Tagros ;

Herculeæ Mullum rupes ; Synodontas Amalphis ;

Parthenope teneris scatet ambitiosa puellis :

Quis mihi nunc alias scrutari suadeat algas ?

IOL. In fluviis Mugil versatur ; Sargus in herbis ;

Polypus in scopulis : mediis Melanurus in undis :

Ante tuas, mea Nisa, fores ego semper oberro :

Quæ mihi det tales jucundior insula portus ?

MOP. Hactenus ô Celadon resônis sub rupibus illos

Inter se vario memini contendere cantu,

Horrida ventosi ridentes murmura ponti :

Qui tamen & laudes, & munera digna tulere

Carminibus, sed quæ nequeat contemnere Triton :

Hic, quam Circæio nudus sub gurgite cepi,

Nativis concham maculis, & murice pictam :

Ille recurvato nodosa Corallia trunco.

**FERDINANDO FEDERICI Regis F. ARAGONIE
CALABRIÆ Duci.**

ECLOGA IV.

Proteus.

Nunc primum notas velis majoribus undas
Currimus, ô Nymphæ Craterides : ordine quando

Suadet amor, charæ primos telluris honores

Dicere : cæruleæ magni Crateris alumne

Telluris primos charæ dicamus honores,

Dum radiis fervens medium Sol excoquit æquor.

Tu verò patriæ juvenis decus, editæ coelo,

Spes generis tanti : seu te nimbose Pyrene

Pro dulci Latio, pro nostris detinet arvis :

Seu vagus objecto munimine claudit Iberos,
Rumpe moras : nec te latis Hispania regnis
Alliciat, stirpisve tuæ primordia, & ille
Gentis honos ; licet effuso Tagus impleat auro,
Et pater Oceanus spumanti perluat undâ.

Nam mihi, nam tempus veniet, cum reddita sceptrâ
Parthenopes, fractosque tuâ sub cuspide reges
Ipse canam : nunc littoream ne despice Musam.

Quam tibi post sylvas, post horrida lustra Lycæi
(Siquid id est) saltas deduxi primus ad undas,
Ausus inexpertâ tentare pericula cymbâ.

Quæ vada non norunt, quis nescit Protea portus?

Illum olim veteris pascens ad saxa Minervæ,

Mulcentemque suas, divino carmine, Phocas,

E puppi sensere Melanthius, & Phrasidamus,

Ut fortè a capreis, obscurâ nocte, redibant :

Sensere & vario delphinâs ludere cursu,

Tritonumque choris longe freta pulsa sonare.

Ipse autem, haud quaquam mortali digna referri

Verba sono, vacuas lætus cantabat ad auras :

Terrigena ut quondam matris de ventre Tiphœus

Exiliens, infanda deos ad bella vocasset :

Ut fratrum primus, furiis, & hiantibus hydriis

Instructus, densas ductaverit ipse catervas :

Ut nisu ingenti partes de monte revulsas

Ænariam, Prochytenque ætis immiserit astris,

Ac totum subito cœlum tremefecerit ictu :

Tum pater haud segni molitus fulmina dextrâ

Immanes acies dejecerit, atque trophæum

Jusserit ardentes testari sulfure Præas ;

Quod gens victa illi, larisset vulnera lymphis.

Hinc magni Alcidae tauros, stratumque profundum,

Aggeribus memorat, ductamque per oppida pompam.

His veteres addit Cumas, loca cognita Phæbo,

Vatis & horrendæ lucos, Triviaeque recessus ;

Cimmeriûmque domos & opaca in vallibus antra.

Te quoque formosæ captum Nefidos amore,
 Paufilipe, irato compellat ab æquore questu:
 Ah! miser, ah! male caute, tunc quid fata puellæ
 Acceleras? cupit in medios cadere fluctus.
 Infelix: cupit in fuctum finire dolorem.
 At tibi nec curæ est, quod eam Neptunia monstra
 Circumstent, mare nec rapido quod forbeat æstu.
 Ah! miser, ah! male caute, ultra quid brachia tendis?
 Siste gradum; nigelilla fugis adfusa nivis.
 Venatrix; quam mille feræ timere sequentem
 Per saltus: vos hanc Panopæ, vos candida Drymo,
 Cymothœque, Rhœque, Pherusaque, Dinamonque,
 Accipite: & vestris sociam illustrate choreis.

Tum canit antiquas sedes, opulentaque regna
 Auricomæ Sirenis, & altum in monte sepulcrum,
 Sacraque Chalcidicosque Deos, magnisque per æquor
 Auspiciis vectas; hæc ipsa ad littora, classes.

Tum liquidos fontes subter cava moenia ducit,
 Attollitque arces, & culmina montibus æquat
 Tectorum: vastas protendit in æquora moles,
 Eupleamque procul trepidis dat cernere nautis,
 Atque Pharon jungit scopulos, præruptaque saxa
 Theleboûm, Sernique amnes, & pingua culta.

Tum canit, ut Coridona sacro Melissæus in antro
 Viderit, & calamos labris admoverit audax:
 Formosum quibus ille olim cantarat Alexin,
 Dixerat & musam Damonis, & Alphefiboeci:
 Queis fretus, dictante deâ, tot sydera nobis
 Prodiderit, tantas cœli patefecerit oras.

Quid referam aut Stabias, aut quæ tenuisse canoris
 Virginibus fama, est abeuntes saxa carinas?
 Aut ut terrifici sonitus, ignemque Vesuvi,
 Et desolatas passim deflexerit urbes?
 Postremô reges, regumque ex ordine pugnas
 Enumerat: bellique artes, & præmia narrat.
 Addit tristia fata, & te, quem læget ademptum

Italia infelix (sive id gravis ira Deorum,
Seu fors dura tulit) trans altas evexit Alpes,
Mox agit Oceani propè littora: denique sistit
Spumantem ad Ligerim, parvâque includit in urnâ.

Heu! sortem miserandam, heu! pectora cæca futuri!
Hæccine te fessum tellus extrema manebat
Hospitiis, post tot terræque, marisque labores?
Pone tamen gemitus: nec te monumenta parentum,
Aut moveant sperata tuis tibi funera regnis.
Grata quies patriæ: sed & omnis terra sepulcrum.

Hæc ille, & quæ vix audita prioribus annis
Heroum longæva queat meminisse vetustas,
Commemorat: socio respondent æquora plausu;
Luna suam donec paulatim fundere lucem
Cœpit, & ad vitreas redierunt Numina sedes.

CASSANDRÆ MARCHESIÆ, mulieri præstantiss.

ECLOGA V.

Herpylis Pharmaceutria.

Dorylas. Thelgon.

Ed jam vulgatos & nos referamus amores:
Quos pariter grata scopuli pendentis in umbrâ
Hinc Dorylas, hinc Theleboi maris adcola Thelgon
Certantes docuere: quibus cava littora, & ipse
Æquoreus Platamon, sacrumque Serapidis antrum
Cum fonte, & Nymphis adfultavere marinis.

Tu mihi, seu doctas percurris Palladis artes,
Mæoniæque aurum, & subtegmina vincis Arachnes:
Seu Dryadum choreis, cœtuque mista Dianæ
Haud minor incedis; pictaque adcinctâ pharæâ
Venatu Prochyten, maternaque regna fatigas:
Sive Dicarchæis quò molibus adfluit æquor,
Ludentes spectas Nereidas: en age nostros,

(Siquis honos pelagi) Cassandra en aspice lusus.
 Non ingrata cano, penitusque iniussa : neque unquam
 Arguerint ventura meis te secula chartis
 Præteritam ; faveat modò non invitus Apollo,
 Et quæ me facili vexere per æquora remo
 Pierides : queis longa dies & nomina curæ.
 Interea Dorylam juvet hîc audire canentem.
 D O R. Sebethi ad liquidas descenderat Herpylis undas,
 Herpylis Euboidum non ultima : quam pater Alcon
 Erudiit ; Musis, & Phæbo cognitus Alcon.
 Venerat, & socii partem subitura laboris
 Unanimis soror, & calathum de more ferebat :
 Ipsa comas effusa, pedemque exuta sinistrum,
 Cum philtris longum submurmurat : atque ita fatur.

Pone aram, & vivos hauri de flumine rores,
 Cannaque vicino decerpe absinthia campo.
 Illum illum magicis conabor adurere sacris,
 Qui miseram totâ spoliata mente reliquit.

Volvite præcipitem jam nunc, mea licia, rhombum.
 Rhombus ad Æmonias revocetur aheneus artes :
 Sistere qui pluvias, qui pellere nubila cœlo,
 Qui potis est trepidos undis abducere pisces.

Volvite præcipitem, mea licia, volvite rhombum.
 Alga tibi hæc primum tumidi purgamina ponti
 Spargitur, & rapidis absumitur arida flammis :
 Sic mihi, sic Mæon, uraris adusque medullas.

Volvite præcipitem jam nunc, mea licia rhombum.
 Tèr muscum Clearista, tèr hunc sine forcipe cancerum
 Ure simul, cumque his dic, viscera Mæonis uro.

Volvite præcipitem, mea licia, volvite rhombum.
 Spongia nunc lacrymis perfunditur. heus bona magno
 Spongia nata mari, lacrymas bibe sedula nostras :
 Utque rapis sitiens illas, sic Mæonis omnem
 Mæonis ingratis apias de pectore sensum.

Volvite præcipitem jam nunc, mea licia, rhombum.
 Ut pumex pinguescit, ut æquoris unda quiescit,

Quæ

Quæ ventis agitâta huc illuc concita fertur.

Sed quid ego heu! tristi pectus concussa dolore

Imprecer, & vanis jactem convitia ventis?

Mæon tot mihi damna, ego Mæoni verba rependam?

Volvite præcipitem, mea licia, volvite rhombum.

Huc huc, qui rigidâ meditaris vulnera caudâ

Sæve Trigon, & tu, proprium cui sistere naves

Veliferas Echenæis, adeste: & Mæonis acres

Tu retinere pedes, tu figere corda labora.

Volvite præcipitem jam nunc, mea licia, rhombum.

Tunde jecur, spumamque simul Torpedinis atræ:

Hæc ego cras illi lethalia pocula mittam:

Ebibat, & subito pallentes torpeat artus.

Volvite præcipitem, mea licia, volvite rhombum.

Scinde manu leporem: leporis penetrabile virus

Nascitur Eois hic fluctibus: adtulit Ægle,

Docta Ægle, jussitque inimicum tangere limen.

Curre age, tange simul, simul obline: cras mihi pœnas

Perfidus ille dabit; gemet ipso in limine Mæon.

Sistite præcipitem jam nunc, mea licia, rhombum.

Contere & Halcyonis nidum mihi: pellere ventos

Dicitur, & sævas pelagi mulcere procellas:

Forfitan hic nostros sedabit pectoris æstus.

Sistite præcipitem, jam sistite, licia, rhombum.

Hactenus ille: quid huic subjunxerit ordine Thelgon,

Accipe. non omnes unus dolor angit amantes.

T H E. Rupe sub hæc mecum sedit Galatea: videbam

Et capreas, & quæ Sirenum nomina servant

Rura procul: veteres, aliâ de parte, ruinas

Herculis ambusta signabat ab arce Vesevus.

Exere cæruleos, Triton, de gurgite vultus,

Ipse meas Triton Nereo deferre querelas,

Ipse potes curvâ resonans super æquora conchâ

Et scopulis narrare, & fluctivagis balænis,

Exere cæruleos, Triton pater, exere vultus.

Hic primos mihi congressus dedit illa roganti:

Hic niveam formosa manum porrexit, & (heu !
Quid recolo ?) tacitos in me deflexit ocellos.

Exere cæruleos, Triton, de gurgite vultus.
Huc ades, ô mea cura, quid ô ! quid lenta moraris ?
Ipse ego te propter socios, cymbamque reliqui.

Exere cæruleos, Triton pater, exere vultus.
Hic tibi consuetas formosior explicat umbras
Populus ; amplector sæpè hanc, atque oscula figo
Corticibus : sæpè ipsa pedum vestigia quæro :
Et siquid manibus tetigisti, floribus orno.

Exere cæruleos, Triton, de gurgite vultus.
Quem mihi nunc præfers ? si te juga frondea, si te
Arbuta, pascensesque juvant per rura capellæ :
Nos quoque non graciles nunc primum jungere avenas
Discimus. incisæ implent mea carmina fagos :
Et mea Mænaliis pendet jam fistula sylvis.

Exere cæruleos, Triton pater, exere vultus.
Sin magis arident hæc littora, sin magis alti
Divitiæ pelagi ; sparfos quis cogere pisces
Doctior, aut rigidum dextra jactare tridentem ?

Exere cæruleos, Triton, de gurgite vultus.
Non ego delphinis, te iudice, non ego thynnis
Æquore vel medio dubitem certare natando.
Quid tibi me jactem ? cui vix numerare vel hamos
Nunc vacat, aut restes, onerataque retia plumbo,
Et Sinuessano textas, de vimine, nassas.

Exere cæruleos, Triton pater, exere vultus.
Me Ligurum duræ rupes, me Gallica norunt
Littora : piscantem pariter me Varus, & ingens
Seni t Arar, sensere maris fera monstra Britanni.

Obrue cæruleos, Triton, sub gurgite vultus.
Et post hæc (heu !) dura fugis ? non te mihi tellus
Extera, non venti rapuere, sed accipe munus,
Accipe, non ultra tecum Galatea sedentem
Adspicies. I, læta novas meditare choreas.

Obrue cæruleos, Triton pater, obrue vultus.

TRAJANO CABANILIO

TROJE & MONTELLÆ Domino.

Salices. Appendix.

SI vacat, & blandos etiamnum ventilat ignes
 Quæ Dea cæruleâ velitur super æquora conchâ,
 Turrigeramque Paphon, ditemque Amathunta tuetur.
 Accipe flumineas properatum carmen ad undas,
 O mihi non dubiâ Cabanili cognite famâ,
 Sed longè varios rerum spectate per usus.
 Nam tibi me doctæ sic desinere sorores,
 Sic mea felici permulcent pectora curâ :
 Ut vix illa queam melioris tempora vitæ
 Te sine, vix placidos per noctem ducere somnos.
 En agedum Trajane, tuis hæc prævia iussis
 Tractanti, jamjamque animo majora paranti
 Da veniam, & tenues ne dedignare Camœnas.

Fortè inter virides (si vera est fama) genistas
 Capripedes Satyri, passimque agrestia Panes
 Numina, cum Faunis, & montivagis Sylvanis,
 Exercet dum Sol raucas per rura cicadas :
 Vitabant æstus, quâ pingua culta vadofus
 Irrigat, & placido cursu petit æquora Sarnus.
 Grata quies nemorum manantibus undique rivis,
 Et Zephyris densas inter crepitantibus alnos.
 Dumque leves aptant calamos, dum sibila pressis
 Explorant digitis, tenuique foramina cerâ
 Obducunt, vario modulantes carmina cantu :
 Auricomæ viridi speculantur ab ilice Nymphæ
 Dulcia clarifonis solventes ora cachinnis :
 Sed propè ferre pedem metuunt, nam sæpè labores
 Audierant Panæa tuos : & qualibus olim
 Infelix eheu virgo Nonacria fatis,
 Infelix virgo (quid enim non illa moveret ?)

Pana metu fugiens è vertice Cyllenæo,
 Pana deum Arcadiæ quamvis pulcherrima, quamvis
 Dianæ sacros inter lectissima cœtus,
 Nodosâ tenerum mutârît arundine pectus.
 Quas simul ac nemorum petulans, effrænaque pubes.
 Semiferi vidère per herbida prata vagantes,
 Occultamque imis flammam traxere medullis:
 Sic timidis blandis hortantur vocibus ultro:

Huc huc, ô teneræ placidissima turba puellæ:
 Quid procul adstatis? potius succedite ripæ,
 Et viridi in prato molles de more choreas
 Ducite, quandoquidem calamos inflammas inertes;
 Et frustra ad surdas jactamus carmina sylvas.
 Illæ nil contra: celeri sed nuda parabant
 Crura fugæ, tutoque agitabant mente receptus,
 Si quâ fortè viam per saxa irrumpere, & altis
 Evasisse jadis, Deus, aut sua fata dedissent.
 Tum juvenes procul ô, clamant, procul iste, puellæ,
 Sit timor, ignavas animo depellite curas:
 Nullæ hîc insidiæ, nullæ per aperta latebræ;
 Cuncta patent; nullas abscondunt hæc loca fraudes.
 Nos quoque non Lernæ monstris, non igne Chimærae,
 Scyllæisve lupis geniti, aut latrante Charybdi,
 Qui vestra immani laceremus viscera morsu:
 Sed divûm genus, & qui semper rupibus altis
 Vobiscum crebris venatibus insultemus.
 His dictis permulsi animi, securæque tristem
 Corda metum ejiciunt: gressuque per uida citato
 Prata, deis tandem cupidis, ripæque propinquant.
 Tum manibus simul implicitis per gramina festas
 Exercent choreas: alioque alioque reflexus
 Inter se lætæ repetunt: nunc corpora librant
 In saltus: nunc molle latus, nunc candida jactant
 Brachia; & alternâ quatiunt vestigia plantâ.
 Hic Satyri, quanquam voces audire canentum
 Crudeles, quanquam niveas spectare papillas

Exultant, oculisque bibunt sitientibus ignem :
 Tanta tamen sævi gliscit vis, effera morbi
 Pectoribus, præcepſque amor, & malefana libido,
 Ut calamis sensim ejectis, ruptoque repente
 Fœdere, surgentes ab humo, vento ocyùs, omnes
 Exiliant, spretaque Deùm pietate, fideque
 Ah ! pavidas Nymphas, subitoque horrore rigentes
 Invadunt avidi, sævorum more luporum,
 Qui lætas mediis proturbant lusibus agnas,
 Oblitasque sui passim rapiuntque, trahuntque,
 Dum viridi in campo cursant, aut valle sub altâ,
 Et custos ignarus abest, & amica canum vis.
 Sic illi ; at miseræ discisso pectore Nymphæ
 Frondiferam mœstis sylvam clamoribus implent ;
 Atque huc, atque illuc fugiunt, non saxa, neque altis
 Tuta putant loca senta rubis : hinc ardua montis
 Prærupti juga, diffusos hinc stagna per agros
 Attonitæ circumspiciunt ; via nulla salutis :
 Et jam spes præcepta fugæ, tum denique ad undas
 Consistunt trepidæ, flavosque à vertice crines
 Cum lacrymis, gemituque, & flebilibus lamentis
 Abscindunt, Sarnumque vocant, liquidasque sorores.
 Dumque vocant, fundo properat chorus omnis ab imo
 Naiadum, properat vitreae rex cæruleus undæ,
 Sarnus, inexhaustumque vadis ciet agmen aquarum,
 Rauca sonans : sed quid Sarnusque, aut illa natantùm
 Agrina Naiadum possint, ubi ferrea contra
 Stant fata, & duro leges adamante rigescunt ?
 Ergo defectæ curâ, auxilioque Deorum,
 Ac cœlum pariter Nymphæ, lucemque perosæ,
 Unum illud rebus tandem quod restat in arctis,
 Finem optant, jamque in fluvium se mergere adortæ,
 Membra reclinabant, & aquas pronò ore petebant ;
 Cùm subito obriguere pedes, latèque per imos
 Exspatiata ungues radix fugientia tardat,
 Adfigitque solo vestigia ; tum vagus ipsis

Spiritus emoritur venis, indignaque pallor
 Occupat ora, tegit trepidantia pectora cortex ;
 Nec mora, pro digitis ramos exire videres,
 Aurataque comas glaucâ canescere fronde ;
 Et jam vitalis nusquam calor, ipsaque cedunt
 Viscera paulatim venienti frigida ligno.
 Sed quamvis totos duratæ corporis artus,
 Caudicibusque latus, virgultisque undique septæ,
 Ac penitus salices ; sensus tamen unicus illis
 Sylvicolas vitare deos, & margine ripæ
 Hærentes, medio procumbere fluminis alveo.

J. O. BAPT. AMALTHEI.

LYCIDAS.

ECLOGA VI.

HIs deploratam in sylvis, nemorumque latebris
 Dicemus Lycidæ Musam : quem flumina circum,
 Quem flere suo spoliati gramine colles.
 Tu modo, cui patriæ assurgunt jam libera regna,
 Aureaque æterno revocantur sæcula mundo,
 Cosmè, ades, & nostris nunc primum allabere ceptis.
 Ipse tibi Pario ponens de marmore templum
 Gramineâ in ripa, quâ Tuscus labitur Aras,
 Velocis quondam institutam certamina cursus.
 Illic victor ovans, & præmia debita laudi
 Accipiet, populisque suos festatus honores,
 Victrices referet, Tynrhena per oppida, lauros.
 Interea agrestes ne dedignare Camænas.

Pallida cedebant venienti sylvera Soli ;
 Cum Lycidas iussus terras lustrare repositas,
 Effudit mæros, extremo hoc carmine, quæstus.
 Formosi colles, & nymphis cognita fura,
 Et liquidi fontes, atque addita fontibus antra,

Sylva-

Sylvarumque valete umbræ : quæ dulcia nobis
 Otia, quæ charos olim peperistis amores.
 Jam me complexu eripiunt fata impia vestro,
 Ut videam iratas errantia monstra per undas,
 Desertoque iterum mœstos in littore questus.
 Quod si quando imâ audistis sub valle canentem
 Pastorem Lycidam, teneros dum pasceret agnos :
 Idem si tenui vobis allusit avenâ :
 Hoc saltem viridi signatum in corfice carmen,
 Suspensamque sacra Lauro defendite avenam :
 Quam non ulla dies superet, non ulla vetustas.
 Hinc ego ad ignotos saltus, & vasta Pyrenes
 Rura vocor (quis enim tanto caruisse recessu,
 Et sese dubiis committere fluctibus ultro
 Crederet ah ! miserum Lycidam ?) feliciâque arva
 Deferere, & notis cogor decedere sylvis.
 Ipse igitur pecudes, alio sub sole, requiram :
 Externasque petam, diversa per æquora, terras.
 Nec mihi jam blando decurrens murmure rivus
 Herbarum in gremio suadebit carpere somnos.
 Nec teneris posthac incidam Amaryllidis ignes
 Arboribus, quam mille greges comitantis euntem :
 Quæ mecum inter oves, atque inter opaca salicis
 Suerat odoratis intexere lilia fertis,
 Aut defessa levi componere membra sopore.
 Ah ! do'or, & patriæ fines, & commoda curis
 Parta meis, semperque virentia præta relinquam :
 Scilicet ut furdus jactem lamenta procellis,
 Et patrias medio suspirem in gurgite sedes.
 Me non excipient herbofo margine ripæ :
 Non salientis aquæ gelidâ sub rupe susurrus,
 Non dorso nemoris solabitur aura jacentem.
 Spirabant dulces Zephyri : spirantibus illis
 Cantabam, quo sole pyrum, quo sydere vitem
 Infererem, & certis mandarem semina sulcis.
 Vos veris comites auræ, Divumque ministra ;

Quan-

Quandoquidem cœlo infertis mortalia vota ;
Ves placidæ salvete auræ : mecumque, per æquor,
Atque per infuetos mecum decurrite campos.
Huc gemitum, & nostras referetis sæpe querelas :
Quas fors accipiat madidis Amaryllis ocellis,
Et nostri desiderio crudeliùs ardens.
O mihi si veteres recolens Amaryllis amores
Illacrymet, si sollicito suspiria corde
Ducat, & insanis revocet me tristis ab undis :
Forſitan indignos terræque marisque labores
Hinc tandem querar : & vacuo reſupinus in antro
Te fugiente die, te decedentibus aſtris
Tunc Amarylli canam. Sed jam his divellor ab agris.
Rura valete iterum : ſic vobis mella geniſtæ,
Sic inarata graves tellus effundat, ariſtas :
Pabulâque ut longo tondent ſub ſole juvenci,
Exiguâ ſic nocte novis ros veſtiat herbis.
Aurea mala prius ſterili naſcentur in alno,
Atque inculta ferent mites dumeta racemos,
Quam veſtri curam abjiciam : tamen altera rura
Ipſe colam. audaci permensus cœrula pinu.
Ergo & oves cuſtode alio per pinguia prata
Errabunt, paſtæque ſimul cava in antra redibunt.
Tu vero ſpes fida gregis, quænam arva pererres
Infelix aries ? quis te in convalle reductâ
Nunc molli violâ, croceis nunc floribus ornet ?
Gramineosque toros, viridi de cespite, ponat ?
At vos ô lauri, quarum fragrante ſub umbrâ
Et noſtra inſolitis caluerunt pectora flammis,
Noſtraque Mænaios meditata eſt fiſtula cantus :
Sic ver affiduum foveat, ne frigora lædant,
Néve unquam læto rami ſpolientur honore.
Ipſi etiam auratis aſſurgant cornibus amnes
Supra Indum, & Gangem : lacrymis quos ſæpe profuſis
Auximus, & noſtro latè ſuccendimus igne,
Cum me ad delicias, formoſa Amarylli, vocares.

Nunc.

Nunc verò, quoniam superi tot gaudia nobis
Invidere, trucidare tentare pericula ponti,
Et Pyrenæo confidere vertice certum est.

E C L O G A VII.

Acon.

O Quis Dictæi statuatur in vertice montis,
Aut fortunatos Erymanthi sistat ad amnes;
Ut saturis panacem calathis; ut molle cyperum,
Dictamnnumque legam, & fragrantia germina myrrhæ:
Et relevem infirmos artus languentis Hyellæ.
Illa quidem vix ægram animam sustentat anhelò
Pectore, & indignis singultibus interrumpit;
Nec vis ulla potest sævum lenire dolorem.
Illam etiam lacrymantem, etiam sua fata querentem
Stellarum vigiles ignes, & primus Eous,
Et Sol Hesperias vidit devexus ad undas.
Sol pater, æterno cælum qui lumine lustras,
Et quæcunque parit tellus vegetasque foveſque,
Affer opem, & mœſtam auxilio solare puellam.
Jam tibi Acon teneras, vicina ad flumina, lauros
Inferet: atque ut nil unquam surgentibus obſtet
Frondebis, avertet glaciem, & defendet ab æſtu.
Has tibi Acon: at ſi macies, ſi pallor Hyellari
Liquerit, & niveos decorarit purpura vultus,
Ipſa feret, cum ver nitidis ſe floribus ornat,
Ipſa feret, mites cum ſtringit vinitor uvas.
ſcilicet, & viridi in ripâ quâ ſe hospita denſis
Extendit ramis arboſ, altaria ponet,
Semper flore novo, ſemper quæ veſtiat herbis,
Illic agreſtum chorus, & vicinia ruris
Sacra feret, ſupplexque tuos cantabit honores:
Straveris ut quondam iratis Pythona ſagittis;
Tinxeſ & foedo victricia tela cruore.
Mille tibi acriâ pendebunt ſpicula quercu,

Mille

Mille arcus, atque apta suo venabula ferro.
 At vos, quæ nemora, & rorantia fontibus antra
 Incolitis, Nymphæ; vestras si sæpius aras
 Verbenâ, primisque rosis donavit Hyella,
 Et dedit aureolis insignia fæta corymbis;
 Vos ferte Eoos ditantia cinnama lucos,
 Felicemque Arabum messem, Assyriosque liquores.
 Vos ægram resovete, & tristes pellite morbos.
 En virgo, exanimis virgo tabescit: & ille,
 Ille color roseo jam jam defloruit ore.
 Qualis purpureus, secretâ in valle, Hyacinthus,
 Quem mater tellus aluit, gremioque receptum
 Eduxit largo rore, & felicibus auris,
 Si cœli invasit vitium, aut immanior Auster
 Paulatim læto formæ spoliatus honore,
 Deficit, & moriens ærentibus incubat herbis.
 Nunc etiam insuetos testantur rura dolores,
 Et desolatis squallescunt pabula campis.
 Pro violâ mediis horret paliurus in agris:
 Candidaque inflexo ceciderunt filia thyrsi.
 Et nulla irriguas pingunt vacuâ ripas:
 Et defunt nemori frondes, & gramina pratis.
 Fons quoque defiliens prærupti tramite clivi
 Contraxit liquidas nunc terræ in viscera venas.
 Et desiderio formosæ accensus Hyellæ,
 Vix fertur tenui, per lævia saxa, fufurro.
 Abde caput miserande, & fractâ turbidus urnâ
 Muscoso occultare situ, cæcisque latebris:
 Non ô, quæ vitreis tecum colludat in undis.
 Abde caput miserande, cavoque inclusus in antro
 Et lucem indignare, & aperti lumina cœli:
 Non ô, quæ blando currentem carnine sistat:
 Non ô, quæ dulces latices dulci hauriat ore.
 Crudeles morbi, vestro de semine labes
 Infedit, roseisque genis, roseique labellis,
 Dejecitque decorem oculis: & sævior enu!

Ingruit

Ingruit, & miseram sylvis avertit Hyellam,
 Ah! ne dira lues contagia proferat ultra:
 Ah! ne artus ultra, pallentiaque occupet ora.
 Parcite jam tenerisque genis, teneri que labellis:
 Et color, & pulchræ redeat sua gratia formæ.
 Tu vero mea Hyella, mea pars altera vitæ,
 Pone metum, en tibi Pæonios fert munera succos
 Ipsa Pales, alacresque ferunt sua dona Napææ,
 Costumque, Illyricamque irim, vescumque papaver:
 Quorum ope & effecto fugiant è corpore morbi,
 Et placidus fessis obrepit somnus ocellis.
 Jamque pedem in sylvas referes, notosque recessus:
 Adventuque tuo fonti cursum uberis undæ,
 Et nemori frondes, & pratis gramina reddes;
 Et foecunda nos ridebunt frugibus arva;
 Et tibi odoratos submittet terra colores.

DANIELIS HEINSII

THYRSIS.

ECLOGA VIII.

Amissum tristi longævum funere Thyrsin,
 Thyrsin, delicias pastorum, & gaudia ruris:
 Amissum flebant pueri, Mnasyllus & Ægon.
 Flebant, & lacrymis ingentibus ora rigabant,
 Flebant & populi, flebant armenta, gregesque.
 Sed tamen ante alios longè mœstissimus Ægon,
 Sæpe illi solitus, cum nox obscura capellas
 Cogeret, & mœstos arceret matribus hædos,
 Sæpe suos illi recitare assuetus amores,
 Et duræ fastus Amaryllidis ille senectæ
 Oblitus propriæ, proprio que oblitus amores,
 Præbebat facilem pueris cantantibus aurem.
 At puer infoelix amisso Thyrside, solus
 Errabat, mare vicinum vicinaque circum

Littora : vel Rheni spatioso proximus alveo,
 Crudeles Divos, & flecti nescia fata,
 Poscebat Thyrsin : sed nec crudelia fata,
 Nec diri ereptum reddebant funere Thyrsin.
 Sæpe illum immemorem seræ decedere nocti.
 Hesperus invenit lacrymantem, & dura vocantem
 Sydera nequicquam : sæpe illum invenit eundem
 Lucifer : errabant solæ per devia capræ.
 Tum quoque Mnasyllum viridi complexus in algâ,
 Talia jactabat nil respondentibus undis.

Ecce peregrino redeunt e littore puppes,
 Et cum nocte pecus, redeunt cum nocte juvenci :
 Omnia cum redeant, cessat mea gaudia Thyrsis.
 Septima formosos cœlo nox extulit ortus,
 Et toties juga jam bobus detraxit arator,
 Et matutinos decussit bucula rores ;
 Thyrsis abest : absentis adhuc vestigia littus
 Exhibet, & frustra, quacunque in littore passus
 Thyrsidis apparent, hic & vestigia figo,
 Perque eadem errantem nox occupat, & videt Eos
 Altera, nec vacuæ cessant plangere horæ.
 Interea pecudes, nullo pascere, per herbam
 Vicinas comitantur oves : mœstæque juvencæ
 Noctis in adventum vicina armenta sequuntur.
 Lac quoque, sit quamvis jam formosissimus annus,
 Aret in uberibus : nec me mulctralia, donum
 Thyrsidis extremum, nec quæ mulctralia plenis
 Admoveret uberibus, ceu quondam, Thestylis urit,
 Extinctique animo languent Amaryllidis ignes.
 Carmina jam sordent (nam cui mea carmina cantem ?)
 Et mihi discedens tamen hæc armenta reliquit.
 Et dixit moriens : post me pulcherrimus Ægon,
 Ægon hos calamos, mortis solatia nostræ,
 Infiabit ; tanto reliquis dilectior Ægon
 Quanto pulchra suo capra est villosior agno,
 Quamvis sæpè meos servavit Tityrus hœdos,

Et

Et mihi sæpe suos Mnasylyus rettulit ignes.
 O dilecte puer, tu nunc cantabis in illo
 Littore, nec nostras unquam obliviscere Musas.
 Ipse etiam tumulto facies solennia nostro,
 Ipse apium, ipse hederas, ipse humida lilia carpes,
 Extremamque meis intexes ossibus umbram.
 Atque aliquis forsàn Lethææ in gramine ripæ
 Deferet erranti tua carmina: cum mare Thyrsin,
 Cum Thyrsin scopuli, percussaque saxa sonabant.
 Audiet extinctus post se sua nomina Thyrsis,
 Audiet, & priscos animo revocabit amores.
 Audiet ipse suam, lætusque agnoscet, avenam,
 Nec tibi linguarum contagia, nec mala Codri
 Jurgia sunt metuenda: petat licet omnia livor.
 O dilecte puer, tu nunc in littore pasces.
 Has pariter, pariterque tuas, quas ante tenebas.
 Nos procul hinc (nec enim non cedunt omnia fati)
 Persephones pascemus oves: ubi purior aër,
 Et vivi fontes, & sponte innoxia taxus.
 Nec mare littoribus pugnat, nec flumina ripis
 Diluviem meditantur. amant & flumina ripas,
 Et mare tranquillum securam allabitur algam.
 Hæc Ægon, Ægona suo Mnasylyus ab antro
 Excipit, & tristem solatur carmine curam.
 Sidera, quæ blandos hominum spectatis amores,
 Egressi terris juvenes, quos æthere summo
 Fixit, & æterno sacravit Jupiter auro.
 Vos etiam quondam pars hoc in littore nostri
 Cantabat Thyrsis: nunc vobis proximus ipsis,
 Ipse suas coelo vobiscum conspicit agnas.
 Et favet, ut quondam, pastoribus, & pia ducit
 Otia; nec tristes aspirat ab æthere ventos.
 Quaque movet, Zephyri accedunt, imbresque furentes
 Comprimit & Borean, & agentes nubila Coros.
 Forsitan & pascit, ceu quondam pavit in herba,
 Nubibus in mediis: & nostro gaudet amore.

Nec Deus Arcadiæ numen præsentius illo est,
 Nec Deus Arcadiæ cœtet cum Thyrside jungi.
 Thyrsis & infestas extinxit frugibus herbas,
 Et segeti gratos defendit sentibus agros,
 Et lolium infelix, & insertem eiecit arenam.
 Horret humus, squallet rapto Parnassia rupes
 Thyrside, nec cœtus hominum respexit Apollo.
 Thyrsis & ignotum pastori repperit annum,
 Errantemque suo distinxit limite mensem,
 Equaleque dies, & priscum reddidit ævum.
 Thyrsis & ant quos docuit procedere ritus.
 Quo Cereri gratus sua præmia messor in umbrâ
 Solveret, ingentem aspiciens securus acervum.
 Quo tibi, magna Pales, sacro de sulfure fumum
 Fecerit, & festum pastor transmiserit ignem,
 Cum lauro velantur ovilia, castaque laurus
 Lustrales latices, & noxæ oblivia versat.
 Nunc quoque humo, pueri, saxoque inducite laurum,
 Thyrsidis, & puræ spargantur frondibus undæ.
 Undam alii spargent, tumulto lac inferet Ægon:
 Lac Ægon: Mnasyllus aquas è flumine vivo
 Hauriet, & sævos arcebit nunc quoque soles.
 Non tamen & nobis solatia parva reliquit,
 Discedenque, meis extremum amplexibus hærens
 Pignus habe dixit: nec quisquam ex agmine vestro
 Munera nulla feret. reddent hæc munera nobis
 Extinctum Thyrsin. nec tu monumenta Menalcæ
 Despice, quæ nobis Riphæi è frigore ponti
 Misit, & Arctoïs è montibus ipse Menalcas.
 Nec tu pauperiem, puer, aspernabere nostram,
 Nec proavos meditare, ingentia nomina, nostros.
 Mille greges illis Benaci fluminis undam
 Libabant: centum tondebant pascua tauri.
 Omnibus errabant ter centum in montibus agnæ.
 Nunquam illis, nunquam teneris lac defuit hædis;
 Pars quoque pressa fuit. sæpe hæc mihi vespere sero

Narrabat genitor, cœlo notissimus ipse
Antiquus Corydon : quem nunc procul altera tellus
Detinet, & toto circumfluit amne Garumna.
Omnia fata tulere, & habebunt nos quoque fata.
Talia cantabant pueri : cantantibus illis
Hesperus extremam veniens abruptit avenam.

HUGONIS GROTII MYRTILUS,

sive Idyllium Nauticum,

A D D A N. H E I N S I U M.

E C L O G A IX.

PRima mihi sylvis & amœno fonte relicto
Fistula ad Oceanum fluctus & ad æquora venit,
Æquora quæ Batavis potius cantanda Poëtis :
Nam neque me tantum saltus, aut pascua circum,
Aut Hagæ nemus omne meæ juvat, invia quantum
Littora, pendentisque domos, scopulique cavernæ.
Non audita cano : labor hic tibi sumitur Heinsi :
Heinsi noster amor, siquid mea carmina possunt,
Te Libycus Garamas, te Java foquetur & Indi,
Et puppes Austrina ferent ad sidera cœli
Dia Sophocleo tua pulpita quassa cothurno.
Dicite formosæ Nereides, inclyta Ponti
Numina, quas voces, quæ carmina Myrtilus inter
Aërias rupes, & respondentia saxa,
Cochlidis infans jactarit faucibus igni.
Jam defuncta malis pelagi ratis, acta per altum
Venit ad hos fines, ubi dividit insula pontum
Cara mihi, & solo notissima Cochlidis antro.
Tiphys ratim serva : si nox collegerit Euros,
Anchora demisso descendat in æquora ferro,
Aut littus prætexe, malus si sæviet Auster :
Sed brevia, & rapidas æstus fuge : dextera multis
Est via cæca vadis : securius, ire sinistra.

Cochli, quid exspectas? quin, ut prius ipsa solebas,
 Prospicis intonsi speculâ de montis in undas.
 Meque procul reducem longo clamore salutas?
 Heu quis mutavit mihi te Deus? an tibi pectus
 Transversum novus egit amor? ne fallite nautæ,
 Sumne alius quam nuper eram, cum candida Dorcas
 Diceret, Hesperii Dorcas prælata puellis;
 Pulcher es: ipse tibi me iudice cedat Amyclas.
 Illa quidem dixit: sed vix ego credulus illi.
 Ipse tamen, tamen in placido me flumine vidi,
 Hirsutæque genas & latæ frontis honorem,
 Et roseos crines, & cærulea menta notavi,
 Qualia vel Neptunus habet, vel qualia Nereus.
 Testis anus Crotale, quæ ter mihi, Myrtilæ, dixit,
 De pue: lingua tuos ne fascinet invida vultus.
 Hæc eadem canto, quæ cum cantaret Arion,
 Mulceretque Deos pelagi, circumstetit omnis
 Delphinum chorus, & vatem servavit in undis:
 Scilicet aut Boreæ veteres & Erechthidos ignes,
 Aut Phorci laudes, aut cæruleam Amphitriten.
 Æmulus at concha mihi perstrepat æquora Triton,
 Miranturque sonum Panope Panopeque sorores,
 Et Proteus, & Glaucus, & Inoïus Melicerta.
 Heu placeo Nymphis: at non tibi: sola marinos
 Despicis amplexus crudelis, & oscula vitas.

Quem fugis, ah demens? secuerunt dî quoque pontum,
 Et magni Minyæ Reges, & primus Iason
 Per freta duxerunt abituram in sydera puppim.
 Navifragis jactatus aquis incendit Ulysses
 Sole satam Circen Atlantiademque Calypso,
 Et sibi Nausicaæ tales optavit amores.
 Quid juvat? illa suum si me fastidit Ulysses,
 Quæ mihi Nausicaa, Circe prior, atque Calypso.

Sæpe ego te vidi, meminisses improba Cochli,
 Cum per arenarum tumulos, & littora, conchas,
 Oceani legeremus opes: nam tunc ego primum

Cum patre tentavi rancum mare, veris adulti
Tempore, nec dum ulla pictus imagine malas.
Sæpe etiam, serâ quæties sub nocte venirem,
Siccâsti æquoreis marianthes imbribus artus:
Nec te poeniteat, prius hoc quoque fecerat Hero,
Cujus ego & turrim Sestæo in littore vidi,
Nataque collegi vicinis ostrea saxis.

En etiam tibi dona fero miser, en nucus Indæ
Pôcla, quibus potavit Arabs, Sinisque petulum
Fictile: non alias tremui propiore periclo,
Et nisi Leucothœen mea tunc in vota vocassem,
Infelix Stygias ivissem nauta sub undas:

Quin & Teutonicis mecum fero condita testis
Smegmata, in Oceanum labentis munera Rhœni.
His etenim Batavi, soli fulcare periti
Puppe salum Batavi, cœloque indicare ventos,
Martia gens toto pelagi divisa profundo,
Mense quater rutilant nodatos arte capillos:
Hoc ego pigmentum poscenti nuper Brinnæ
(Nata fuit magni Barchemonis illa) negavi:
Quamvis multa diu, per Dorida, per Galatæam,
Per Thetin, errorisque meos quemcunque per orbem,
Luminibus patris & blanda voce rogaret
Et poteram donasse tamen, nam facta non est.

At tu nil miseris: in hoc ego pactile sortum
Effundam rapido flagrantem corde dolores.
Ipse tibi Rubro prædatus in æquore sylvam
Alternas laurus & Medica mala jugavi.
Nunc labor ille perit: nam tu mea munera curas,
Quantum dura flex pontum, vel littora pontus.
Huc ades, ut casta velatus tempora quereu
Portuno ante alios, & dis, quorum æquora curro,
Sacra feram, reddamque reus solemnina vota,
Quæ rerum Oceanus genitor, quæ Tethys, & ipse
Nympharum accipiat Nereus pater. Omnia Coeli,
Huc ades, ut cellis mecum deprompta Faleris

Musta

Musta bibas, cæsaque canens epulere iuvenca :

Aut si forte juvant thynni, mollesque plateæ.

Tē magis, & solæ, mecum piscabitur Olpis :

Est mihi namque domi non invidiosa supellex,

Fiscellæ virides, nodosæque texta plagarum,

Filaque, & hærentes maculis humentibus algæ,

Cum Labyrintho plexis errore sagenis.

Sunt jacula, & tumido fluitantes cortice fundæ,

Pendet & æquoreo pectori lethalis arundo,

Sæpæque, & impliciti lumbricis pinguibus hami.

Quid loquor infelix? Cochlis nihil audit, & idem

Qui mea vela solent, venti, mea verba tulerunt.

Si tibi dulce mei nihil est, ô ferrea, verè

Ferrea, dulce tamen mea mors erit: aspice tantum.

Ibo per has cautes, summoque cacumine lapsus

Deferar in fluctus: nomen mihi debeat æquor

Myrtoumque novum fiat mare: vivite rupes.

Fallor? an huc Cochlis respexit, & omnia circum.

Flabra silent, blandique favet pellacia Ponti?

Hic recubans cantabo: jubet locus, altaque subter

Saxa supercilio colibent umbracula rupes.

Cochli, quid in solis consumere cautibus ævum

Te juvat, & pensis viridem donare juventam,

Dum teneros multo digitos subtemine lassat

Mater anus? nostram potius conscende carinam.

Illic & vitrei fluctus & marmora Divum

Prona jacent, speculoque sali stat solis imago,

Et picturato resplendet in æquore cælum;

Sacraque Naturæ miracula, gurgis aquarum

Insequitur Phœben, caudam Cynosurida magnes.

Quid mirum? sua quæque trahunt: te, Myrtile, Cochlis.

Illic falsa salo labentibus insula, cete,

Et validæ Pistres, & Physeteres anhelæ,

Phocarumque natant examina: Pompeius illic

Per mare veliferum puppim comitatur euntem.

Illic nata Venus, comitata Cupidine parvo,

Nunc etiam concha patrias quæ navigat undas,
Nudatoque sinu pulcherrima Cymodocea
Captat in apricis vernantes fluctibus auras.

Nam neque semper aquæ furit inplacabilis æstus,
Ventorumque fremit laxato carcere vulgus.
Sunt etiam ponto sua gaudia; sæpe per æstum
Gurgite pacato ridet mare: sæpe remotis
Vulturno & Borea, pluviamque cientibus Austris
Oebalios tantum Zephyrus suspirat amores.

Longa ministeriis sunt otia, pace ferená
Mitia cum placidi requiescunt terga profundi,
Altaque languenti descendunt cornua velo.
Aut igitur tacito fluctantur in æquore tonstræ,
Aut ubi jam ferrum premit unco dente carinam,
Nos genus irrequies, alii, quorum indiget usus,
Buxea ligna damus rudibus tornata figuris:
Pars facilem oramus reditum ventumque ferentem
Ingentes in puppe Deos: pars sydera cœli
Metimur radio, & totum describimus Axem.
Solertis labor ille Tyri: quæ prima meatus
Ætherios, & signa polo labentia vidit.
Tunc nosci cœpere Ferae, custosque ferarum
Arctophylax tarde pelagum subiturnus, & alter
Ille quis est, lucet trino cui baltheus igne?

Heu miser excludor, durâque in rupē relinquer
Imbribus, ipse parat radiis liventibus atrum:
Sol Tarteſſiacis immergere fluctibus orbem.

GEORGII BUCHANANI

Desiderium Ptolemæi Luxii Tassai.

ECLOGA X.

U Sque adeo patrii sordet tibi ripa Garuminae;
Pictones ut scopulos, atque horrida fœliqua frutetis

Durus

Durus ames? nec te socium, pecorisque, larisque
 Cura tenet? nec quam fociis, pecorique, larique
 Prætuleras, cui sæpe rosas, cui sæpe solebas
 Pallida cum niveis vaccinia ferre ligustris;
 Quam tu fideribus, quam tu componere soli
 Ausus eras: cuius nitidis radiantia gemmis
 Sola tibi purum fundebant lumina lumen?
 Nunc tamen (heu nunquam constans in amore voluptas!)
 Tu procul hinc steriles rupes colis immemor Agrii
 Valconicique gregis, Nymphæque oblitus amatae:
 Forsitan & stupidas bona carmina perdis ad aures.
 Interea nostris pastoria fistula sylvis
 Muta filet, mutæ pecudes, mutæque volucres,
 Nec strepit affueto Zephyri levis aura susurro.
 Noctua successit Philomelæ, & acanthidi bubo,
 Strixque nocens pueris; & tristis ad omnia cornix,
 Raucaque fluminææ recinunt convicia ranæ.
 Sic ubi fausta sedet volucris, non gutture læto
 Mulcet agros, non in tractus lasciva volatu
 Emicat ærios, tristi sed murmaure mœstum,
 Et lugubre fonans sedet in dumis desertis
 Abdita, turbatis deformis & horrida pennis.
 Ipse ego cum calamos mœsti solatia luctus
 Sumere tentarem, crudumque levare dolorem
 Carmine, vix primis admoram labra cicutis,
 Sive fuit casus, seu (quod magis auguror) omen,
 Et mala quæ mentem nunquam præsentia fallunt,
 Flebile raucifonæ responsavere cicutæ.
 Ipsæ etiam in tumidis Nymphæ Oceanitides undis,
 Ipsæ etiam placidis Nymphæ Dordonides antris,
 Ipsi etiam montes, ipsæ etiam convalles
 Auditæ longas per noctem iterare querelas.
 Sed neque te tantum, quamquam te flumina lugent,
 Nec tantum Nymphæ, sylvæ, volucresque feræque,
 Quantum te in solis gemit Agrius antris.
 Illum ego congressusque hominum & consortia tecta

Vitantem, tacitæ per muta silentia sylvæ
 Dum sequor, & voces capto, & vestigia servo,
 Hæc memini mœstâ convicia fundere linguâ:
 Pictones ô scopuli, & nudis impervia faxis
 Culmina, & exiguæ malè pinguis culta Crotellæ,
 Quæque paris raras tantum sylva horrida glandes,
 Ah! quibus infames magicis in collibus herbas
 Gignitis: Ææi quæ vis occulta veneni
 Hinc procul in vestris Ptolemæum detinet oris?
 Certe ibi purpureis non lotos aquatica baccis
 Quæ tenuit socios tardè redeuntis Ulyssæi,
 Non Cereri lustratus ager, non commoda bubus
 Pascua, non virides generoso palmite colles,
 Qualia Vasconicæ felicia jugera glebæ.
 Cæteraque ut constent, non quæ dedit ubera primum
 Hic genitrix, non quod tua primum infantia coelum
 Haussit, & infirmis pulsus vagitibus aër,
 Reptatumque solum puero, non falce notata
 Sylva sub hirsuto servat tua carmina libro,
 Carmina nequicquam memorem spondentia mentem.
 Quid tamen hoc prodest, patrii quod ripa Garumnæ
 Et virides frondes, & amœnam in frondibus umbram
 Prima tibi dederit, si tu non tangeris istis?
 At te si capiunt in amœno robore colles,
 Quodque per incultas arefcit gramen arenas,
 Raraque quæ canis languet vindemia faxis,
 Ipse suas vites, sua pinguis culta Garumna
 Oderit, & nullâ redimitus arundine frontem
 In mare per steriles lentè prorpet arenas.
 Quid precer, ô sylvæ, vobis, quid saxa, quid undæ?
 Quid campis precer, & pecori, pecorisque magistris,
 Quos mihi, quos patriæ Ptolemæus prætulit oræ?
 Sylva neget glandes, & Bacchi munera colles,
 Torreat arva sitis, scabies pecus, atra magistros
 Pestis, & infani perimant contagia morbi,
 Sospite Tassæo patriæque mihiq; sibi que

Imme-

Inmemor, ut visat memores invitus amicos:
 Hei mihi! quid sylvæ & campi memuere? quid undæ?
 Quid pecus, & pecoris quid commercuere magistri?
 Hæc ego devoteam, patriis quæ prætulit arvis
 Pascua Tasteris? piget, & mea vota retracto:
 Rursus & iratae linguae maledicta recanto:
 Glande nemus, foetu pecus, uvâ vitis abundet,
 Puraque perspicuis manet de fontibus unda;
 Pabula dent campi, sylvæ pastoribus umbras,
 Sub quibus arguta carmen modulentur avenæ.
 Quæ te cunque tenet tellus, quæcunque tenebit,
 Sive per æstiferas Libyæ sitientis arenas
 Pastor ages pecudes, Boreæ seu pineta rivali
 Rura coles, Libycum Boreas riget imbribus axem,
 Et rigor Arctous tepido mitescat ab Austro,
 Et quæcunque ferēs gressus, tibi balsama sudet
 Quercus, mella rubis, tribulisque legatur amomum,
 Dum neque terra ferax mellis, neque dives amomo
 Esse tibi patrio videatur amicior arvo.
 Me miserum quid vanæ queror? procul ille remotis
 Saltibus externos forsitan suspirat amores.
 At vos ô venti, tuque ô pulsata querelis
 Aura meis toties, & amari conscia luctus,
 Partem aliquam duras Ptolemæi perfer ad aures;
 Ille licet scopulis (quod non puto) durior ipsis
 Fiat, & antiqui (quod nolim) oblitus amici,
 Cum tamen audierit gemitus, moturaque rupes
 Verba mei luctus, nostro ingemet ille dolori,
 Dicet, & hic nostræ fuit admirator avenæ.
 Plura locuturo vultum sub nube recondens
 Tristior occiduas Phœbus descendit in undas.

DESIDERIUM LUTETIÆ.

ECLOGA XI.

O Formosa Amarylli, tuo jam septima bruma
 Me procul aspectu, jam septima detinet æstas !
 Sed neque septima bruma nivalibus horrida nimbis,
 Septima nec rapidis candens fervoribus æstas
 Extinxit vigiles nostro sub pectore curas.
 Tu mihi mane novo carmen, dum roscida tondet
 Arva pecus, medio tu carmen solis in æstu,
 Et cum jam longas præceps nox porrigit umbras,
 Nec mihi quæ tenebris condit nox omnia, vultus
 Est potis occultare tuos, te nocte sub atrâ
 Alloquor, amplector, falsâque in imagine somni
 Gaudia sollicitam palpant evanida mentem.
 At cum somnus abit, curis cum luce renatis
 Tecta miser fugio, tanquam mihi tecta doloris
 Semina subjiciant, & solis mcestus in agris,
 Quæ vagus error agit, feror, & deserta querelis
 Antra meis, sylvasque & conscia saxa fatigo.
 Sola meos planctus Echo miserata gementi
 Adgemit, & quoties suspiria pectore ducō,
 Hæc quoque vicino toties suspirat ab antro.
 Sæpè super celsæ prærupta cacumina rupis
 In mare prospiciens, spumantia cæcula demens
 Alloquor, & surdis tracto irrita vota procellis:
 O mare ! quæque maris vitreas, Nereides, undas
 Finditis, in vestros placidæ me admittite portus:
 Aut hoc si nimium est, nec naufragus ire recuso,
 Dummodo dilectas teneam vel naufragus oras.
 O quoties dixi Zephyris properantibus illuc,
 Felices pulchram visuri Amaryllida venti,
 Sic neque Pyrene duris in cotibus alas
 Atterat, & vestros non rumpant nubila cursus,

Dicite vefanos Amaryllidi Daphnidos ignes.
 O quoties Euro levibus cum raderet alis.
 Æquora, dicebam, felix Amaryllide vifâ,
 Dic mihi, num meminit noſtri? num mutua ſentit
 Vulnera? num veteris vivunt veſtigia flammæ?
 Ille ferox contra rauco cum murmure ſtridens,
 Avolat irato ſimilis, mihi frigore pectus
 Congelat, exanimes torpor gravis alligat artus.
 Nec me paſtorum recreant ſolamina, nec me
 Fiſtula, Nympharumque leves per prata choreæ,
 Nec quæ capripedes modulantur carmina Panes:
 Una meos ſic eſt prædata Amaryllis amores!
 Et me tympana docta, ciere canora Lyciſca,
 Et me blanda Melænis amavit, Iberides ambæ,
 Ambæ florentes annis, opibusque ſuperbæ:
 Et mihi dotales centum cum matribus agnos
 Ipſi promiſere patres, mihi munera matres
 Spondebant clam multa: meum nec munera pectus,
 Nec nivei movere ſuis cum matribus agni,
 Nec quas blanditias teneræ dixere puellæ,
 Nec quas delicias teneræ fecere puellæ.
 Quantum ver hyemem, victum puer integer avi,
 Ter viduam Thalænis virgo matura parentem:
 Quam ſuperat Durium Rhodanus, quam Sequana Mundam,
 Lenis Arar Sycorim, Ligeris formoſus Iberum,
 Francigenas inter Ligeris pulcherrimus amnes:
 Tantum omnes vincit Nymphas Amaryllis Iberas.
 Sæpe ſuos vultus ſpeculata Melænis in undâ
 Compoſuit, pinxitque oculos, finxitque capillum,
 Et voluit, ſimul & meruit formoſa videri.
 Sæpe mihi dixit, animi male perditæ Daphni,
 Cui tibi longinquos libet inſanire furores?
 Et quod ames dare noſtra poteſt tibi terra, racemos
 Collige purpureos, & ſpes ne concipe lentas.
 Sæpe choros feſtos me prætereunte Lyciſca
 Cernere diſſimulans vultusque averſa caneſcit,

Hæc,

Hæc, pedibus terram, & manibus cava tympana pulsans:

Et Nemesis gravis ira, atque irritabile numen,

Et Nemesis læsos etiam punitur amores.

Vidi ego dum leporem venator captat, echinum

Spernere, post vanos redeuntem deinde labores,

Vespere nec retulisse domum leporem, nec echinum.

Vidi ego qui Mullum peteret piscator, & arctis

Retibus implicitam tincam sprevisset optimam,

Vespere nec retulisse domum Mullum, neque tincam.

Vidi ego qui calamos crescentes ordine risit

Pastor arundineos, dum torno rasile buxum

Frustra amat, interea calamos, quos riserat, alter

Pastor habet, fragiles contentum inflare cicutas.

Sic solet immodicos Nemesis contundere fastus.

Hæc & plura Melænis, & hæc & plura Lycisca

Cantabant surdas frustra mihi semper ad aures.

Sed canis ante lupas, & taurus diligeret urfas,

Et vulpem lepores, & amabit dama lænas,

Quam vel tympana docta ciere canora Lycisca

Mutabit nostros vel blanda Melænis amores.

Et prius æquoribus pisces, & montibus umbræ,

Et volucres deerunt sylvis, & murmura ventis;

Quam mihi discedent formosæ Amaryllidos ignes:

Illam meum rudibus succendit pectora flammis,

Finiet illa meos moriens morientis amores.

SELECTA POEMATATA ITALORUM.

PARS II.

HIERONYMI FRACASTORII

Siphylis, sive Morbus Gallicus.

AD P. BEMBUM. LIB. I.



QUI casus rerum varii, quæ semina morbum
Insuetum, nec longa ulli per sæcula visum
Attulerint: nostrâ qui tempestate per omnem
Europam, partimque Asiæ, Libyæque per
urbes

Sæviit; in Latium verò per tristia bella
Gallorum irrupit; nomenque à gente recepit.
Nec non & quæ cura; & opis quid comperit usus;
Magnaque in angustiis hominum solertia rebus;
Et monstrata Deum auxilia, & data munera coeli,
Hinc canere, & longè secretas quærere causas
Aera per liquidum, & vasti per sydera Olympi
Incipiam: dulci quando novitatis amore
Corruptum, placidi Naturæ suavibus horti
Floribus invitant; & amantes mira Camœnæ.

BEMBE decus clarum Ausoniæ, si forte vacare
Consultis Leo Te à magnis paulisper, & altâ
Rerum mole finit, totum qua sustinet orbem;
Et juvat ad dulces paulum secedere Musas;

Ne

Ne nostros contemne orsus, medicumque laborem ;
 Quicquid id est, Deus hæc quondam dignatus Apollo est :
 Et parvis quoque rebus inest sua sæpe voluptas.
 Scilicet hæc tenui rerum sub imagine multum
 Naturæ, fatique subest, & grandis origo.

Tu mihi quæ rerum causas, quæ sydera noscis,
 Et coeli effectus varios, atque aeris oras
 Uranie, (sic dum puro spatiaris Olympo,
 Metirisque vagi lucentes ætheris ignes ;
 Concentu tibi divino cita sydera plaudant)
 Ipsa ades ; & mecum placidas Dea lude per umbras :
 Dum tennes auræ, dum myrtea sylva canenti
 Aspirat, resonatque cavis Benacus ab antris.
 Dic Dea quæ causæ nobis post sæcula tanta
 Insolitam peperere litem : Num tempore ab illo
 Vecta mari occiduo, nostrum pervenit in orbem ;
 Ex quo lecta manus solvens de littore Ibero
 Ausa fretum tentare, vagique incognita ponti est :
 Æquora, & orbe alio positas perquirere terras ?
 Illic namque ferunt, æternâ labe per omnes
 Id morbi regnare urbes, passimque vagari
 Perpetuo coeli vitio ; atque ignoscere paucis.
 Commencine igitur causâ accessisse putandum est
 Delatam contagem ad nos ; quæ parva sub ipsis
 Principiis, mox & vires & pabula sensim
 Suscipiens, sese in terras diffuderit omnes ?
 Ut sæpe in stipulas cecidit quum forte favilla
 De face, neglectam pastor quam liquit in arvo.
 Illa quidem tenuis primùm similisque moranti
 Incedit : mox ut paulatim increvit eundo,
 Tollitur ; & victrix messem populatur, & agros,
 Vicinumque nemus, flammæque sub æthera jactat :
 Dat sonitum longè crepitans Jovis avia sylva ;
 Et cœlum latè circum, campique relucet.

At verò, si ritè fidem observata merentur,
 Non ita censendum : nec certè credere par est

Esse peregrinam nobis, transque aequora vectam
 Contagem: quoniam in primis ostendere multos
 Possumus, attactu qui nullius hanc tamen ipsam
 Sponte sua inferre luem, priusque tulere.
 Præterea & tantum terrarum tempore parvo
 Contages non una simul potuisset obire.
 Aspice per Latii populos, quique herbida Sagræ
 Pascua, & Ausonios saltus, & Iapygis oræ
 Arva colunt: spectata Tyberis qua labitur, & quæ
 Eridanus centum fluviis comitatus in æquor,
 Centum urbes rigat, & placidis interfluit undis.
 Uno nonne vides ut tempore pestis in omnes
 Sævit? ut sortem pariter transegimus unam?
 Quinetiam externos eadem per tempora primum
 Excepisse ferunt: nec eam cognovit Ibera
 Gens prius, ignotum quæ scindere puppibus æquor
 Ausa fuit; quam quos determinat alta Pyrene,
 Atque freta, atque Alpes cingunt, Rhenusque bicornis:
 Quam reliqui, quos lata tenet gelida ora sub Arcto.
 Tempore non alio Pœni sensistis, & omnes
 Qui lætam Ægyptum metitis fœcundaque Nilo
 Arva; & palmiferæ sylvas tondetis Idumes,
 Quæ quum sic habeant sese, nempe altius isti
 Principium labi, rerumque latentior ordo,
 (Ni fallor) graviorque subest, & major origo.

Principio quæque in terris, quæque æthere in alto;
 Atque mari in magno, Natura educit in auras:
 Cuncta quidem nec sorte una, nec legibus iisdem
 Proveniunt: sed enim quorum primordia constant
 E paucis, crebrè ac passim pars magna creantur.
 Rarius ast alia apparent, & non nisi certis
 Temporibusve, locisque: quibus violentior ortus,
 Et longè sita principia: ac nonnulla, priusquam
 Erumpant tenebris & opaco carcere noctis,
 Mille trahunt annos; spatiosaque sæcula poscunt.
 Tantà vi coeunt genitalia semina in unum.

Etgo

Ergo & morborum quoniam non omnibus una
 Nascendi est ratio, facilis pars maxima visu est ;
 Et faciles ortus habet & primordia præsto.
 Rarius emergunt alii ; & post tempore longo
 Difficiles causas, & inextricabile fatum
 Et serò potuere altas superare tenebras.
 Sic elephas sacer Aufoniis incognitus oris,
 Sic Lichen latuere diu : quibus accola Nili
 Gens tantum, regioque omnis vicina laborat.

De genere hoc est dira lues, quæ nuper in auras
 Exiit ; & tandem sese caligine ab atrâ
 Exemit ; durosque ortus, & vincula rupit.
 Quam tamen (æternum quoniam dilabitur ævum)
 Non semel in terris visam, sed sæpe fuisse,
 Ducendum est ; quanquam nobis nec nomine nota
 Hactenus illa fuit : quoniam longæva vetustas
 Cuncta situ involvens, & res, & nomina delet :
 Nec monumenta patrum seri videre nepotes.

Oceano tamen iam magno sub Sole cadente
 Qua misera inventum nuper gens incolit orbem,
 Passim oritur ; nullisque locis non cognita vulgo est.
 Usque aded rerum causæ, atque exordia prima,
 Et cælo variare, & longo tempore possunt.
 Quodque illic fert sponte aer, & idonea tellus,
 Huc tandem annorum nobis longa attulit ætas.
 Cujus forte suo si cunctas ordine causas
 Nosse cupis : magni primum circumspecte mundi
 Quantum hoc infecit vitium ; quot adiverit urbes.
 Quumque animadvertas, tam vastæ semina labis
 Esse nec in terræ gremio, nec in æquore posse :
 Haud dubiè tecum statuas, reputesque necesse est,
 Principium, sedemque mali consistere in ipso
 Aere, qui terras circum diffunditur omnes :
 Qui nobis sese insinuat per corpora ubique,
 Suetus & has generi viventium immittere pestes.
 Aer quippe pater rerum est, & originis autor.

Idem

Idem sæpe graves morbos mortalibus affert,
Multimodè natus tabescere corpore molli,
Et facile affectus capere, atque inferre receptos.
Nunc vero quonam ille modo contagia traxit,
Accipe : quid mutare queant labentia sæcla.

In primis tum Sol rutilus, tum sydera cuncta
Tellurem, liquidasque auras, atque æquora ponti
Immutant, agitantque : utque ipso sydera cœlo
Mutavere vicem, & sedes liquere priores ;
Sic elementa modis variis se grandia vertunt.
Aspice ut hibernus rapidos ubi flexit in Austrum
Phœbus equos ; nostrumque videt depressior orbem :
Bruma riget ; duratque gelu, spargitque pruinâ
Tellurem : & gelida glacie vaga flumina sistit.
Idem, ubi nos Cancro propior spectavit ab alto,
Urit agros ; arent nemora, & sitientia prata :
Siccaque pulvereis æstas squalescit in arvis.
Nec dubium, quin & noctis nitor, aurea Luna,
Cui maria alta, omnis cui rerum obtemperat humor :
Quin & Saturni grave sydus, & æquior orbi
Stella Jovis, quin pulchra Venusque, & Martius ignis,
Ac reliqua altra etiam mutant elementa, trahantque
Perpetuum ; & latè magnos dent undique motus.
Præcipuè sedem si quando plurima in unam
Convenere : suo vel multum devia cursu
Longè alias tenuere vias : hæc scilicet annis
Pluribus, & rapidi post multa volumina cœli
Eveniunt : Diis fata modis volventibus istis.
Ut vero evenisse datum est ; numerumque diesque
Exegere suos, præfixaque tempora fati :
Proh ! quanta aerios tractus, falsa æquora quanta,
Telluremque manent ? alibi quippe omnia latè
Cogentur spatia in nubes : cœlum imbribus omne
Solvetur : summisque voluti montibus amnes
Præcipites secum sylvas, secum aspera saxa,
Secum armenta trahent : medius pater impete magno

Aut Padus, aut Ganges super & nemora alta, domosque
Turbidus, æquabit pelago freta lata sonante.

Æstates alibi magnæ condentur : & ipsæ

Flumina speluncis flebunt arentia nymphæ.

Aut venti cuncta invertent : aut obice clausi

Excutient tellurem imam, & cum turribus urbes.

Forſitan & tempus veniet, poſcentibus olim

Naturâ, fatiſque Deum, quum non modo tellus

Nunc culta, aut obducta mari, aut deſerta jacebit :

Verum etiam Sol ipſe, novum (quis credere poſſit)

Curret iter : ſua nec per tempora diffluet annus.

Aſt inſueti æſtus, inſuetaque frigora mundo

Infurgent ; & certa dies animalia terris

Monſtrabit nova : naſcentur pecudeſque, feræque

Sponte ſuâ ; primâque animas ab origine ſument.

Forſitan & majora audens producere Tellus

Cæumque, Enceladumque feret, magnumque Typhoëa,

Auſuros patrio ſuperos detrudere cælo :

Convulſumque Oſſam nemoroſo imponere Olympo.

Quæ cum perſpicias, nihil eſt cur tempore certo

Admirere, novis magnum marceſcere morbis

Aera : contagæſque novas viventibus ægris

Sydere ſub certo fieri, & per ſæcula longa.

Bis centum fluxere anni, quum flammea Marte

Lumina Saturno triſti immiſcente, per omnes

Auroræ populos, per quæ rigat æquora Ganges,

Inſolita exarſit febris : quæ pectore anhelò

Sanguineum ſputum exagitans (miſerabile viſu)

Quartâ luce frequens fato perdebat acerbo.

Illa eadem Aſſyriæ gentes, & Perſidos, & quæ

Euphratem, Tigrimque bibunt : poſt tempore parvo

Corripuit, diteſque Arabas, mollemque Canopum,

Inde Phrygas ; inde & miſerum trans æquora vecta

Inſecit Latium, atque Europâ ſæviit omni.

Ergo age jam mecum, ſemper ſeſe æthera circum

Volventem, ſuperumque domos, ardentiaque aſtra

Contem-

Contemplare ; animumque agitans per cuncta, require
Quis status illorum fuerit : quæ signa dedere
Sydera : quid nostris cœlum portenderit annis.
Hinc etenim tibi forte novæ contagis origo
Omnis, & eventus tanti via prima patefcet.
Aspice candentes magni quæ Cancer Olympi
Excubat ante fores ; & brachia pandit aperta.
Hinc diræ facies, hinc se diverfa malorum
Oftendunt portenta : unâ hâc sub parte videbis
Magna coiffe simul radiis ardentibus astra :
Et conjuratas spariffisse per aera flammâs :
Flammâs, quas longè tumulo Sirenis ab alto
Profpiciens fenior vates, quem dia per omnes
Coelocolumque domos duxit, docuitque futura
Uranie : miferas, inquit, defendite terras
O fuperi, infolitam video per inania ferri
Illuviem ; & magnos cœli tabefcere tractus.
Bella etiam Europæ miferæ, bella impia, & agros
Aufoniæ, paffim currentes fanguine cerno.
Dixit : & illa etiam fcriptis ventura notavit.

Mos fuperum eft ubi fecla vagus fol certa peregit,
Ab Jove decerni fata : & cuncta ordine pandi,
Quæcunque eventura manent terrasque, polumque.
Quod tempus quum jam noftris venientibus annis
Inftaret : rerum fummus fator, & fuperum rex
Jupiter, acciri focios in rebus agendis
Saturnum, Martemque jubet : bipotentia Cancer
Limina portarum referat ; Diifque atria pandit.
Conveniunt, quibus eft fatorum cura gerenda.
Impiger ante alios flammis, ferroque corufcans
Belli potens Mavors : animis cui prælia, & arma,
Vindictæque manent, & evantes fanguine cædes.
Poft placidus curru invectus rex Jupiter aureo
Infequitur (ni fata obftent) pater omnibus æquus.
Poftremus, longâque viâ tardatus, & annis
Falcifer accedit Senior : qui haud immemor iræ

In natum veteris, nato & parere recusans
 Sæpe etiam cessit retro, & vestigia torfit,
 Multa minans, multumque animo indignatus inique.
 Jupiter at solio ex alto, quo se solet uno
 Tollere, percenset fata, & ventura resolvit,
 Multum infoelicis miserans incommoda terræ:
 Bellaque, fortunaque virum, casuraque rerum
 Imperia, & prædas, adaperaque limina morti:
 In primis ignota novi contagia morbi:
 Morbi, qui humanæ nullâ mansuescat opis vi.
 Assensere Dei reliqui: concussus Olympus
 Intremuit; tactusque novis defluxibus æther.
 Paulatim aerii tractus, & inania lata
 Accepere lumen: vacuasque infuetus in auras
 Marcor iit: cœlumque tulit contagia in omne.
 Sive quod ardenti tot concurrentibus astris
 Cum sole, è pelago multos terræque vapores
 Traxerit ignea vis; qui misti tenuibus auris
 Correptique novo vitio, contagia visu
 Perrara attulerint: aliud sive æthere ab alto
 Demissum, late aërias corruerit oras.

Quamquam animi haud fallor quid agat, quove ordine
 cœlum,

Dicere, & in cunctis certas perquirere causas,
 Difficile esse: adeo interdum per tempora longa
 Effectus trahit: interdum (quod fallere possit)
 Miscentur fœs, & varii per singula casus.

Nunc age non id te lateat: super omnia miram
 Naturam, & longè variam contagibus esse.
 Solis nam sæpe arboribus fit noxius aer:
 Et tenerum germen, florumque infecit honorem.
 Interdum segetem, & fata læta, annique labores
 Corripuit: scabraque uffit rubigine culmos:
 Et vitiata parens produxit semina Tellus.
 Interdum poenas animalia sola dedere.

Aut multa, aut certa ex ipsis. Memini ipse malignam

Luxuriam

Luxuriam vidisse anni: multoque madentem
 Autumnum perflatum austro: quo perditus omne
 Caprigenum genus è cunctis animantibus unum
 Corruit. A stabulis lætas ad pabula pastor
 Ducebat; tum forte altâ securus in umbrâ
 Dum caneret; tenuique gregem mulceret avenâ:
 Ecce aliquam tussis subito irrequieta tenebat:
 Nec longè mora mortis erat; namque acta repente
 Circum præcipiti lapsu, revomensque supremam
 Ore animam, socias inter moribunda cadebat.
 Vere autem (dictu mirum) atque æstate sequenti
 Infirmas pecudes, balantumque horrida vulgus
 Pestis febre malâ miserum penè abstulit omne.
 Usque adedò varia affecti sunt semina cœli,
 Et variæ rerum species: numerusque vicissim
 Inter mota subest, interque moventia certus.
 Nonne vides, quamvis oculi sint pectore anhelò
 Expositi, mollesque magis; uon attamen ipsos
 Carpere tabem oculos, sed sese immergere in imum
 Pulmonem? & pomis quanquam sit mollior uva;
 Non tamen iis vitiatur; at ipsâ livet ab uvâ.
 Nempe alibi vires, alibi sua pabula defunt:
 Ast alibi mora certa: nec ipsa foramina multum
 Non faciunt, hinc densa nimis, nimis inde soluta.

Ergo contagium quoniam natura, genusque
 Tam varium est: & multa modis sunt semina miris:
 Contemplator & hanc, cujus cœlestis origo est:
 Quæ, sicut defueta, ita mira erupit in auras.
 Illa quidem non muta maris, turbamque natantum,
 Non volucres, non bruta altis errantia sylvis,
 Non armenta boum, pecudesve, armentave equorum
 Infecit: sed mente vicens ex omnibus unum
 Humanum genus: & nostros est pasta sub artus.
 Porro homine è toto, quod in ipso sanguine crassum
 Et sordens lentore foret, foedissima primum
 Corripuit, sese pascens uligine pingui.

Tali se morbus ratione & sanguis habebant.
Nunc ego te affectus omnes, & signa docebo
Contagis miseræ. Atque utinam concedere tantum
Musa queat : tantumque velit defendere Apollo,
Tempora qui longa evolvit, cui carmina curæ :
Hæc multos monumenta dies ut nostra supersint.
Forte etenim nostros olim legisse nepotes,
Et signa & faciem pestis novisse, juvabit.
Namque iterum, quum fata dabunt, labentibus annis
Tempus erit, quum nocte atrâ sopita jacebit
Interitu data : mox iterum post sæcula longa
Illa eadem exurget : cœlumque auraque, reviset :
Atque, iterum ventura illam mirabitur ætas.

In primis mirum illud erat : quod labe receptâ,
Sæpe tamen quater ipsa suum compleverat orbem
Luna prius, quam signa satis manifesta darentur.
Scilicet extemplo non sese prodit aperte,
Ult semel est excepta intus : sed tempore certo
Delitet : & sensim vires per pabula captat.
Interea tamen insolito torpore gravati,
Sponteque languentes animis, & munera obibant
Ægrius : & toto segnes se corpore agebant.
Ille etiam suus ex oculis vigor, & suus ore
Dejectus color haud lætâ de fronte cadebat.
Paulatim caries foedis enata pudendis
Hinc atque hinc invicta locos, aut inguen edebat.
Tum manifesta magis vitii se prodere signa.
Nam simul ac puræ fugiens lux alma diei
Cesserat ; & noctis tristes induxerat umbras :
Innatusque calor noctu petere intima suetus
Liquerat extremum corpus : nec membra fovebat
Obsita mole pigrâ humorum : tum vellier artus .
Brachiaque, scapulæque, gravi suræque dolore.
Quippe ubi per cunctas ierant contagia venas :
Humoresque ipsos, & nutrimenta futura
Polluerant : natura malum secernere fuenta

Infectam partem pellebat corpore ab omni
 Exterius; verum crasso quia corpore tarda
 Hæc erat, & lentore tenax; multa inter eundem
 Hærebat membris exanguibus, atque læcertis:
 Inde graves dabat articulis extenta dolores.
 Parte tamen leviori, magisque erumpere nata,
 Summa cutis, pulla, & membrorum extrema petebat.
 Protinus informes totum per corpus achores
 Rumpebant; faciemque horrendam, & pectora fœde
 Turpabant; species morbi nova: pustula summa
 Glandis ad effigiem, & pituita marcida pingui.
 Tempore quæ multo non post adapertha deliscens,
 Mucosa multum sanie, taboque fluebat.
 Quin etiam erodens alte, & se funditus abdens
 Corpora pascebat misere. Nam sæpius ipsi
 Carne suâ exutos artus, squallentiaque ossa
 Vidimus, & fœdo rosa ora dehiscere hiatu,
 Ora, atque exiles reddentia guttura voces.
 Tum sæpe aut cerasis, aut Phyllidis arbore tristi,
 Vidisti pinguem ex udis manare liquorem
 Corticibus, mox in lentum durescere gummi.
 Haud secus hæc sub labe solet per corpora mucor
 Diffuere: hinc demum in turpem concreescere callum.
 Unde aliquis ver ætatis, pulchramque juventam
 Suspirans, & membra oculis deformia torvis
 Prospiciens, fœdosque artus, turgentiaque ora,
 Sæpe Deos, sæpe astra miser crudelia dixit.
 Interea dulces somnos, noctisque soporem
 Omnia per terras animalia fessa trahebant:
 Illis nulla quies aderat: sopor omnis in auras
 Fugerat: iis oriens Aurora ingrata rubebat:
 Is inimica diēs: inimicaque noctis imago.
 Nulla Ceres illos, Bacchi non ulla juvabant
 Munera: non dulces epulæ: non copia rerum:
 Non urbis, non ruris opes, non ulla volaptas.
 Quamvis sæpe aures nitidos, jucundaque Tempe,

Et placidas summis quæssissent montibus auras.
 Dis etiam sparsæque preces, incensæque templis
 Thura, & divitibus decorata altaria donis :
 Dii nullas audire preces : donisve moveri.
 Ipse ego Cœnomanum memini quæ pingua dives
 Pascua Sebinâ præterfluit Ollius undâ
 Vidisse insignem juvenem : quo clarius alter
 Non fuit, Ausoniâ nec fortunatior omni :
 Vix pubescentis florebat vere juventæ,
 Divitiis, proavisque potens, & corpore pulchro.
 Cui studia, aut pernicious equi compescere cursum :
 Aut galeam induere, & pictis splendescere in armis :
 Aut juvenile gravi corpus durare palæstrâ :
 Venatuque feras agere, & prævertere cervos.
 Illum omnes Ollique Deæ, Eridanique puellæ
 Optarunt, nemorumque Deæ, rurisque puellæ :
 Omnes optatos suspiravere hymenæos.
 Forsan & ultores superos neglecta vocavit
 Non nequicquam aliqua, & votis pia numina movit.
 Nam nimium fidentem animis, nec tanta timentem
 Invasit miserum labes, quæ sævior usquam
 Nulla fuit : nulla unquam aliis spectabitur annis.
 Paulatim ver id nitidum, flos ille juventæ
 Disperiit : vis illa animi : tum squalida tabes
 Artus (horrendum) miseros obduxit : & altè
 Grandia turgebant foedis abscessibus ossa.
 Ulcera (proh ! Divum pietatem) informia pulchros
 Pascebant oculos, & diæ lucis amorem :
 Pascebantque acri corrosas vulnere nares.
 Illum Alpes vicinæ, illum vaga flumina flerunt,
 Illum omnes Ollique Deæ, Eridanique puellæ
 Fleverunt : nemorumque Deæ rurisque puellæ :
 Sebinusque alto gemitum lacus edidit amne.
 Ergo hanc per miseræ terras Saturnus agebat
 Pestem atrox : nec sæva minus crudelis & ipse
 Miscebat Mavors : conjunctaque fata ferebat.

Quippe huc hanc nascente, putem simul omnia diras
Fumenidas cecinisse fera & crudelia nobis.

Tartareos etiam barathro (dira omina) ab imo
Excivisse lacus: Stygiaque ab sede laborem,
Pestemque, horribilemque famem, bellumque, necemque.

Dii patrii, quorum Ausonia est sub numine: tuque
Tu Latii Saturne pater, quid gens tua tantum
Est merita? an quicquam superest dirique gravisque,
Quod sit inexhaustum nobis? ecquod genus usquam
Aversum usque adeo cœlum tulit? ipsa labores
Parthenope dic prima tuos: dic funera regum,
Et spolia, & prædas, captivæque colla tuorum.
An stragem infandam memorem, sparsumque cruorem
Gallorumque, Italumque pari discrimine: quum jam
Sanguineum, & defuncta virum, defunctaque equorum
Corpora volventem, cristasque atque arma trahentem
Eridanus pater acciperet rapido agmine Tarrum?

Te quoque spumantem, & nostrorum cæde tumentem
Abdua, non multo post tempore, te pater idem
Eridanus gremio infelix suscepit: & altum
Indoluit tecum: & fluvio solatus amico est.

Ausonia infelix! en quo discordia priscam
Virtutem, & mundi imperium perduxit avitum.

Angulus anne tui est aliquid; qui barbara non sit
Servitia, & prædas, & tristia funera passus?

Dicite vos, nullos soliti sentire tumultus,
Vitisferi colles, quâ flumine pulcher amœno
Erethæus fluit: & plenis lapsurus in æquor
Cornibus, Euganeis properat se jungere lymphis.

O patria, ô longum felix, longumque quieta
Ante alias patria, ô Divum sanctissima tellus,
Dives opum, fecunda viris, lætissima campis
Liberibus, rapidoque Atheſi, & Benacide lymphæ,
Ærumnas memorare tuas, summamque malorum
Quis queat? & dictis nostros æquare dolores,
Et turpes ignominias, & barbara jussa?

Abde caput Benace ; tuo & te conde sub amne :
Victrices nec jam Deus interlabere lauros.

En etiam, ceu nos agerent crudelia nulla :
Nec lacrymæ, planctusve forent : en dura tot inter,
Spes Latii, spes & studiorum, & Palladis illa
Occidit. Ereptum Musarum è dulcibus ulnis
Te miserum ante diem crudeli funere Marce
Antoni, ætatis primo sub flore cadentem
Vidimus extremâ positum Benacide ripa :
Quam media inter saxa sonans Sarca abluuit unda.
Te ripæ flere Athesis : te voce vocare
Auditæ per noctem umbræ, manesque Catulli :
Et patrios mulcere novâ dulcedine lûcos.

Tempestate illâ Ausoniarum rex Gallus opimam
Vertebat bello : & Ligurem ditione premebat.
Parte aliâ Cæsar ferro superabat, & igni
Euganeos, placidumque Siliim, Carnumque rebellem :
Et totum luctus Latium, moderorque tenebat.

Nunc age quæ vitæ ratio, quæ cura adhibenda
Perniciem adversus tantam : quid tempore quoque
Conveniat (nostri quæ pars est altera coepti)
Expeditam : & miranda hominum comperta docebo.
Quippe novâ quum re attoniti, multa irrita primâ
Tentassent : tamen angustis solertia major
In rebus, crescentisque usu experientia longo
Evicere : datumque homini protendere longe
Auxilia : & certis pestem compescere vinclis :
Victorem & sese claras attollere in auras.
Credo equidem & quædam nobis divinitus esse
Inventa ; ignaros fatis ducentibus ipsis.
Nam quanquam fera tempestas, & iniqua fuerunt
Sydera : non tamen omnino præsentia divum
Abfuit à nobis, placidi & clementia coeli,
Si morbum insolitum, si dura & tristia bella
Vidimus, & sparsos dominorum cæde Penates :

Oppidaque, incensasque urbes, everasque regna :
 Et templa, & raptis temerata altaria sacris :
 Flumina dejectas si perrumpentia ripas
 Evertère fata : & mediis nemora eruta in undis,
 Et pecora, & domini, correptaque rura natarunt :
 Obseditque inimica ipsas penuria terras :
 Hæc eadem tamen hæc ætas (quod fata negarunt
 Antiquis) totum potuit fuleare carinis
 Id pelagi, immensum quod circuit Amphitrite.
 Nec visum satis, extremo ex Atlante repositos
 Hesperidum penetrare sinus : Præsumque sub Arcto
 Inspectare aliâ, præruptaque littora Rhapti :
 Atque Arabo advehere, & Carmano ex æquore merces :
 Auroræ sed itum in populos Titanidis usque est
 Supra Indum, Gangemque supra, qua terminus olim
 Catygare noti orbis erat : superata Cyambe,
 Et dices Ebena, & felices Macere sylvæ.
 Denique & à nostro diversum gentibus orbem,
 Diversum cœlo, & clarum majoribus astris
 Remigio audaci attigimus ducentibus & Diis.
 Vidimus & vatem egregium, cui pulchra canenti
 Parthenope, placidusque cavo Sebethus ab antro
 Plauserunt, umbræque sacri manesque Maronis.
 Qui magnos stellarum orbés cantavit, & hortos
 Hesperidum, cœlique omnes variabilis oras.
 Te vero ut taceam, atque alios, quos fama futura
 Post mutos cineres, quos & venientia secla
 Antiquis conferre volent : at Bembe tacendus
 Inter dona Deum nobis data non erit unquam
 Magnanimus Leo : quo Latium, quo maxima Roma
 Attollit caput alta : paterque ex aggere Thybris
 Assurgit : Romæque fremens gratatur ovanti.
 Cujus ab auspiciis jam nunc mala sydera mundo
 Cessere : & læto regnat jam Jupiter orbe :
 Puraque pacatum diffundit lumina cœlum.
 Unus qui ærumnas post tot, longoque labores

Dulcia jam profugas revocavit ad otia Musas :
 Et leges Latio antiquas, rectumque, piumque
 Restituit : qui iusta animo jam concipit arma
 Pro re Romanâ, pro religione Deorum.
 Unde etiam Euphrates, etiam latè ostia Nili.
 Et tantum Euxini nomen tremit unda refusi :
 Atque Ægæa suos confugit Doris in Isthmos.

Ergo alii dum tanta canent : dumque illius acta
 Inclyta component : dum forte accingeris & tu
 Condere, & æternis victurum intexere chartis :
 Nos, quos fata vocant haud tanta ad munera, lusus
 Inceptos, quantum tenuis fert Musa, sequamur.

Principio, quoniam affecti non sanguinis una
 Est ratio, tibi sit morbo spes major in illo,
 Sanguine qui insedit puro : verum quibus atrâ
 Bile tument, spissoque resultant sanguine venæ :
 Major in iis labor est : pestisque tenacius hæret.
 Quare operæ pretium est validis atque acribus uti
 Omnibus hos contra, miseris nec parcere membris.
 Quin etiam meliora sibi promittere cuncta
 Ille potest, qui principiis novisse sub ipsis
 Serpentem tacitè valuit per viscera labem.
 Namque ubi pasta diu, vires per pabula longa
 Auxerit : & jam se vitium firmaverit intra :
 Heu ! quanto tibi libertas speranda labore est ?
 Ergo omnem impendes operam, te opponere parvis
 Principiis : memorique animo hæc præcepta reconde.

In primis ego non omni te assuescere cœlo
 Exhorter : fuge perpetuo quod flatur ab Austro :
 Quod cœno, immundæque grave est sudore paludis.
 Protenti potius campi mihi liber & agri
 Tractus, & apricis placeant in collibus auræ,
 Et molles Zephyri, pulsusque Aquilonibus aer.
 Hic (jubeo) tibi nulla quies, nulla otia sunt.
 Rumpe moras : agita assiduis venatibus apros.
 Impiger : assiduis agita venatibus urfos.

Nec tibi sit labor aeris cursu ardua montis
 Vincenti, rapidum in valles deflectere cervum:
 Et longâ lustrare altos indagine saltus.
 Vidi ego sæpe malum quoniam jam sudoribus omne
 Finisset: sylvisque tuum liquisset in altis.
 Sed nec turpe puta dextram summittere aratro:
 Et longum trahere incurvo sub vomere sulcum:
 Neve bidente solum, & duras proficendere glebas:
 Et validâ aeriam quercum exturbare bipenni:
 Atque imis altam eruere ab radicibus omum.
 Quin etiam, exercere domi quo te quoque possis;
 Parvâ mane pilam versa mihi, vespere versa.
 Et saltu, & durâ potes exudare palæstra.
 Vince malum; nec te fallat, quod desidis otii
 Assiduè desiderium, lectique sequatur.
 Tu lecto ne crede, gravi ne crede sopori
 His alitur vitium: & placide sub imagine pacis
 Decipit: è dulci que transit fomenta quiete.
 Nec non interea effugito quæ tristia mentem
 Sollicitant: procul esse iube curasque, metumque
 Pallentem, ultricesque iras, omnemque Minervæ
 Addictum studiis animum: sed carmina, sed te
 Delectent juvenumque chori, multæque puellæ:
 Parce tamen Veneri; mollesque ante omnia vitæ *vita*
 Concubitus; nihil est nocturni magis, odit & ipsa
 Pulchra Venus: teneræ contagem odere puellæ.
 Quod sequitur: victus ratio tibi maxima habenda est:
 Nec sit cura tibi, neve observantia major.
 Principio, quoscunque amnes, quoscunque paludes;
 Quosque lacus liquidi pascunt, quosque æquora pisces;
 Omne genus procul amoveo. Sunt quos tamen usis
 Liberius, quam res cogit, concedere possit.
 Omnibus his est alba caro, non dura, tenaxque:
 Quos petra, & fluviorum adversa, marisque fatigant.
 Tales nant pelago Phycides rutilæque per undas
 Auratæ, Gobique, & amantes faxæ Peræ.

Talis dulcissimum fluviorum Scarus ad ora
 Solus saxa inter depastas ruminat herbas.
 Sed neque quæ stagnis volucres, quæque amnibus altis
 Degere amant, liquidisque cibum perquirere in undis,
 Laudarim: tibi pinguis Anas, tibi crudior Anser
 Vitetur: potiusque vigil Capitolia servet;
 Viteturque gravi coturnis tarda saginâ.
 Tu teneros lactes, tu pandæ abdomina Porcæ,
 Porcæ heu terga fuge: & lumbis ne vescere aprinis:
 Venatu quamvis toties confeceris Apros.
 Quin neque te crudus Cucumis, non tubera captent:
 Neve famem Cinarâ, Bulbifve salacibus exple.
 Non placeat mihi lactis amor: non usus aceti:
 Non fumosa mero spumantia pocula Baccho,
 Qualia Cynæi colles, campique Falerni
 Et Pucinus ager mittunt: aut qualia nostris
 Rhetica dat parvo de collibus uva racemo.
 Nempe Sabina magis placeant: dilutaque tellus
 Quæ tulit: & multo domuerunt Naiades anne.
 At tibi, si ex horto victus, mensæque Deorum
 Sunt animo: atque olerum simplex & inempta voluptas:
 Non Mentæ virides, non læta Sisymbria desunt,
 Intybaque, & toto florentes frigore Sonchi,
 Et Sia fontanis semper gaudentia rivis,
 Et Thymbræ suaves, & odoriferæ Calaminthæ;
 Læta Meliphylla, & riguo Buglossus ab horto
 Carpentur: plenisque ferax Erucula palmis,
 Atque olus, atque Rumex, & falsi gramina Crithmi.
 Ipsa Lupum dameta ferent: hinc collige primos
 Asparagos, albæ asparagos hinc collige vitis,
 Quum nondum explicuit ramos: umbracula nondum
 Texuit, & virides jussit pendere corymbos.
 Singula sed longum est, nec percensere necesse.
 Jamque aliud vocor ad munus: juvat in nova Musas
 Naturæ nemora Aoniis deducere ab umbris:
 Unde mihi si non è lauro intexere fronti

Serta volent: tantâque caput cinxisse coronâ:
At saltem ob servata hominum tot millia, dignum
Censuerint quernâ redimiri tempora fronde.

Vere novo, si quem morbus tenet: aut & in ipso
Autumno, si firma ætas: si sanguis abundat,
Regalem, mediâmvæ læceti incidere veniam
Proderit, atque extra foedatum haurire cruorem.
Præterea, quocumque habeat te tempore pestis:
Corruptum humorem, & contagem educere turpem
Ne pigeat, facillique lucem deponere ab alvo.
Ante tamen ducenda para: concreta resolve:
Et crassa attenua: & lentore tenacia frange.

Ergo Coryciumque Thymum sit cura, Thymumque
Pamphylium, Thymbrae similis qui durior exit:
Prima tibi coxisse, Lupique volubile gramen,
Foeniculumque, Apiumque, & amari germina Capni.
His Polyporum hirtos imitata Filiculâ cirrhos
Additur, & nymphis tangi renuens Adiantus:
His sterile Asplenium, his plectam Phyllitida junge.
Quorum ubi decoctum permultis ante diebus
Ebiberis, crudumque humorem incoxeris omnem:
Tum Scyllâ medicare acri, & Colocyntide amarâ,
Helleboroque gravi: nec non quæ in littore surgens,
Quâ ludit maris unda, ter evariata colorem,
Ter flores mutata die, rem homine signat,
Herba potens radice: suam cui zinziber adde:
Adde etiam anguinem Cucumin, Nabatheaquæ Thura,
Myrrhamque, Baelamque, Hammoniâque liquorem,
Et lacrymam Panaceam, & dulci Colchica bulbo.

His actis, si forte tibi frigentia corda,
Et molles animi fuerint: nec acerba placebit
In primis tentare; brevique extinguere pestem:
Sed placidis agere, & per tempora lenibus uti.
Tum superest tibi cura animum ad fomenta relicta
Vertere, contagisque ad tenuia semina cecæ:
Illa quidem consueta modis interspere miris.

Profuerint igitur quæque exsiccantia, quæque
 Marcori resinosa solent obfistere putri.
 Tales sunt Myrrhæ lacrymæ: sunt talia Thura,
 Cedrusque, Aspalathusque, immortalisque Cupressus,
 Et bene cum Calamo spirans redolente Cyperus.
 Ergo nec desint Casiæ, nec desit Amomum,
 Macerve, Aggalocumve tibi, nec Cinnama odora.
 Est etiam in pratis illud, iuxtaque paludes
 Scordion, omnigenis quod tantum obitare venenis,
 Contagique solet: parvo quærenda labore
 Herba tibi, vires ipsa comis imitata Chamædryn,
 Flore rubens, referensque Alli cum voce saporem.
 Aurorâ nascente hujus frondemque comantem
 Radice que coque: atque haustu te proluere largo.
 Sed neque carminibus neglecta silebere nostris
 Hesperidum decus, & Medarum gloria Citre
 Sylvarum: si forte sacris cantata Poetis
 Parte quoque hâc medicam non dedignabere Musam.
 Sic tibi sit semper viridis corna, semper opaca,
 Semper flore novo redolens: sis semper onusta
 Per viridem pomis sylvam pendentibus aureis.
 Ergo ubi nitendum est cæcis te opponere morbi
 Seminibus: vi mira arbor Citherea præstat.
 Quippe illam Citherea, suum dum plorat Adonem,
 Munere donavit multo: & virtutibus auxit.
 Quorundam inventum est, vitrei inter concava vasis,
 Cui collum oblongum est; venter turgescit in orbem:
 Aut Hederæ folia, aut Idâ mittente maniplos
 Dictami, Illyricamve Irim, Thamnive nigram
 Radicem, aut Inulas coquere: in sublime solutus
 Effertur vapor: & tenuis vacua omnia complet.
 Ast, ubi frigenti occurrit ab ære vitro,
 Cogitur, & rorem liquidus densatur in udum,
 Decurritque vagis per aperta canalina rivis:
 Destillant aquæ cyathum sub lumina prima
 Luciferi potare jubent, strati que parare

Sudo-

Sudorem: nec certe ab re: vis utilis olli est,
 Reliquias tenues morbi dispergere in auras.

Interea si membra dolor convulsa malignus
 Torqueat, Æsypo propera lenire dolorem,
 Mastichinoque oleo: lentum quibus anseris unguen,
 Emulsumque potes Lini de semine mucum,
 Narcissumque, Inulamque, liquentiaque addere mella,
 Coryciumque Crocum, & vilem componere Amurcam.
 At fauces, atque oramalus si eroserit Herpes:
 Tange Nitro, & viridi medicatâ Æruginè lymphâ:
 Semina, inuro mala, & serpentem interfice pestem.

Verum ipsos ope non aliâ consumere Achores
 Urentum quam vi poteris: quibus addere debes
 Pingue aliquid, quod secum intus siccantia portet.
 Hæc eadem &, miseros artus si qua ulcera pascunt,
 Tollere, concretoque valebunt solvere callos.

Si vero aut hæc nequicquam tentasse videb's:
 Aut vires, animique valent ad fortia quæque:
 Nec differre cupis, quin te committere acerbis
 Festines, diramque brevi consumere pestem:
 Hinc alia inventa expediam: quæ tristia quanto
 Sunt magis, hoc tanto citius finire labores,
 Ærumnaque mali poterunt. Quippe effera labes
 Inter prima tenax, & multo fomite vivax
 Nedum se haud vinci placidis, & mitibus, at nec
 Tractari finit, & mansuescere dura repugnat.
 Sunt igitur Styracem in primis qui, Cinnabarinque,
 Et Minium, & Stimini agglomerant, & Thura minuta:
 Quorum suffitu pertingunt corpus acerbo:
 Absumuntque luem miseram, & contagia dira.
 At vero & partim durum est medicamen, & acre:
 Partim etiam fallax: quo faucibus angit in ipsis
 Spiritus, eluctansque animam vix continet ægram.
 Quocirca totum ad corpus nemo audeat uti
 Judice me: certis fortasse erit utile membris:
 Quæ Papulæ informes, Chironiaque ulcera pascunt.

Argeton

Argento melius persolvunt omnia vivo.

Pars major: Miranda etenim vis insita in illo est :
Sive quod id natum est subito frigusque caloremque
Excipere : unde in se nostrum cito contrahit ignem :
Quodque est condensum, humores dissolvit, agitque
Fortius : ut candens ferrum flammâ acrius urit :
Sive acres, unde id constat compagine mirâ,
Particulæ, nexuque suo vinculisque solutæ
Introrsum, ut potuere seorsum in corpora ferri :
Colliquant concreta : & semina pestis inurant.
Sive aliam vim fata illi, & Natura dedere,
Cujus & inventum medicamen munere Divûm
Digressus referam. Quis enim admiranda Deorum
Munera prætereat? Syriæ nam forte sub altis
Vallibus, umbrosi nemora inter glauca salicti
Callirhoe quâ fonte sonans decurrit amœno,
Fama est, cultorem Diis sacri agrestibus horti
Cultorem nemorum, sectatoremque ferarum
Ilcea labe gravem tantâ, dum molle Cyperum
Et Casiam, & sylvam latè fragrantis Amomi
Irrigat : hæc orasse Deos, & talia fatum.

Dii, quos ipse diu colui : tuque optima tristes
Callirhoe, quæ sancta soles depellere morbos :
Cui nuper ramosa ferens ego cornua cervi
Aeriâ victor fixi capita horrida quercu :
Dii mihi crudelem misero si tollere pestem
Hanc dabitis, quæ me afflicta noctesque diesque :
Ipse ego purpureas, ipse albas veris & horti
Primitias, vobis violas, ego lilia vobis
Alba legam, primasque rosas, primosque Hyacinthos ;
Vestraque odoratis onerabo altaria fertis.
Gramen erat juxta viridans. Sic fatur, ut æstu
Fessus erat, viridi defedit graminis herbâ.
Hic Dea vicino, quæ sese fonte lavabat,
Callirhoe liquido ex antro per lubrica musco
Saxa fluens, juveni dulci blandita susurro,

Lethæum immisit somnum : sparsitque sopore
 Graminea in ripâ, & salicum nemus inter opacum :
 Atque illi visa est sacro se flumine tollens
 In somnis coram esse : piâ & sic voce loquuta.
 Ilceu in extremo Diis tandem audite labore
 Cura mei, tibi nulla salus quacunque videt Sol
 Speranda est terram magnam super. Hoc tibi pœnæ
 Dat Trivia, & precibus Triviæ exoratus Apollo,
 Ob sacrum jaculo percussum ad flumina Cervum,
 Et nostris affixa tibi capita horrida truncis.
 Nam postquam illa feram exanimem per gramina vidit
 Abscisso capite, & sacro sparsa arva cruore :
 Omnibus ingemuit sylvis : dirumque precata est
 Authori. Oranti Latous tanta forori
 Affuit : & pestem misero immisere nefandam
 Durus uterque tibi : quin & quacunque videt Sol,
 Interdixit opem. Quare tellure sub imâ,
 Siqua salus superest, cæcâ sub nocte petenda est.
 Est specus arboribus tectum, atque horrore verendum
 Vicinâ sub rupe, Jovis qua plurima sylva
 Accubat : & raucum reddit coma cedria murmur.
 Huc, ubi se primis Aurora emittet ab undis
 Ire para : & nigrantem ipsis in faucibus agnam
 Mactato supplex, atque Ops tibi maxima, dic, hanc,
 Dic, ferio. Nigram tum noctem, umbrasque silentes,
 Umbrarumque Deos, ignotaque numina Nymphas
 Et Thiâ venerare, atræ & nidore cupressi.
 Hic tibi narranti causam, auxiliumque vocanti
 Haud aberit Dea, quæ cæcæ in penetralia terræ
 Deducat te sancta : & opem tibi sedula præstet.
 Surge age : nec vani spæciem tibi concipe somni.
 Illa ego sum, quæ culta vago per pinguia fonte
 Dilabor, Dea vicinis tibi cognita ab undis.
 Sic ait : & se cæruleo cita condidit amne.

Ille autem ut placidus cessit sopor, omnia lætus
 Accipit : & Nympham precibus veneratur amicam.

O sequor, ô quocunque vocas pulcherrima fontis
 Vicini Dea Callirhoe. Tum postera primum
 Exurgens Aurora, suos ubi protulit ortus,
 Monstratum Jovis in sylvâ sub rupibus altis
 Antrum ingens petit, & nigrantem tergora primo
 Vestibulo fistit pecudem, magnæque trementem
 Mactat Opi: tibi que, inquit, ego hanc Ops maxima macto:
 Tum noctem, noctisque Deas, ignota precatur
 Numina: tamque simul Thian, atramque Cupressum-
 Urebat: quum vox terræ revoluta cavernis
 Longè audita sacras Nympharum perculit aures:
 Nympharum, quibus æra solo sunt condita cūræ.
 Extemplo commotæ omnes, ac cœpta reponunt:
 Sulfureos forte ut latices, & flumina vivi
 Argenti, mox unde nitens concrederet aurum,
 Tractabant, gelidoque prementes fonte coquebant.
 Centum ignis spissi radios, centum ætheris usti,
 Bis centum concretorum terræque, marisque
 Miscuerant, nostros fugientia semina visus.

At Lipare, Lipare argenti cui semina & auri
 Cura data, & sacrum flammis adolere bitumen:
 Continuo obscuræ latebrosa per avia terræ
 Ilcea adit, firmansque animum sic incipit ipsa:

Ilceu (namque tuum nec nomen; nec mihi labos
 Ignota est, nec quid verias) jam corde timorem
 Exue: nequicquam non te huc charissima mittit
 Callirhoe; tibi parata salus tellure sub imâ est.
 Tolle animos: & me per opaca silentia terræ
 Insequere; ipsa adero, & præsentî numine ducam.
 Sic ait: & se antro gradiens præmittit opaco.
 Ille subit, magnos terræ miratus hiatus,
 Squallentesque situ æterno, & sine lumine vastas
 Speluncas, terramque meantia flumina subter.
 Tum Lipare: hæc quodcunque patet, quam maxima terra est,
 Hunc totum sine luce globum, loca subdita nocti,
 Dii habitant: imas retinet Proserpina sedes:

Flumina supremas: quæ sacris concita ab antris
 In mare per latas abeunt resonantia terras.
 In medio dites Nymphæ, genera unde metalli,
 Ærisque, argentique, aurique nitentis origo.
 Quarum ego nunc ad te miserans ipsa una sororum
 Advenio, illa ego, quæ venas per montis hiantes,
 Callirhoe haud ignota tuæ, fumantia mitto
 Sulfura. Sic ibant terrâ, & caligine tecti,
 Jamque exaudiri crepitantes sulfure flammæ,
 Conclufique ignes, stridentiaque æra caminis.
 Hæc regio est latè variis ubi foeta metallis,
 Virgo ait, est tellus: quorum vos tanta cupido
 Exercet, superas cœli qui cernitis auras.
 Hæc loca mille Deæ cæcis habitamus in antris:
 Nocte Deæ & Tellure satæ, queis munera mille,
 Mille artes. Studium est aliis deducere rivos:
 Scintillas aliis rimari, & sparsa per omnem
 Semina tellurem flammarum, ignisque corusci
 Materiam miscent aliæ: massamque coercent
 Obicibus, multâ & gelidarum ad peragine aquarum.
 Non procul eruptis fumantia tecta caminis –
 Ætnæi Cyclopes habent, versantque, coquuntque
 Vulcano stridente, atque æra sonantia cudunt.
 Læva hac abstrusum per iter via ducit ad illos.
 Dextera sed sacri fluvii te sistet ad undam,
 Argento fluitantem undam, vivoque metallo:
 Unde salus speranda. Et jam aurea tecta subibant,
 Rorantesque domos spodiis, fuligineque atrâ
 Speluncas variè obductas, & sulfure glauco.
 Jamque lacus latè undantes, liquidoque fluentes
 Argento juxta astabant, ripasque tenebant.
 Hic tibi tantorum requies inventa laborum,
 Subsequitur Lipare: postquam ter flumine vivo
 Perfusus, sacrâ vitium omne reliqueris undâ.
 Sic fatur: simul argenti ter fonte salubri
 Perfundit: ter virginis dat flumina palmis

Membra super : juvenem toto ter corpore lustrat
Mirantem exuvias turpes, & labe malignâ
Exutos artus, pestemque sub amne relictam.

Ergo age, quum primum cœli te purior aer
Accipiet, nitidamque diem, solemque videbis :
Sacra para, & castam supplex venerare Dianam,
Indigenasque Deos, & numina fontis amici.

Sie virgo : & juvenem tanto pro munere grates
Solventem è nocte ætherias educit in oras :
Dimittitque alacrem, atque optata in lûmina reddit.

Accepit nova fama fidem ; populosque per omnes
Prodiit haud fallax medicamen, coeptaque primum.

Misceri argento fluitanti axungia porcæ.
Mox etiam Oriciæ simul adjuncta est Terebinthi,
Et Laricis resina. Aliqui sunt, qui ungen equinum
Ursinumve adhibent, Bdælæ, Cedrique liquorem.
Nonnulli & myrrhæ guttas, & mascula Thura
Adjiciunt ; miniumque rubens, & sulfura viva.
Haud vero mihi displiceat, componere siquem
Trita Melampodia, atque arentem juverit Irim,
Galbanaque, & Lasser grave-olens, oleumque salubre
Lentisci, atque oleum haud experti sulfuris ignem.

His igitur totum oblinere, atque obducere corpus
Ne obscœnum, ne turpe puta, per talia morbus
Tollitur : & nihil esse potest obscœnius ipso.
Parce tamen capiti, & præcordia mollia vita.
Tum super & vittas astringe ; & stuppea nocte
Vellera : dein stratis tegmento imponere multo ;
Dum fudes, foedæque fluant per corpora guttæ.
Hæc tibi bis quinis satis est iterasse diebus.
Durum erit, at quicquid tulerit res ipsa, ferendum est.
Aude animis ; tibi certa salus stans limine in ipso
Signa dabit : liquefacta mali excrementa videbis
Assiduè sputo immundò fluitare per ora :
Et largum ante pedes tibi mirabere flumen.
Ora tamen foeda erodent ulcusculâ : sed tu

Lacte fove, & cocto Cytini, viridisque Ligustri.
 Tempore non alio generosi pocula Bacchi
 Annuerim sumenda tibi, purumque Falernum,
 Et Chia, & pateris spumantia Rhetica largis.

Sed jam age vicinæ victor gratare salutis.
 Ultima adest tibi cura, eadem & placidissima: corpus
 Abluere, & lustrare artus, ac membra piare
 Stœchade, Amaracinisque cotnis, & Rore marino,
 Verbenâque sacrâ, & beneolentibus Heracleis.

SED jam me nemora alterius scœlicia mundi,
 Externique vocant saltus. Longè assonat æquor
 Herculeas ultra metas, & littora longè
 Applaudunt semota: mihi nunc magna Deorum
 Munera, & ignoto devecta ex orbe canenda
 Sancta arbos: quæ sola modum, requiemque do'ori
 Et finem dedit ærumnis. Age Diva beatum
 Uranie venerare nemus: crinesque revinctam
 Fronde novâ, juvet in medicâ procedere pallâ
 Per Latium: & sanctos populis ostendere ramos:
 Et juvet haud unquam nostrorum ætate parentum
 Visa prius, nullive unquam memorata referre.

Unde aliquis forsan novitatis imagine mirâ
 Captus, & heroas, & grandia dicere facta
 Assuetus, canat auspiciis majoribus ausas
 Oceani intacti tentare pericula puppes.
 Necnon & terras varias, & flumina, & urbes,
 Et varias memoret gentes, & monstra reperta:
 Dimensasque plagas: alioque orientia cœlo
 Sydera, & insignem stellis majoribus Arcton.
 Nec taceat nova bella: omnemque illata per orbem
 Signa novum, & positas leges, & nomina nostra.
 Et canat (auditum quod vix venientia credant
 Sæcula) quodæcunque Oceani complectitur æquor
 Ingens, omne, una obitum mensumque carinâ.

Felix, cui tantum dederit Deus : at mihi vires
Arboris unitis fatis est, usumque referre :
Et quo inventa modo fuerit : nostrasque sub auras
Advena per tantum pelagi pervenerit æquor.

Oceano in magno, ardenti sub sydere Cancrī,
Sol ubi se nobis mediā jam nocte recondit,
Hac ignota tenus, tractu jacet insula longo :
Hispana gens inventrix cognomine dixit :
Auri terra ferax : sed longe ditior una
Arbore : voce vocant patrii sermonis Hyacum.
Ipsa teres, ingenique ingentem vertice ab alto
Diffundit semper viridem, semperque comantem.
Arbuteis sylvam foliis. Nux parva, sed acris,
Dependet ramis, & plurima frondibus hæret.
Materia indomita est, duro & pene æmula ferro
Robora : quæ resinam ludant incensa tenacem.
Dissectæ color haud simplex : in cortice, lauri
Exteriore viret livor : pars altera pallet
Buxea : at interior nigro suffusca colore est,
Juglandemque, Ebenumque inter : quod si inde ruberet,
Jam poterat variis æquare coloribus Irim.
Hanc gens illa colit ; studioque educere multo
Nititur : hâc late colles campique patentés,
Hâc omnis vestitur ager, nec sanctius illis
Est quicquam, aut potiore usu. Quippe omnis in illâ
Spes jacet hanc contra pestem ; quæ coelitus illic
Perpetua est : validos abjecto cortice ramos
Multâ vi tundunt ; aut in segmenta minuta
Elimant ; puroque scobes in fonte reponunt,
Dum bibulas noctemque diemque emaceret humor.
Inde coquunt : necnon illos ea cura fatigat ;
Vulcano ne forte furens erumpat aquæ vis :
Et superundantem spumam projectet in ignes.
Spumâ quippe linunt, si quicquam è corpore toto
Abscedit : si quicquam ægros depascitur artis.
Dimidiâ absumptâ, superest quodcunque reponunt

Divini laticis. Quin & segmenta relicta
 Rursus, ut ante, coquunt, addentes suaveliquens Mel.
 Scilicet hunc unum mensis accedere potum,
 Et lex ipsa jubet gentis, mandatque sacerdos.
 Servatum at laticem, & decocti pocula primi
 Bina die quâque assumunt, quum surgit ab ortu
 Lucifer, & sero egreditur quum vesp̄er Olympo.
 Nec prius absistunt potu, quam menstrua cursum
 Luna suum, & totum peragrans perfecit orbem :
 Fraternalque iterum convenerit æmula bigas.
 Interea cæcis sese penetralibus abdunt,
 Quo neque vis venti, non halitus aeris ullus
 Insinuet sese, & gelidis afflatibus obsit.
 Quid mirandum æquè memorem super omnia victam
 Quàm tenuem, quàm magnâ sibi jejunia poscant ?
 Quippe solet satis esse, ipsum dum corpus alatur,
 Dum superet vita ; & tantum ne membra fatiscant.
 Ne tamen ah ! ne tanta time : sacer ilicet haustus
 Ille modo Ambrosiæ, vires reficitque fovetque :
 Inque occulta gerit jejunis pabula membris.
 Nectare ab epoto binas, non amplius, horas
 Imponunt sese stratis, medicamen ut intro
 Large eat : & calido sudorem è corpore ducat.
 Interea vacuas pestis vanescit in auras,
 Et (dictu mirum) apparet jam pustula nulla :
 Jamque nomæ cessere omnes ; jam fortia liquit
 Membra dolor ; primoque redit cum flore juventa :
 Et jam Luna suum remeans nova circuit orbem.

Quis Deus hos illis populis monstraverit usus :
 Qui demum & nobis casus, aut fata tulere
 Hos ipsos, unde & sacrae data copia sylvæ ;
 Nunc referam. Missæ quæsitum abscondita Nerei
 Æquora in occasum solisque cubilia pinus,
 Littoribus longè patriis, Calpæque relictis,
 Ibant Oceano in magno, pontumque secabant
 Ignaræque viæ, & longis erroribus actæ.

Quas circum innumeræ properantes gurgite ab omni
 Ignoti nova monstra maris Nereides udæ
 Adnabant, cellas miratæ currete puppes,
 Salsa super pictis volitantes æquora velis.

Nox erat: & puro fulgebat ab æthere Luna,
 Lumina diffundens tremuli per marmora ponti:
 Magnanimus quum tanta heros ad munera fatis
 Delectus, dux errantis per cærule classis,
 Luna, ait, ô, pelagi cui regna hæc humida parent:
 Quæ bis ab auratâ curvasti cornua fronte;
 Cûrva bis explesti: nobis errantibus ex quo
 Non ulla apparet tellus: da littora tandem
 Aspicere, & dudum speratos tangere portus.
 Noctis honos cœlique decus Latonia virgo.
 Audiit orantem Phœbe: delapsæque ab alto
 Æthere, se in faciem mutat, Nereia quali
 Cymothoe, Clothoque natant, juxtaque carinam
 Astitit, & summo pariter nans æquore fatur;
 Ne nostræ dubitate rates; lux crastina terras
 Ostendet, fidoque dabit succedere portu.
 Sed vos littoribus primis ne insitite dudum;
 Ultra fata vocant. Medio magna insula ponto
 Est Ophyre, huc iter est vobis, hic debita sedes
 Imperiique caput. Simul hæc effata, carinam
 Impulit: illa levi cita dissecat æquora cursu.
 Aspirant facilès auræ; & jam clarus ab undis
 Surgebat Titan: humiles quum surgere colles
 Umbrosi procul, & propior jam terra videri
 Incipit: acclamant nautæ, terramque salutant,
 Terram exoptatam. Tum portu & littore amico
 Excepti, Diis vota piis in littore solvunt:
 Quassatasque rates, defessæque corpora curant.
 Inde ubi quarta dies pelago, crepitanque vocavit
 Vela Notus, remis insurgitur, altaque rursum
 Corripiunt maria; & læti freta cærule fulcant.
 Linquitur incerto fluitans Anthyllia ponto,

Atque

Atque Hagia, atque alta Ammerie, execrataque tellus
 Cannibalum, & ripâ Gyane nemorosa virenti.
 Protinus innumera panduntur turribus altis
 Insulæ Oceano in vasto : quas inter, opacis
 Undantem sylvis unam, cursuque sonantem
 Fluminis aspiciunt : magno qui spumeus alveo
 In mare fulgentes auro subvectat arenas.
 Hujus in ora placet proras appellere puppes.
 Invitant nemora, & dulces è flumine lymphæ.
 Jamque solo viridante alacres, ripâque potiti
 In primis terram ignotam, Nymphasque salutant
 Indigenas, geniumque loci, teque aurifer amnis,
 Quisquis in aura maris nitidâ perlaberis undâ.
 Tum duram Cererem, & patrii carthesia Bacchi
 Aggere in herbofo expediunt : dein quærere siqui
 Mortales habitent. Pars fulvâ fluminis undam
 Mirari; mistamque auro disquirere arenam.
 Forte per umbrosos sylvarum plurima ramos
 Assidue volitabat avis; quæ picta nitentes
 Cæruleo pennas, rostro variata rubenti
 Ibat nativo, secura per avia, huc.
 Has juvenum manus ut sylvas videre per altas,
 Continuo cava terrificis horrentia bombis
 Æra, & flammiferum tormenta imitantia fulmen
 Corripiunt: Vulcane tuum, dum Theutonas armas,
 Inventum, dum tela Jovis mortalibus affers.
 Nec mora : signantes certam sibi quisque volucrem,
 Inclusam, salicum cineres, sulphurque, nitrumque,
 Materiam, ascendunt servata in reſte favilla :
 Fomite correpto diffusa repente furit vis
 Ignea circumſepta ; simulque cita obice rupto
 Intrusam impellit glandem : volat illa per auras
 Stridula ; & exanimis passim per prata jacebant
 Dejectæ volucres : magno micat ignibus aer
 Cum tonitru ; quo sylvæ omnis, ripæque recurvæ,
 Et percussa imo sonuerunt æquora fundo.

Pars avium nemus in densum conterrita, & altos
Se recipit scopulos : quorum de vertice summo
Horrendum una canit, (dictu mirabile) & aures
Terrificis implet dictis, ac talibus inquit.

Qui solis violatis aves, sacrasque volantes,
Hesperii, nunc vos, quæ magnus cantat Apollo,
Accipite : & nostro vobis quæ nuntiat ore.
Vos, quanquam ignari, longum quæsitâ, secundis
Tandem parta Ophyre tetigistis littora ventis.
Sed non ante novas dabitur summittere terras,
Et longâ populos in libertate quietos,
Molirique urbes, ritusque ac sacra novare :

Quam vos infandos pelagi terræque labores
Perpeffi, diversa hominum post prælia, multi
Mortua in externâ tumuletis corpora terrâ.
Navibus amissis pauci patria arva petetis.

Frustra alii socios quæretis magna remensi
Æquora ; nec nostro deerunt Cyclopes in orbe.
Ipsa inter sese vestras discordia puppes

In rabiem ferrumque trahet : nec fera manet vos
Illa dies, foedi ignoto quum corpora morbo
Auxilium sylvâ miseri poscetis ab istâ,

Donec pœniteat scelerum. Nec plura locuta
Horrendum stridens densis sese abdedit umbris.

Ollis ossa rigor subitus percurrit, & omnis
Palluit, ac gelidâ fugit formidine sanguis.

Tum vero sacras volucres, Divosque precati,

In primis solem, & sanctum servantia lucum

Numina supplicibus veneramur agrestia votis :

Pacem orant, rursusque Ophyren, fluviumque salutant.

Interea è sylvis nigrum genus ora comasque,

Ad naves nova turba virum concurrat inermis,

Pectora nudi omnes, evincti frondibus omnes

Paciferis : tanta qui celsas mole carinas

Mirati, vestesque virum, fulgentiaque arma,

Vix satis expleri possunt : & ab æthere missi

Sive homines, sive heroes sint, sive Deorum
 Numina, adorantum ritu, precibusque salutant :
 Ante alios ipsum Regem, cui munera læta
 E ripis collectum aurum, & Cerealia dona,
 Et patrios fructus, & mella liquentia portant.
 Vestibus etiam ipsi nostris, & munere multo
 Donati, exceptique mero nova gaudia miscent.
 Non aliter, quam si mensis, dapibusque Deorum
 Mortalis quisquam adscitus, felixque futurus,
 Hauriat æternum, cœlestia pocula, nectar.

Ergo ubi amicitia securus foedere utrinque
 Firmavere animos, habita & commercia gentis,
 Ipsi inter sese reges in littore læti
 Complexu jungunt dexteras, & foedera firmant.
 Alter gossipio tenui pectusque femurque
 Præcinctus, viridi limbum pingente sinaragdo,
 Ora niger : jaculo armatur cui dextera acuto :
 Squammosi spoliū sustentat læva Draconis.
 Alter at intexto lænam circumdatus auro :
 Quam subter rutila arma micant, capiti ærea cassis
 Insidet, & pictæ volitant in vertice cristæ.
 Fulgenti ex auro torques cui candida colla
 Cingunt, atque ensis lateri dependet Iberus.
 Et jam commisti populi, hospitioque recepti,
 Hi tectis domibusque, altis in navibus illi.
 Lætitiâ ludisque dies per pocula ducunt.

Forte loco lux festa aderat; Solique parabant
 Ultori facere umbroso sacra annua luco.
 Hesperiaque, Ophyræque manus convenerat omnis :
 Hic convalle cavâ, ripæ viridantis in herbâ
 Selectorum ingens numerus, matresque virique
 Confusi, plebs atque patres, puerique senesque,
 Astabant, animis tristes, & corpora foedi,
 Squallentes crustis omnes, taboque fluentes.
 Quos circumfusos albenti in veste sacerdos
 Purâ lustrat aquâ, & ramo frondentis Hyaci.

Tum niveum ante aras cædit, de more, juvenum,
Et juxta positum pastorem sanguine cæsi
Respergit, pateraue rigat : Solique potenti
Ad numeros pæana canit : nec cætera turba
Non sequitur ; mactantque fues, mactantque bidentes ;
Visceribusque veru tostis epulantur in herbâ.

Obstupuit gens Europæ ritusque sacrorum,
Contagemque alio non usquam tempore visam.
At dux multa animo tacitus secum ipse volutans,
Hic erat ille, inquit, morbus, (Dii avertite casum)
Ignotum interpres Phœbi quem dira canebat.
Tum regem indigenam, (ut sermo fandique facultas
Jam communis erat) cui sint solennia Divum ?

Scitatur : quid tanta astet convalle sub altâ
Languentum miseranda manus ? quid pastor ad aras
Sacra inter, cæsi respersus sanguine tauri ?

Quem contra, Hesperiaë ô Heros fortissime pubis,
Rex ait, hi gentis ritus : hæc sacra quotannis
Ultori de more Deo celebramus. Origo.

Antiqua est, veteresque patrum fecere parentes.
Quod si externorum mores, hominumque labores
Audivisse juvat : primævâ ab origine causam
Sacrorum, & pestis miseræ primordia pandam.

Forſitan Atlantis veſtras pervenit ad aures
Nomen, & ex illo generis longo ordine ducti.
Hâc & nos, longâ ſerie, de ſtirpe proſecti
Dicimur ; heu quondam felix & cara Deum gens ;

Dum cœlum colere, & ſuperis accepta referre
Majores fuevere boni : ſed numina poſtquam
Contemni coeptum eſt, luxu ſaſtuque nepotum,
Ex illo quæ ſint, miſeros, quantæque ſecutæ
Ærumnæ, vix ſando unquam comprehendere poſſem.

Infula tum priſci regis de nomine dicta
Ingenti terræ concuſſa Atlantia motu
Corruit, abſorpta Oceano : quem mille carinis
Sulcavit toties, terræ regina mariſque.

Ex illo & pecudes, & grandia quadrupedantum
 Corpora, non ullis unquam reparata diebus
 Æternum periere: externaque victima sacris
 Cæditur, externus nostras cruor imbuat aras.
 Tum quoque & hæc infanda lues, quam nostra videtis
 Corpora depasci: quam nulli, aut denique pauci
 Vitamus, Divum offensis, & Apollinis irâ
 De cœlo demissa, omnes grassatur in urbes.
 Unde hæc sacra novo primum solennia ritu
 Instituire patres, quorum hæc perhibetur origo.

Syphilus (ut fama est) ipsa hæc ad flumina pastor
 Mille boves, niveas mille hæc per pabula regi
 Alcithoo pascebat oves, & forte sub ipsum
 Solstitium, urebat sitientes Sirius agros;
 Urebat nemora: & nullas pastoribus umbras
 Præbebant, sylvæ: nullum dabat aura levamen.
 Ille gregem miseratus, & acri concitus æstu,
 Sublimem in Solem vultus & lumine tollens,
 Nam quid Sol te, inquit, rerum patremque Deumque
 Dicimus? & sacras vulgus rude ponimus aras?
 Macſtatoque bove, & pingui veneramur acerra?
 Si nostri nec cura tibi est, nec regia tangunt
 Armenta? an potius superos vos arbitrer uri
 Invidia? mihi mille nivis candore juvencæ,
 Mille mihi pascuntur oves: vix est tibi Taurus
 Unus, vix Aries cœlo (si vera feruntur)
 Unus, & armenti-custos canis arida tanti.
 Demens quin potius Regi divina faceſſo?
 Cui tot agri, tot sunt populi, cui lata ministrant
 Æquora, & est superis, ac Sole potentia major.
 Ille dabit facilesque auras; frigusque virentum
 Dulce feret nemorum armentis, æstumque levabit.
 Sic fatus, mora nulla, sacras in montibus aras
 Instituit regi Alcithoo: & divina faceſſit.
 Hoc manus agretum, hoc pastorum cætera turba
 Exequitur: dant thura focis incensa; litantque

Sanguine taurorum ; & fumantia viscera torrent.
 Quæ postquam Rex, in solio dum forte federet
 Subjectos inter populos, turbamque frequentem,
 Agnovit: Divum exhibito gavifus honore,
 Non ullum tellure coli, se vindice, numen
 Imperat, esse nihil terrâ se majus in ipsâ :
 Cœlo habitare Deos, nec eorum hoc esse quod infra est.
 Viderat hæc, qui cuncta videt, qui singula lustrat,
 Sol pater : atque animo secum indignatus, iniquos
 Intorsit radios, & lumine fulsit acerbo.
 Aspectu quo terra parens, correptaque ponti.
 Æquora ; quo tactus viro subeanduit aer.
 Protinus illuvies terris ignota profanis
 Exoritur. Primus, regi qui sanguine fuso
 Instituit divina, sacrasque in montibus aras,
 Syphilus, ostendit turpes per corpus Achores.
 Insomnes primus noctes, convulsaque membra
 Sensit, & à primo traxit cognomina morbus :
 Syphilidenque ab eo labem dixere coloni.
 Et mala jam vulgo cunctas diffusa per urbes
 Pestis erat : Regi nec sæva pepercerat ipsi.
 Itur ad Ammericen sylva in Cartheside Nympham ;
 Cultricem nemorum Ammericen : quæ maxima lūco
 Interpres Divum responsa canebat ab alto.
 Scitantur ; quæ causa mali, quæ cura superfit,
 Illa refert. Spreti vos ô, vos numina Solis
 Exercent : nulli fas est se æquare Deorum
 Mortalem : date thura Deo, & sua ducite sacra,
 Et numen placate, iras non proferet ultra.
 Quam tulit, æterna est, nec jam revocabilis unquam
 Pestis erit : quicumque solo nascetur in isto,
 Sentiet, ille lacus Stygios, fatumque severum
 Juravit, sed enim, si jam medicamina certa
 Expetitis, niveam magnæ mactate juvencam
 Junoni, magnæ nigrantem occidite vaccam
 Telluri : illa dabit foelicia semina ab alto :

Hæc viridem educet foelici è femine sylvam :
 Unde salus. Simul obticuit, specus intus ; & omne
 Excussum nemus, & circum stetit horror ubique.
 Illi obeunt mandata : sua ipsi altaria Soli
 Instituunt : niveam Juno tibi magna juvencam,
 Nigrantem Tellus mactant tibi maxima vaccam.
 Mira edam. (at divos juro, & monumenta parentum)
 Hæc sacra, quam nemore hoc toto vos cernitis, arbor,
 Ante solo nunquam fuerat quæ cognita in isto,
 Protinus è terra virides emittere frondes
 Incipit, & magna campis pubescere sylvæ.
 Annua confestim Soli facienda Sacerdos
 Ulteri nova sacra canit. Deducitur ipse
 Sorte data, qui pro cunctis cadat unus ad aram,
 Syphilus : & jam farre sacro, vittisque paratis
 Purpureo stabat tincturus sanguine cultros :
 Tutatrix vetuit Juno, & jam mitis Apollo,
 Qui meliorem animam miseri pro morte juvencum
 Supposuere, feroque solum lavere cruore.
 Ergo ejus facti æternum ut monumenta manerent,
 Hunc morem antiqui primum statuere quotannis
 Sacrorum. Ille tuum testatur Syphile crimen,
 Victima vana, sacras deductus pastor ad aras.
 Illa omnis, quam cernis, inops miserandaque turba
 Tacta Deo est, veterumque hinc commissa parentum.
 Cui votis precibusque piis numerisque sacerdos
 Conciliat vates Divos, & Apollinis iras.
 Lustrati ingentes ramos, & robora sanctæ
 Arboris advectant tectis : libamine cujus
 Vi mira infandæ labis contagia pellunt.

Talibus, atque aliis tempus per multa trahebant
 Diversis populi commisti è partibus orbis.
 Interea, Europæ fuerant quæ ad cara remissæ
 Littora, jam rursus puppes freta lata remensæ
 Mira ferunt ; late (proh ! fata occulta Deorum)
 Contagem Europæ cælo crebrescere eandem,

Attonitaſque urbes nullis agitare medelis.
 Quinetiam gravior naues it rumor in omnes,
 Illo eodem claſſem morbo, juvenumque teneri
 Haud numerum exiguum, & totis tabeſcere membris;
 Ergo haud inmemores, diras ceciniffe volucres
 Aſſore, quum ſylvâ auxilium poſcatur ab illâ :
 Continuo faciles Nymphas, ſolemque precati
 Intacti nemoris ramos, & robora ab alto
 Conveſtare parant luco; medicataque ſumunt
 Pocula, pro ritu gentis, quo munere tandem
 Contagem pepulere feram; quin dona Deorum,
 Haud patriæ oblitus, & felicem ad littora ſylvam
 Noſtra jubent ferri, cœlo ſi forſitan iſto
 Aſſimilem pellant labem. Nec fata ſecundos
 Ipſa negant Zephyros: facilisſque aſpirat Apollo
 Munera vos Divum primi accepiſtis Iberi,
 Præſens mirati auxilium: nunc cognita Gallis,
 Germaniſque, Scythiſque, orbe & gaviſa Latino
 Jam nunc Europam veſta eſt Huyacus in omnem.
 Salve magna Deum manibus ſata ſemine ſacro,
 Pulchra comis, ſpectata novis virtutibus arbor :
 Spes hominum, externi decus, & nova gloria mundi;
 Fortunaata nimis; natam ſi numina tantum
 Orbe ſub hoc, homines inter gentemque Deorum
 Perpetuâ ſacram voluiſſent creſcere ſylvâ.
 Ipſa tamen, ſi qua noſtro te carmine Muſæ
 Ferre per ora virum poterunt; hac tu quoque parte
 Noſcêris: cœloque etiam cantabere noſtro.
 Si non te Baſtra, & tellus extrema ſub Arcto
 Non Meroe, Libyciſque Ammon combuſtus arenis;
 At Latium, at viridis Benaci ad flumina ripa
 Audiet: & molles Atheſi labente reſceſſus.
 Et ſat erit, ſi te Tiberini ad fluminis undam
 Interdum leget, & referet tua nomina Bembus.

MARCI HIERONYMI VIDÆ

Cremonensis

[BOMBYCUM, LIB. I.]

Quos mores, quas aut parvis reptantibus artes
 Juppiter addiderit, quæ fila tenacia Serum
 Ore vomunt Satura, vos mecum evolvite Nymphæ:
 Seria des, vos lanifici gregis aurea nostis
 Munera, quæ pater Italiæ prior intulit olim
 Serius, huc patriis Serum devectus ab oris.
 Tuque ades, & nostro succurre Isabella labori
 Nympha Padi in ripâ magnis è regibus orta,
 Quæ gentem pulchrâ auxisti pulcherrima prole
 Gonsagam, exiguis ades huc non aspera coëptis.
 Et vos ô placidæ properate, ubi quæque, puellæ:
 Vestrum opus hoc, vestros faciles hic discite cultus.

Id tineæ in sylvis multis volventibus annis
 Gentibus ignotum vixit genus: aurea frustra
 Edebant opera umbriferis pendentia ramis.
 Nam pluviae, lateque inimites omnia venti
 Vastabant, tenui nec honos, nec gloria filo
 Ulla erat, in sylvis, seu quondam more ferarum
 Degebant homines antiquo robore nati.
 Nondum urbes, nondum certos gens dura penates
 Noverat, aut ullas vitam excoluisse per artes.
 Verum postquam homini est divini muneris usus
 Traditus, in tectis, atque intra septa domorum
 Sylvestres tineas alere, atque impendere curam
 Coëpit, opes multi hinc ad summas emersere.
 Quamvis esse aliquas etiam nunc fertur in oris
 Longè aliis gentes, quæ nondum in tecta relatas
 Per lucos errare sinunt, nulloque labore
 Fila suo carpunt oneratis mollia ramis.

Nam

Nam multum assuetæ arboribus frondentibus illæ
Pubentes sylvas, & quæque tenerrima carpunt,
Injussæque instant operi, non horrida multum
Flabra nocent, neque provisi prudentibus imbres.
Quippe, ubi senserunt in nubes aëra cogi,
Diffugiunt trepidæ, foliisque sub omnibus hærent;
Securæque hyemis velut alta ex arce sonantes
Accipiunt Austros, agitantisque obvia nimbos.
Sed tu ne, moneo, in sylvis permitte vagari
Incustoditas, nec curam adhibere recusa
In tectis: hujus non gratia parva laboris:
Haud longum tempus fluet, & jam stamine multo
Dives eris, filoque ibis spectabilis aureo.

Principio ne te lateat quæ tradita agendæ
Sint illis vitæ spatia, brevis omnibus ætas,
Vix ulli Lunæ completur tertius orbis,
Et nunquam ex sese prolem videre creatam.
Intereunt omnes, pecus occidit omne quotannis
Et cunctam evertunt fera fata ab origine gentem.
Immortale tamen restat genus his, neque morti
Est penitus locus, æternum nam semina durant.
Ceu quondam sylvæ si forte aut frigore diro,
Aut æstu arecant summæ, tamen abdita quædam
Vitalis superat vis in radicibus imis,
Et trunco exciso nova vere repullulat arbor.
Non secus extinctis bombycibus annuus ortus;
Ulsque nova in regnis proles succedit avitis,
Ne vero ante diem, sed tempestitiva creata
Sit soboles, veto ne revoces in luminis oras
Progeniem extinctam, attonsis cum gramina campis
Nondum ulla, aut frondes apparent arbore nullæ.
Ante nova incipiat morus revirescere sylva,
Neve fames teneris, neve obsint frigora alumnis:
Ipsi etiam morum agricolæ; ne tempora fallant,
Observare solent. Nam cum sese illa virentem
Induit in frondem, nostris tum protinus oris

Exces-

Excessisse hyemem, & manes abiisse sub imos
 Nil dubitant, nec sæva ultra pecorive sativæ
 Frigorave glaciemve timent, canamve pruina.
 Præterea tibi Lunai gelidæ incrementa
 Sunt servanda; senescentis fuge tempora læva.
 Nec tum etiam liquidis cum sese nuper ab undis
 Extulit Oceani, pallentesque humida vultus
 Ostendit gracili incedens per inania cornu,
 Utile erit teneros ovis excludere foetus.
 Expecta cum plena animis, cum lumine largo
 Solis ab igne tumens, altumque per æthera vecta
 Carpit iter, fratremque audet se attollere contra.
 Tum fas foeturae, tum justum incumbere tempus,
 Quandoquidem validas crescenti à lumine vires
 Semina concipiunt genitalia. tum favet æther,
 Majoremque trahunt nascentia membra vigorem.

Quo foveas autem pacto, mos ipse fovendi
 Haud simplex: sunt quæ calido sub sole relinquunt
 Ora, recens donec foetus in luminis auras
 Proderit: tu conde sinu velamine tecta,
 Nec pudeat roseas inter fovisse papillas,
 Si te tangit honos, & flavi gloria fili.
 Cumque dies alterque dies processerit, ecce
 Cernere erit formis animantia fervere miris.
 Ante opus omne tamen pete matutina Deorum
 Limina, ferque preces supplex, Divisque litato
 Auspiciis cunctorum operum, cum mane sacerdos
 Sinceram Cererem, & Lenæum libat honorem.
 Nec non lanicii florem velamina prima
 Suspendes templis: avertunt omnia foetu
 Munere placati superi mala, frigora & æstus,
 Et quæ multa solent bombyci instare pericla.
 Interea populis sedes, & tecta futuris
 Ipsa novare jube, tabulataque victa senectâ.
 Non aptæ sine sole domus, sine luce penates,
 Sed duplices rectâ lumen regione fenestras

Admittant, quarum surgentes altera Phœbi
 Spectet equos, fessos contra altera, jamque cadentes.
 Tum vitri pellucentes opponere quadras
 Hinc atque hinc jubeo, lini aut firmissima texta;
 Ut neque concutiant venti, neque nubila nimbis
 Conspargant, obsitque intus penetrabile frigus.
 Nec postrema fuit cautis prætereunda cura
 Retia rara, avium insidias, & callida furta
 Averte: illudit passer custodibus olim
 Improbus, illudit chortis cristata volucris.
 Dant stragem passim rostris immitibus, implentque
 Ingluviem, ac vivo viva abdunt corpora busto.
 Nec, quibus est tinæ felicitis copia multa,
 Parietibus sedem affigunt, sed quattuor æquis
 Tectorum in medio erectis hinc inde columnis
 Plurima suspendunt tabulata, aulæque per altos
 Surgunt mille gradus, digestæque ordine sedes.
 Tuque etiam, variæ ut nequeant irrepere pestes,
 Parietis antiqui vitium ne negliges segnis:
 Sed calce aut cretâ linito, atque angusta viarum
 Quæque time. mus sæpe cavis sese abdidit imis
 Luce latens, at cum in tenebris cinis occulit ignem
 Sopitum, indulgetque gravi custodia somno,
 Improbus egreditur tutis ad furta latebris,
 Et citus irreptat tabulis, sævitque per omnes
 Cæde madens aulas, prædamque avertit ab altis
 Porticibus satur, atque cavis epulatur in antris.
 Molire insidias, deceptum carcere claude,
 Ignarusque doli sibimet sua vincula necat,
 Dum petit ostensam confidentissimus escam.
 Quædam etiam trabibus, quibus omnis machina rectis
 Nititur, auxiliantur, & imas sentibus armant,
 Sentibus & tribulis; ac juniperi hirsutæ
 Vulnificos addunt gladios, circum undique ut hostis
 Indeprensus eat saltem per vulnera mille,
 Nec referat captam multo nisi sanguine prædam.

Verum

Verùm age vix tenebras pepulit lux tertia rebus,
 Ecce sinu incipiunt tepido calefacta moveri.
 Semina, jam visenda novis animalia formis
 Irrepunt, passimque albis mantilibus errant.
 Ne verò jam tum hæc thalamis sublimibus infer.
 Exiguus primùm sobolem capiet locus omnem,
 Corpora deinde auctæ cunabula prima relinquent :
 Tum cunctam in populos, in vicos divide gentem :
 Divisasque dabis sedes, secretaque regna.
 Nec satis hoc semel, at quoties his arcta videbis
 Esse domus spatia, augentur dum corpora cuique,
 Has toties legere, inque novas deducere sedes
 Ne dubita, donec tabulas impleveris omnes.
 Nèc tamen interea parvas non pascere oportet.
 Ut primum hauserunt cœli auras, pabula poscunt,
 Assuescunt jam tum dapibus, mensasque requirunt,
 Sed prodest, nondum thalamos experta puella
 Prima manu tenerâ teneras si pascat alumnas.
 Primam autem mori pubem, atque tenerrima semper
 Quæque legunt, dum grex tener est, atque inscius arvum
 Continuo veterum veluti memor ille parentum
 Agnoscit vascas frondes, ipsasque recentes
 Deposcit : nam si plenis ferventur in horreis
 Hesternæ, dulcis succi corrumpitur aura,
 Et sapor ingratus subit, atque inamabilis haustu.
 Mane petunt igitur sylvas, & quæque reportant
 Pabula lecta die famulæ, gratumque laborem,
 Sortitæ inter se folia illibata canistris
 Expediunt, legit illa, domum fert altera lecta,
 Instaurant aliæ mensas, epulasque ministrant,
 Pabula larga superjaciunt pecus omne tegentes.
 Protinus emergunt tineæ, folioque jacenti
 Victrices super assistunt, omnisque juvenus
 Vescitur, atque avidæ dapibus implentur opimis.
 Fit strepitus, longe qualem olim sæpe solemus
 Cùm pluit, in tecto clausis audire fenestris.

Nec mora, nec requies, properant, & grandia morfu
 Attendent folia emensæ, redeuntque iterumque
 Incumbunt, longam nequeunt explerier alvum,
 Dum superant frondes, & plenæ pabula mensæ.
 Tuque ideo parcis epulas moderare canistris,
 Terque die tantum pasces: nam prodiga cunctam
 Si frondem simul effundas, sine more, dapesque
 Accumules, mensasque oneres, avertitur ultro
 Ingratam saturum morum pecus, atque repente
 Ipsa parit largi fastidia copia victûs.
 Paulatim invita, metuant sibi pabula semper
 Deficere, expectentque dapes: prius injice ludens
 Frondem unam, ac certare sine, illæ protinus omnes
 Arrexere animos cupidæ, prædamque capeffunt
 Certatim, pariterque ingens subit ardor edendi.
 Tum demum solitas epulas effunde canistris,
 Dum dapis optatæ fuerit compressa libido.

Sed ne longa fames noceat tamen aspice prudens,
 Dum nimium differs epulas, & gaudia mensæ.
 Nam soliti impastis si desit copia victûs,
 Nulla mora est, miseras macies deformat iniqua:
 Pabula deinde parùm exhaustis duplicare juvabit,
 Et vix longa dies lapsas in pristina reddet:
 Dira fames adeò nocet, & penuria edendi.

Quinetiam haud parvi mutari pabula refert;
 Est bicolor Morus, bombyx vascetur utrâque,
 Utraque grata illi, cui verò affuerit, eandem,
 Nigra, albenve fuit, nullo discrimine amabit;
 Quamvis Aufoniis laudetur nigra puellis.
 Fortè etiam si deficient folia omnia mori,
 Et subito sylvæ (Dii talem avertite casum)
 Thisbææ arescant nimio æstu, aut frigore, quærîs
 Quasnam tum, pereant ne res tibi funditus omnes,
 Bombyci jubeam legere, & summittere frondes.
 Orandi superi eveniant ne talia nobis:
 Si tamen urgeris, conscendat robora pastor

Ulmea per sylvas, & summa cacumina carpant.
 His etenim arboribus multum est affinis origo,
 Jamque ideo agricolæ morum didicere per agros
 Inferere umbrosæ ramis ingentibus ulmi,
 Et steriles sylvæ nunc dant bicoloria Mora.
 Sunt aliæ, quæ, si foetus sibi nascitur antè
 Quam Thisbæa novis adolescat frondibus arbor,
 Urticamque rubosque legunt, dum plurimus humor
 Vere subest. at tu teneris nunc parce puellis,
 Crura manusque arment facito, nec robora dura
 Ascendat permittite in sylvis innuba virgo:
 Verùm operum patiens anus, & cui durior annis
 Sit cutis (ingrata facilis jactura senectæ)
 Munere fungatur tali, ne forte quis altis
 Egressus sylvis Satyrorum è gente procaci
 Suspiciat, teneræque pudor notet ora puellæ.
 Illa quoque in primis cura est, ut pabula semper
 Sicca legant, nullâque fluant aspergine sylvæ
 Aut pluviae, aut roris nocturni; quippe venenum
 Sæpe fuit quamvis tenuis bombycibus humor.
 Nunquam igitur, cum nox horis filet intempestis,
 Accedant sylvam, expectent dum gurgite Eoæ
 Tethyos exierit, sursumque eduxerit omnem
 Collectum noctis humorem purpureus Sol,
 Et jam tres, scandens supera alta, peregerit horas.
 Quod si forte etiam fuerit tunc humida sylva,
 Ut potes, è foliis stillantem decute rorem.
 Profuit &, si quando matutina pruina
 Perstrinxit teneras frondes, ostendere Soli
 Cratibus impositas, & frigora vincere flammis.
 Cumque tibi fuerint suspecti denique nimbi,
 Appropera, calathos cape, moros scande, ministras
 Voce voca, mitte in sylvas, sine lege legunto
 Obvia quæque, penum foliis atque horrea comple,
 Ne, dum sævit hyems, perdent jejunia pubem
 Lanivomam, at partâ securæ fronde fruuntur.

Quod si adeo subitum cito non prævideris imbrent,
Ne turpi rigeat macieque, fameque senescat
Omne pecus, validos in sylvas mitte colonos,
Qui tibi utraque manu nunc huc, nunc robora & illuc
Crebra agitent, frondem patulis tu impone canistris
Rorantem, quando fatis urgemur acerbis.

At labor interea famulas exerceat alter.
Cura sit hesternæ semefas tollere mensæ
Reliquias, tabulisque immundam avertere ventris
Proluviem: mane ante pecus quam pabula gustet,
Tergendæ sedes, & gramine perverrendæ.
Tum Bacchi irrorant gratum bene olenis odorem,
Purgatisque abigunt tabulis tristem omnibus auram.
Hinc leviter digito medicatis sedibus omnes
Traducunt coetus lætos melioribus auris,
Nec super extremas errare licentius oras
Permittunt; semper media ad penetralia cogunt,
Præcipientesque timent lapsus, altæque ruinas.
Huic generi facilis lethi via: protinus ægras
Delapsæ effundunt animas, lacemque relinquunt.
Si qua tamen superest, & coeli vescitur aura
Post casum, inspicito. Nam si pars corporis ulla est
Læsa tibi deprensa, aliarum sedibus ultro
Projice, nec frustra libeat tibi pascere inertem.
Nullam operam omnino, nullam expectabis ab illa
Certa opus: ignavum deducet inutilis ævum,
Et comitum egregias tantum mirabitur artes.

Sæpe etiam impastas averti pabula cernes,
Sopitasque gravi veluti torpere veterno
In tabulis; hic parce metu, ne corpora morbus
Forte aliquis, gentemque læs invaserit ægram.
Hunc illis morem, natura hunc ipsa soporem
Addidit, indulgent somno, stratisque quiescunt,
Sopitisque dies alter transibit & alter.
Cum vero expulerit noctem lux tertia rebus,
Consurgent, lætæque ad pabula nota redibunt.

Ergo illas tumidas jubeo observare, nec ingens
 Nolle labor, ne improvisus sopor occupet: ultro
 Signa dabunt ipsæ; cœlo capita ardua tollent
 Arrestæ, spernentq; dapēs. Tum pigra notabis
 Corda, animos resides, insueta silentia mensis.
 Non tamen adveniet somnus simul omnibus idem.
 Insomnes aliquæ vigilant, dum turba quiescit
 Cætera, nondum aptæ, teneros quibus alliget artus
 Irrepens sopor; advenient sua tempora & illis,
 Atque omnes tandem demittent lumina somno.
 Cura sit interea insomnes legere atque vagantes,
 Secretasque aliis aliam cito transfer in aulam.
 Sopitæ stabulent simul; his par omnibus ætas.
 Unâ operi incumbent, & eodem tempore sese
 Artubus exolvent supera ad convexa volantes.
 Dumq; Deus stratis thalamisve silentibus ales
 Regnat lethæo perfundens corpora rore,
 Pabula subtrahito solita frondemque negato.
 Nam tumidæ interea renovant torpentia alumna
 Corpora, & exuvias veteres, ac tegmina ponunt,
 Et nitidam induitur pubes renovata juventam.
 Ceu fodere domos serpentum ubi lubrica turba
 Sub terram, veniente hyeme; stant frigore inertes,
 Dum redeat terris tepidi clementia veris:
 Tum demum egressi, ad solem squalentia terga
 Convolvunt, posita turpi cum pelle fenestra.
 Annuus hic illis mos, at bombycibus ipsis
 Ter pigra, dum vivant, renovabit corpora somnus.
 Jamque age, jam grandes fœtus, jam ducitur ætas
 Ultima, turgenti filum tralucet in alvo
 Omnibus, accingunt alacres, operique parant se.
 Pabula jam saturæ fugiunt; nova quærere regna
 Ardor agit: tollunt oculos arrestaque terga.
 Omnia vestigant late loca, sicubi rami
 Arbuti, per quos sua possint tendere fila,
 Atque novis priscos cupiunt mutare penates,

Ertabulæ extremis pendentes sedibus hærent.
 Tum famulæ properare, omnes provisa parare
 Sarmenta, & steriles tectis inferre genistas.
 Jamque illæ antiquas sedes, supera ardua linquant,
 Atque nova hospitia invadant per vimina lenta
 Demissæ, nisi succurrat nuruum ocyus omnis
 Hinc atque inde manus durum miserata laborem.
 Ipsæ nam manibus secernunt grandia natu
 Corpora, jam matura operi, jamque apta labori,
 Per ramosque locant arentes agmina densa.
 Summotas alias arcent, dum funditus omnes
 Corporeæ excedant labes, ac temporis orbe
 Perfecto sua cuique dies exemerit omnem
 Alvi insinceræ illuviem, purumque relinquit
 Lanicium, & fili tralucens simplicis aurum.
 Sic ubi mitescunt pendentes vitibus uvæ,
 Paulatim liquor ille intus rarescit, & aureus
 Accedit color, elucent purissima musta.
 Tum demum tabulis passim sarmenta relictis
 Complerunt omnes, perque atria virgea lætæ
 Exercentur, & effundunt quæ sita per ævum
 Stramina ditis opes uteri, suspensaque densos
 Fila regunt inter ramos, atque ordine ducunt.
 Mille legunt releguntque vias, atque orbibus orbes
 Agglomerant, cæco donec se carcere claudant
 Sponte suâ : tanta est edendi gloria fili.
 Mox autem clausæ interius circum undique lecta
 Stramina condensant, teretisque ovi instar opus fit.
 Nullæ operum immanes : est omnes cernere passim
 Noctes atque dies niti præstante labore,
 Et quasi de palma summam contendere vires.
 Aspicias quasdam incipere, primumque laborem
 Tendere adhuc, quasdam obscuro jam carcere clausas.
 Ast aliæ velut in nebula, fumoque nigranti
 Nunc etiam apparent properantes intus, & omnes
 Fas oculis spectare vias, variumque laborem.

Quin & nonnullæ paribus communia curis
 Associant opera, & nebula clauduntur eadem.
 Quædam adeo (visu miserabile) sæpe repertæ,
 Dum tendunt superare alias, instantque labori,
 Vitam opere in medio clausæ sub nocte dedisse
 Ante diem, Ah ! miseræ : jacuit labor interruptus.
 Parva mora est tamen : ut se aliæ includere latebris,
 Extremoque manum summam imposuere labori,
 Exhaustæ intèreunt omnes, terrasque relinquunt.
 Ite animæ egregiæ, fortunatæque laborum,
 Ultro in fata alacres ; vobis nempe altera fato
 Corpora debentur, vobis miserata priorem
 Eripiet formam Venus, atque ad dulcia reddet
 Lumina, & aerias rursus revocabit in auras.

Prima Venus docuit bombycem in tecta referre
 Eductam sylvis, atque hanc impendere curam.
 Ante homines nati durum genus ilice rupta
 In sylvis nudi degebant more ferarum,
 Necdum ullus lini, necdum ullus velleris usus.
 Verum dura hyemis pellebant frigora, noctisque
 Humorem, fruticum se frondibus involventes,
 Et liquidos imbres vitabant arbore tecti,
 Per noctemque cævis latitabant rupibus hirti :
 Hic illic misti latos impune per agros
 Cum nudis nudi juvenes errare puellis.
 Ast ubi crescenti paulatim cognitus orbi
 Irrepsit pudor, exuviis cœpere ferarum
 Aut tergo bovis, aut villosi pelle leonis
 Se tegere, & corijs involvere mollibus artus.
 Ipsi etiam nudi degebant æthere in alto
 Coelicolæ, Coelique nurus, discrimine nullo.
 Prima Deum Pallas docuit committere campo
 Enodis lini segetem, & tondere bidentem
 Lanigerani, ac tenui telas intendere filo.
 Illa quidem primum vario se ornavit amictu
 Egregiam picto pallam circumdata limbo.

Mox alias etiam texit ditissima divas:
 Nec mora, deinde novam ostendit mortalibus artem.
 Tantum nuda Venus moerebat muneris experts
 Egregii, ob formam textrici invisâ Minervæ,
 Atque irrisa diu super Idalium frondosum
 Se, natosque suos in sylvis condidit atris;
 Cui post optanti fors & Deus attulit olim
 Auxilium: Nam Peliacis te in montibus altis,
 Phyllira, nympharum pulcherrima montanarum,
 Saturnus caprus formâ & florentibus annis
 Viderat errantemque, & gramina certa legentem.
 Ah! quoties precibus nympham Deus aspernantem,
 Tentavit supplex, ingrataque munera verbis
 Addidit; Ah! quoties nimboris montibus errans
 Matutinus iter tulit, & monstravit in agris
 Præsentis morbis herbas, usumque medendi?
 Illa aversa Deum semper fugiebat amantem.
 Quid faceret? Venerem supplex, adit ipse, rogatque
 Auxilium, & meriti promittit præmia tanti.
 Diva monet duræ frustra præcordia Nymphæ
 Tentari, nulli pectus penetrabile amanti,
 Nec precibus, nec muneribus mutarier ullis;
 Fallendamque dolis tantum, furtisque domandam.
 Ergo se in faciem subito transformet equinam
 Imperat, & pascat, quâ gramina sœverat illa
 Quærere, ut ignaram furto aggrediatur opertus.
 Nec mora præceptis, hinnitu Pelion altum
 Clausus equo Deus implevit, votoque potitus
 Vi tenuit frustra pugnantem, & multa recusantem.
 Exin promerita Veneri pro munere magno
 Semina clausa dedit niveo tenuissima linteo,
 Et meriti memor, his, inquit, pulcherrima tenses
 Diva tibi insignes tunicas, nihil indiga lanæ,
 Aut lini, quæ dona negat tibi iniqua Minerva.
 Hinc præcepta dedit, divinam & prodidit artem,
 Quam primus, nati fugeret cum protinus iras,

Deprendit solis meditando in montibus olim.
 Insuper admonuit venturi præscius ævi
 Quondam aliquos (sed enim multò post) affore vates,
 Qui totum canerent præclara inventa per orbem,
 Gratum opus Ausoniis, dum volvent fila, puellis.

Bombycum. LIB. II.

Rurfus ades Nympha, inceptum jam perface manus
 O decus Italidam fortunatissima matrum,
 Quæ vastas fessæ Italiæ miserata ruinas
 Haud dubias pulchrâ spes nobis prole tulisti.
 Tu jam læta tuos natos præstantibus ausis
 Cœlicolas ipsos suprà se ferre videbis.
 Aspice jam quantas ostendet corpore vires
 Federicus puer, ut vultu decora alta parentum
 Spondeat, ut veniant scintillæ ardentis ab ore,
 Flagrantisque micent oculi, utque horrentia semper
 Bella sonet, puerique agitet se pectore Mavors :
 Jamque adeò nunc arma placent, jam fervidus acri
 Gaudet equo, indomitusque animi, cupidusque pericli.
 Hunc jam regna Asiæ metuunt, Oriensque subactus,
 Gangesque, Tigrisque tremunt, atque Indus Hydaspes.
 Sæpe hunc Euphratæ propter vaga flumina Eoæ
 Bellantem aspicient multa inter millia matres,
 Horrescentque animis hostem, pariterque timebunt
 Egregio juveni, cœcoque urentur amore,
 Præstanti capta forma, & juvenilibus annis.
 Gaudia mox trepidæ referet tibi quanta revertens
 Ultos avos Graium, Sclymorumque eruta templa ?
 Tunc illum, Minci in ripis facta ampla canentes,
 Carminibus tollent sublimem ad sydera vates.
 Lanificas nos intereà revocamur ad artes.
 Frondosæ invitant rursus sub tegmine mori
 Seriades, gratâque legunt è fronde coronam :

Quando

Quando nondum ausim laurum sperare superbam,
Aut caput intonsis hederae innectere ramiis.

Ergo age, sarmentis dum se super aurea bombyx
Exercet, nitidumque edit de pectore filum,
Nempe tuæ interea prorsus nihil indiga curæ est,
Dum novies roseus se laverit æquore Titan :
Disce laboranti pecori non pigra mederi,
Tristibus & morbis occurrere. Vos quoque nostri,
Parvæ animæ, exercent per tot discrimina casus,
Vestraque pallentes infestant corpora morbi.
Corruptâ sive illa lues cœli influit aurâ,
Seu vitio infectæ frondis, gens labitur ægra,
Et cœtus subito serpunt contagia in omnes.
Invadit mors, intereunt data corpora letho,
Et thalamis passim, tetro manantia tabo,
Fusa jacent : perit omne pecus, spes irrita fili.
Dii teneros, Dii vos foetus arcete periculis,
Cum nondum morbis præsentibus omnibus herbas
Monstrarit natura, hominumve industria solers
Nondum morborum causas deprenderit omnes.
Multa tamen, longo quæ nos invenimus usu,
Quæque alii docuere, tibi nunc dicere pergam.

Nil adeò tinea fuerit præsentius ægris,
Quàm subito è medio jucundo lumine cassas
Follere, ne totam perfusa cadavera tabo
Latiùs incestent miserando funere gentem :
Nec minus inde tibi tristis contagia cœli
Sit studium vitare ; juvat cum lucidus æther,
Cum noctis gelidum Sol rorem sustulit, & cum
Inter se Alpinus Boreas, arque humidus Austro
Pacem agitant, vitro detractò aperire fenestras :
Quove almam lucem aspiciant, quove æthera purum,
Aurarumque leves animas, & frigora captent.
Nempe intrò venient, Zephyris variantibus, aer
Aera dispellit pigrum novus, & grave olentes
Lustrat, agens sese, thalamos ; variatque saluber ;

Qui, nisi mutetur crebrò, corrumpitur; haustusque
 Inducit varios reptantum in corpora morbos.
 Ceu pateis pigros latices nisi sapius urnâ
 Hauseris, ut subito inde locum novus occupet humor,
 Continuo sapor immotæ vitiatur aquai,
 Ora pue potantum tristis perturbat amaror.
 Tum vero ad solem, blandique ad luminis auras
 Exultare pecûs videas, & corpora luci
 Pandere. Non tamen immisso sub sole jacere
 Securum fuit, aspiciant sed lumina longe.

Si vero fuerit gelidis Aquilonibus aer
 Frigidus aut nimbos spirantibus humidus Austris,
 Proinus in thalamos inferri profuit ignes.
 Ne tamen infestet lachrymosus lumina fumus,
 Ipsos occuluere cavis fornacibus ignes;
 Unde aditus fumo sit nusquam in tectâ, sed extra
 Respirans Vulcanus in aera fumet apertum.
 At calor interea placidus diffunditur intus
 Palatim, & tepidi calidâ è fornace vapores.

Sunt etiam quæ, cum nigrescit foetibus arbos,
 Incipiunt cum mora rubescere, pabula læta
 Retibus imponunt raris, in perque foratis
 Pellibus, in gyrumque agitant, jactantque per auras.
 Namque cadunt, eluti per lata foramina grando,
 Nigrantes bacca; vel quicquid inutile mensis,
 Et tantùm folia ipsa manent, quòd solvere mollem
 Alvum mora ferunt, tristesque inducere morbos,

Præterea liquido respergi corpora olivo
 Mors erit exemplo Ah! miseris, lucemque relinquent.
 Ergo ubi nocte gregem famulæ, & stabula alta revisent,
 Edico procul ardentem deponere testam,
 In tenebris ubi pingue oleum de nascitur ignis;
 Ne super incautis gutta stillantis olivi
 Decidat, ac rotos deformet ueste penares.
 Usque adeò in Venerem longas exerceat iras
 Intensam invenitrix semper frondentis oliva.

Exin cum liquor officiat bombycibus omnis ;
 Præcipuè sale qui fuerit vitiat : s amaro
 Cum semel attigerit, miseris erit acre venenum.
 Protinus elucet languentibus aurea pellis,
 Deinde tument, turpisque animis ignavia venit
 Desidibus, tandem rumpuntur, & omnia tetro
 Inficient tabo : sanies fluit undique membris ;
 Nec quicquam falso Venerem æquore profuit ortam.
 Quædam idèò sylvas servant noctesque diesque :
 Quandoquidem inventæ falso quæ pabula rore
 Invidiâ infecere (scelus prohibete nefandum
 Dique Deæque omnes) cæcum & liquere venerum
 In sylvis, quod mox foliis bibit inficia bombyx.
 Arce etiam strepitus : canno cava cornua rauco,
 Fistulaque horribili pocul absit aenea bombo,
 Tympanaque, & voces ludentis comprime pubis.
 Invalidas sæpe exanimat le e murmur alumnas.

Sed neque tum pueri vastantes irrequietâ
 Cuncta manu hic illic, stragemque impunè ferentes,
 Jamque has jamque illas digitis dum tangere gaudent,
 Intrò ducantur ; quos longè arcebis & ultro
 Absistent, ætas si improvida ludificetur
 Verbis falle illos : tinea s finge acre venenum
 Inspirare animâ, vel spicula linquere caudis ;
 Atque angues, colubrosque voca, dirosve chelydros.

Observabis item, ne, qui gustaverit alibi,
 Aut capæ, aut acris porri illærabile virus
 Introeat, ne res pereat tibi funditus omnis.
 Bombycem exanimem vidi sæpe ipse jacere,
 Affaram famula graviter spirantis odore.
 Continuò vis illa sabet, naresque læcessit,
 Intimaque infestum venit ad præcordia virus.
 Non igitur cunctis aditus permiseris ; illas
 Spectatum quicumque adeunt, quis spiritus ossis,
 Quis vultus, vocisque sonus, quis euntibus ultro
 Sic gressus, qui oculi e, notes. Discrimine nullo

Limine anus omnes monstra infœlicia longè
 Pelle: nocent cantu tristes oculisque malignis.
 Intrò autem tantùm juvenes pulchraque puellæ
 Duccendæ, quæ forma, ætaque ignara nocendi est.
 Hic imponè chòros d' stent, alteraque læti
 Idaliæ Veneri, ac Saturno carmina dicant.
 Quandoquidem mihi mini Tusci altà in rupe Viterbi
 Ipse senem vidisse ferimus, cui dira rigeant
 Ora, graveque oculi suffecti sanguine circum,
 Fronisque obscura situ, hirtique in vertice cani.
 Ille truci (scelus) obrutu genus omne necabat
 Reptantum, tenues animas, parvaque volantes.
 Quinetiam si quando hortos ingressus, ubi annus
 Exiit expleto, turpem novus orbe senectam,
 Floribus & passim per agros incanuit arbor,
 Ille hortis stragem dedit, arboribusque ruinam,
 Spemque anni agricolæ mœsti flexere caducam.
 Nam quocunque aciem horribilem intendisset, ibi omnes
 Cernere erat subito affatos languescere flores,
 Mox album latè nimbum volitare per auras,
 Nec tantum noceat aptor ferus Orichyæ,
 Si quando iratus malè tutis incubet hortis.
 Nostram igitur si forte domum prætermittimus
 Pestis, & ira Deum talis, cum plurima reptans
 Comp'evit sedes omnes, atque atria circum;
 Non illum affari libeat longumque morari.
 Sed properate foras famulæ, properate fenestras
 Claudere, pestiferamque avertite lumine cladem.
 Jam promissi dies terris lucem intulit almam,
 Jam, licet, ingredi: a tificum mirare laborem.
 Eg egium, mirare artes, ut pendula ramis
 Omnibus hæserunt varii glomeramina fili:
 Qualiter autumni primo cum frigore in hortis
 Arboribus pendunt haud uno poma colore,
 Sic hærent nitidi, vario discriminis, ramis
 Folliculi; sunt quæ viridem traxere colorem.

E foliis, quæ depasta est Saturnia bombyx,
 Fila, auri quædam electricæ simillima puri.
 Omnibus est reliq. is color albi velleris instar.
 Ergo ubi per ramos jam perfecisse laborem
 Clausas, q. amque suum, vigili exploraveris a re :
 Atque ubi nec strepitus, nec vim datur amplius ullam
 Audiri, sed jam motus requieverit omnis,
 Pelle moram, exonera ramos, impone canistris.
 Carpe utrâque manu, & famulas properare iubeto.
 Primus deinde labos extrema, & inutile quicquid
 Laniciis detrahe, & luxuriandia circum
 Vellera, quæ st. ppæ veluti nodosa puellæ
 Ruris pensa trahunt torq. entes pollice fila,
 Unde sibi intexant festis gestanda diebus
 Tegmina, cum latas agitant per ora choreas.

Hinc triplex delectus erit; meliora Deorum
 Imponunt aris, aliqua in spem gentis, & anni
 Venturi ad sobolem servant de in re creandam ;
 Cætera dein varios devolvunt vestis ad usus.

Quæ verò in generis/spem vis servare caduci,
 Deligito ex omni numero ; neglecta quotannis
 Degenerat proles magis ac magis, atque propago
 Deterior tibi semper erit labentibus annis.
 Sed non ob sobolem multos servare necesse est
 Folliculos : capitum multorum semina partu .
 Una dabit mater, centum quæque ova relinquet.
 Quos igitur foeturae habiles provideris, omnes
 Connectes ducto per acûs vestigia filo ;
 Sed parcens leviter terebrato, extremaque tantum
 Tangito acui tenai, ne inclusa cadavera ferro
 Ah ! vires, & res evertas funditus omnes.
 Post hinc confertos ita frigida sub loca conde,
 Aut Bacchi in cellâ sub terram, aut sicubi mortis
 Exesi specus ardenti impenetrabile Phœbo,
 Ne calor absumat defuncta cadavera virâ.
 Fata dabant quibus ad jucundum surgere lumen

Rursus

Rursus, & in parvas volucrum se vertere formas,
Cum primum cœlo stellas Aurorâ fugarit,
Et decies roseos sol laverit aquore currus.

Nam quondam (ut perhibent) cum primos aurea fœtas
Nutrîret Venus umbrosis in vallibus Idæ,
Nuda cohors tenerum circum ludebat Amerum,
Et nunc hîc manibus temerè dare pabula * plenîs, * *blandis*
Nunc illic tractare levi reptantia tactu
Corpora, Acidaliisque toris diffundere flores.
Dum verò incauti nunc huc, nunc protitus illuc
(Forte patens aberat) studiis puerilibus errant,
Impliciti inter sese altis in cratibus urgent.
Fit strepitus : pontes vastam traxere ruinam,
Lanifici stabula alta gregis : jacet undique bombyx
Fusa solo, exanimum ingentes (miserabile) acervi.
Quam cladem accepit rediens ubi mater, & omnem
Cœde madere locum vidit procul, & genus omne
Funditus extinctum, totamque ab origine gentem ;
Et famulas nusquam sibi, nusquam occurrere natos,
Qui sese abdiderant sylvis, tacitique latebant ;
Infelix stetit ingenti percussa dolore.
Tum furîs acta huc, illuc, clamore supremum
Idalium implevit, natos, famulasque requirens.
Nulla quies animo, noctesque diesque vagatur,
Incasumque gemen's solos interrogat agros.
Infernas etiam sedes, atque atria Ditis
Ægra adiit, quò mœstæ animæ post fata feruntur
Squamigerum pecudum, atque hominum vitæque volantum ;
Si fortè ipse sibi patrius, rex maximus Orci,
Annueret paucas animas in tarda reverti
Corpora, ut inde novam sobolem revocaret in auras.
Iamque ibant umbræ tenues Styga circumfusa
Obscuram, nigrosque lacus, & rauca fluentia
Tum dominæ adventu lætæ circum ora volantes
Nondum oblita alis plausere, & signa dederunt
Lætiæ, nondum trans livida flumina vectæ.

Agnovit Venus & sec in est lætata repertis.
 Quam Saturnius h. rrentis regnator Averni
 Ut procula pexit, multo est dignatus honore;
 Permisitq; animas in corpora tarda reverti
 Rursus, ut extinctam sobolem revocaret in auras;
 Seminaq; h. i. generis penitus repararet adempti.
 Utq; sequi possent dominam supera alta petentem,
 Corporibus gaminas renovatis addidit alas.
 Hanc egem po uit tamen, ut genus omne quotannis
 Alius in faciem se, post opera atque labores,
 Venteret; & nigros Orci bis videret amnes.
 Ut quosdam populos in Hyperboreâ Pallene
 Esse ferunt, qui, se ut novies Tritonide in undâ
 Merferunt, natis tollantur in æra pennis.

Nonne vides, cum carceribus exire reclusis
 Instant ardentes, quantâ nitantur opum vi?
 Clausa obitat domus, & fili densissimus ordo.
 Nec mora, nec requies, vestigant omnia circum,
 Explorantq; aditus omnes, si quâ potis extrâ
 Rumpere, & optatâ rursus se reddere luci.
 Ecce autem ut rostro follem terebravit acuto,
 Protinus erumpit (visu mirabile monstrum)
 Alitis in parvæ bombyx collecta figuram,
 Et nova se rerum facies mirantibus offert.
 Nam quæ longa fuit tineæ olim, sit levis alis
 Papilio, tineæ pallentes concolor artus.
 Ergo carceribus cum rupit multa viam vis,
 Et sese cœcis populi eripuerunt tenebris
 Aligeri, atque iterum lucis venêre sub auras,
 Hærent attoniti rerum novitate, neq; audent
 Remigio alarum se aperto credere cœlo:
 Dissimilesque sui tacitè nova corpora secum
 Mirari, formâ nec sese agnoscere in illâ.
 Cornua mirantur fronti, mirantur & alas,
 Et vires nil supra audent tentare priores
 Diffisi, memoresq; sui: sed tum neque gustant

Pabula, nec vitæ quærunt alimenta prioris :
 Tantus adhuc niemores timor atri derinet Orci.
 Nunc etiam ante oculos Styx livida, nigraque regna,
 Tartarei; canis tria guttura, monstraque Ditis
 Impacata, brevis ne vitæ gaudia quærant.

Idcirco aligeræ neque frondem suffice genti
 Incassum, neque potandos admoveris animes.
 Carpe manu resides, & funibus insidentes,
 In tabulamque refer stratum velamine molli.
 Quippe, ubi subtrasto se rursùm ad fata vocari
 Senferunt victu, turbantur : tum simul omnes,
 Excidium veluti cœlo terrisque propinquum
 Immineat, cum supremo mortalia cuncta
 Una dies dabit exitio, multosque per annos
 Sustentata ruet perituri machina mundi ;
 Attoniti dubiis properant succurrere rebus.
 Concubitu indulgent omnes, ut semina gentis
 Munere defuncti vitæ post fata relinquant,
 Et servare genus valeant, stirpemque tueri.

Nec verò, velut in sylvis genus omne ferarum,
 Alituumque vagos passim furantur amores ;
 Sed connubia certa, sed electi hymenæi.
 Ille suam tenet, illa suum ; dulcique fruuntur
 Amplexu caudis ambo per mutua nexis,
 Instant, & validis juncti compagibus hærent.
 Nec Veneris brevis usus erit, videre revincti
 Quartam sæpe diem : nec quas legere relinquent,
 Donec uterque cadat. Neque enim si viribus haustus
 Mas prior occiderit, longum tamen ipsa superstes
 Fœmina erit ; sed ubi concepta effuderit ovis,
 Nulla mora, amplexu nondum divulsa sequetur.
 Idem omni interitus generi fata omnibus æqua.
 A picies miserans confusa cadavera passim,
 Procubuisse toris genialibus : omnia primum
 Sedibus exportaro, & tristia funera ducito.
 Illis namque operum est cunctorum finis & avi.

At verò quæ infusa vides mantilibus albis
 Semina, ceu milii exigui tenuissima coge.
 Hæc tibi post annum sobolis spes certa creandæ.
 His etenim sese reparat moribunda quotannis
 Seminibus, soboleique venit nova semper ad auras.
 Abde domo : his aptam super omnia delige sedem ;
 Quò neque sint aditus torrenti æstate calori,
 Nec Boreæ brumâ in mediâ : contraria vis est
 Utraq; seminibus, servandis. Frigora dira
 Vim genitalem omnem perimunt, frustra; fovebis
 Semen inane : calor verò si admissus in ova
 Paulatim sese insinuet, parva est mora, proles
 Ante diem superas incassum rumpet in auras.
 Cùm frondes jam consumptæ, cùm pabula sylvæ
 Deficiunt ; & tonsa comam Thisbæia nudos
 Ostentat ramos, populatis frondibus arbor.

Quòd si spes generis defecerit omnis ubique
 Seminaq; aruerint Jovis implacabilis irâ ;
 Sicut apes, teneri reparantur cæde juvenci.
 Hic super accedit tantum labor. Ante juvenus
 Bis denosq; dies, bis denasq; ordine noctes
 Graninis arcendus pastu, prohibendus ab undis.
 Intercè in stabulis tantum illi pingua mori
 Sufficiant folia, & lactenti cortice ramus.
 Viscera ubi cæsi fuerint lique facta, videbis
 Bombycem fractis condensam erumpere costis,
 Atque globos toto tinearum ætervere tergo,
 Et veluti putres passim concrefcere fungos :

Quod foverest, moneo generis tibi semina sunt
 Anava : degeerant supra annum conditæ, & inde
 Omnis bit vigor, atque intus vitæ vis hebet vis.

Tum erò lætas exercent fila puellæ,
 Haud brevis hic labor, exhausti cui nil satis unquam,
 Dum redeit moro atronsæ nova vere juvenus.
 Folliculos primùm domit ut ferventibus undis,
 Filæque devolvunt nigris fumantia aenis.

Tum currente rotâ torquent, eademque retorquent,
 St. mineque implicito cura est dissolvere nodos.
 Hinc vocat extremum tandem textura laborem;
 Intenduntque nurus discretas pectine tel s
 Multifido, radiisque sonantibus intertexunt
 Jactantes dextra, lævaque, sequentia fila:
 Alternisque suis pedibus labor additus, atque
 Desuper acta gemit tereti rota garrul. nervo.
 Nec morâ, certantes properant, falluntque laborem
 Aut cantu, aut Veneris curâ narrantur inanes.
 Nec modus est simplex texendi; nec genus unum
 Telarum; nunc rasi vides, & lævia texta;
 Nunc pexis, leviterque attonsis mollia villis.
 Quinetiam varios tenui sub tegmine pingunt
 Nexilibus flores hederis, sylvasque virentes,
 Pomaque graminaque, & cervos capreaeque fugaces.
 Adde velut nebulas tenues velamina textu
 Rara, quibus matres crines, & tempora velant;
 In templisque Deum prohibent à pulvere vultus.
 Vidi etiam varium quæ mutant texta colorem,
 Eluduntque oculos, ut discolor aura refulsit.
 Quid sequar ulterius? nil vis humana reliquit
 Intactum; filum tunicis includitur aureis,
 Indutæque rigent fulvo sub tegmine vestes:
 Ut quondam Phryxi de finibus Æeteis
 Vecta ovis aurato fulgebat pectora villo,
 Pectoraque, & pexo pallentia terga metallo:
 Et dubitant matres pinguem ferere undique morum,
 Aut inter teneras homibycem ferre papill s?
 Quid mirum, si jam totum diffusa per orbem
 Saturni & Veneris pascunt pecora aurea gentes?
 Mollia nec soli noverunt stamina Seres.
 Lanivomum ipsa genus, Saturni munere magno,
 Jamdudum super Idalium, super alta Cythera
 Transtulit & Venus, & nostras penetravit ad oras.

Quippe olim (sed fama annis obscura) regbat
 Felices Ser. s latri ditissimus agri
 Serius, antiquo patriæ de nomine dictus.
 Mox acri infelix Phaethusæ incensus amore
 Italiam petiit; postquam illam ad flumina magni
 Auduit Eridani correptum fulmine fratrem
 Flere diem, noctemque, Jovis fera tela querentem.
 Sed vix Ausonios fines, Oenotriaque arva
 At igerat, novus ecce illi cum perculit aures
 Rumor, virgineam formam amisisse puellam,
 Protinus & longos ad cœlum tendere ramos
 Pro manibus, duroque includi pectora libro.
 Ah miseram! subito stetit acri corda dolore
 Saucius insignemque à pectore rupit amictum,
 Pictus acu molles tunicas, opera aurea Serum.
 Tum viridi in ripa, charæ sub virginis umbra
 Implevit cœlum questu, dilecta que frustra
 Robora complexus tereti dabat oscula ligno,
 Et tenero ereptos in cortice flebat : mores
 Infelix : Non sceptrâ animam, non regna parentum
 Alta movere queunt, nec opimæ copia gazæ :
 In patriam negat ire, placet tantùm Itala tellus :
 Nec procul Eridani ripis absistit, & omnem
 Vitam agit in lachrymis Bis senos ordi e menses
 Illum adèò perhibent solos flevisse per agros,
 Et tandem superos extrema voce precatum,
 Neve oculis lachrymæ, neu deesset luctibus humor
 Perpetuus; superis quæ vota audira repentè.
 Perstat in incepto; gemitu nemo ta omnia complet;
 Non oculis lachrymæ, non defit luctibus humor.
 Solvunt se in lachrymas arrus, & corpore toto
 Liquitur humor, abique omnis co. versus in undas;
 Fit fluvius, cursuque brevissimus exit in Iveum,
 Addua magne, tuum, & tecum in vada solvitur alti
 Eridani, atque pedes Phaethusæ humectat amatae,
 Flumine turrigeræ radens sata Cremonæ.

Manfit amor, veteres anni mansere calores.
Sæpe illum fama est clausam sub cortice Nympham
Tentasse, optatum mox ascendisse cubile.
Tandem juncta Dryas fluvio est, licitisque hymenæis.
Egressam ruptâ Divam Deus arbore duxit ;
Cui picturatas vario subteguine vestes,
Illusasque auro tunicas, & tenuia læræ
Textâ dedit missa à patriis sibi munera terris.
Paucaque præterea bombycis semina doris
Addidit, ostendens hujus quis muneris usus.
Ipsa eadem egregias, longo pòst tempore natas,
Seriadas decuit patris de nomine dictas.
Mox illæ Auontias passim sparere per urbes,
Et morum umbrosam lato sævère per agros ;
Unde Sacri irident vates petiere coronam,
Et meritis gratas sibi devinxere puellas.

JO. JOVIANI PONTANI.

Al Bacchum.

Nunc hederis, fertisque novos innecte corymbos,
 Nunc tua circumdant tempora, Bacche, ro.æ.
 Nunc viridis flavas suspendat pampinus uvas;
 Ingeminatq; novas ebria mensa dapes.
 Nam mea, Parnassi rediens è collibus, audet
 Ludere Romanis Calliopea modis:
 Inq; choro juvenum molli saltante puellâ,
 Sopitos longo tempore ferre sales:
 Aoniumque movet circum tua pocula plectrum,
 Evohe Bacche, canens; ad tua festa veni.
 Tu quoque nobilibus pretium jam, Laure, poetis,
 Laure, tuum nobis porrige fronde decus.
 Et mea Phœbeis ornentur tempora fertis,
 Ut merear nomen vatis habere novi.
 Stultus ego, fieri credam qui fronde poetam!
 Non Laurus vatem sed sua Musa facit.

ANGELI POLITIANI.

De Alcione & Serpente.

Vidit ut implicitum puero pater anxius anguem,
 Intendit dubiâ cornua flexa manu:
 Inque feræ fauces calamum sic torfit, ut audax
 Terruerit natum non minus angue senex.
 Sed nunquam pius errat amor: puer hoste perempto
 Salvus erat; stupuit morte dirempta salus.
 Victor ab hâc pharetram quercu suspendit, & arcum
 Fortunæ, atque artis sic monumenta suæ.

LUDOVICI

LUDOVICI AREOSTI.

De diversis amoribus.

EST mea nunc Glycere; mea nunc est cura Lycoris;
 Lyda modò meus est; est modò Phyllis amor.
 Primas Gaura faces renovat, movet Hybl'a recentes,
 Mox cessura igni Gaura, vel Hybla novo.
 Nec mihi diverso, nec eodem tempore sape
 Centum vesano sùnt in amore fati.
 Ut sem si placeo, me me sic urere Virgo,
 Seu grata es, seu jam grata futura mihi.
 Hoc olim ingenio vitales hausimus auras,
 Multa citò ut placeant displicitura brevi.
 Non in amore modo mens hæc, sed in omnibus impar
 Ipsa sibi longâ non retinenda morâ,
 Sæpe eadem Auroræ rosâ surgente quadrigâ
 Non est, quæ fuerat sol'e cadente mihi.
 O quot tentaras illa est versata per artes
 Festivum impatiens rettulit unde pedem,
 Cum primum longos posui de more capillos,
 Estq; mihi primum tradita pura toga.
 Hæc mihi verbosas suavit perdisce e leges,
 Amplaque clamosi quærere lucra fori.
 Atque eadem optatam sperantem attingere metam,
 Non ultra passa est improba ferre pedem,
 Meque ad Parnassum vocat, Aoniamq; Aganippen,
 Aptaque virgineis mollia prata choris.
 Meque jubet docto vitam perducere cantu,
 Per nemora illa avidis non adeunda viris.
 Jamque acies, jam facta ducum, jam fortia Martis
 Concipit æternâ bella canenda tuba.
 Ecce iterum malè sana, inquit, quid inutile tento
 Hoc studium? vatem præmia nulla manent.

Meque

Meque aulae cogit dominam tentare potentem
 Fortunam obsequio servitioque gravi.
 Mox ubi pertasum est male grati principis, illam
 Non tulit hic refides longuis ire moras.
 Laudat & aratis ut eam spectabilis armis,
 Et meream forti conspiciendus equo.
 Et mihi sunt aptae vires, patienque laborum
 Corpus & has possunt tela decere manus.
 Nec mora bellator sonipes, & cuncta parantur
 Instrumenta acri commoda militiae.
 Iratusque pio celebri sub principe miles
 Exspecto horriferae Marcia signa tubae.
 Jam neque castra placent, rursus nec classica nobis,
 Ite procul Getici tela cruenta Dei.
 Humanæ truem foedabo sanguine dextram,
 Ut meus assiduo sub bove crescat ager?
 Ut breve mortis iter sternam mihi, ut horridus umbram
 Horreat immitem portitor ipse meam?
 Atque aliquis placida aspiciens à sede piorum
 Me procul Eumenidum verbera lava pari;
 En qui Musarum liquit grata otia, dicat,
 Anxius ut raperet munere Martis opes.
 Manibus & sociis narret me digna subisse
 Supplicia, haud ullâ diminuenda die?
 Antra mihi placeant potius, montesque supini,
 Vividaque irriguis gramina semper aquis:
 Et Satyros inter celebres Dryadasque puellas
 Pleetra mihi digitos, fistula labra terat.
 Dum vaga mens aliud voscet, procul este Catones,
 Este, quibus parili vita tenore fluit:
 Quos labor angat, iter cupientes limite certo
 Ire sub instabili cuncta novante polo.
 Me mea nobilitas senio dedecat inertī,
 Dum sit dia haud desint, quæ variata juvent.
 Me miserum quod in hoc non sum mutabilis uno,
 Quando me assiduâ compede vincit amor.

Et

Et nunc Hybla licet, nunc sit mea cura Lycoris,
 Et te, Phryna, modo, te modo, Lyda velim:
 Aut Claram aut Glycerem, aut unam, aut sæpè ducentas
 Depeream; igne tamen perpetuo semper amo.

Ad Petrum Bembum.

ME tacitum perferre meæ peccata puella?
 Me mihi rivalem præstituisse pati?
 Cur non vi patiarque fodi mea viscera ferro,
 Dissimulato etiam, Bembe, dolore jubes?
 Quin cor, quin oculosque meos, quin erue vel quod
 Charius est, si quid charius esse potest.
 Deficientem animam, quod vis, tolerare jubeto:
 Dum superet dominæ, me moriente, fides.
 Obsequiis alius faciles sibi quærat amores,
 Cautius & vitet tetrica verba nece,
 Qui spectare suæ valeat securus amicæ
 Non intellecta livida colla nora.
 Quique externa toro minimè vestigia pendat,
 Dum sibi sit potior parve in amore locus.
 Me potius fugiat, nullis mollita querelis,
 Dum similet reliquos Lydia dura procos.
 Parte carere omni malo, quàm admittere quenquam,
 In partem: c. piat Jupiter, ipse regem.
 Tecum ego mancipiis, mensa, lare, vestibis utar;
 Communi sed non utar amice toro.
 Cur ea mens mihi sit, quæris fortasse, tuaque
 Victum iri facili me ratione putas.
 Ah! pereat qui in amore potest ratio ibus uti,
 Ah! pereat qui in perditè amare potest!
 Quid deceat, quid non; videant qui ibus integra mens est:
 Sat mihi, sat dominam posse videre meam.

ACTII SYNCERI SANNAZARII

Ad Amicam.

N^Ulla meos poterit mulier pravertere sensus,
 Ipsa licet cœlum linquat, & astra Venus.
 Tu pueri teneris ignis mihi primis ab annis;
 Ultima tu tremulo flamma futura scini.
 Jam sanxere semel nos inter fœdera Divi,
 Fœd'ra ad extremos non solvenda rogos:
 Ut si nostra tuo superesset futere vita,
 (Dii tamen in ventos omen abire fiant)
 Ipse ego composito venerarer operta sepulcro
 Ossa, ferens mœstâ thura, merumque manu:
 Umbrarumque sacer custos, tumulique sacerdos,
 Concinerem querula tristia verba lyra.
 Nec me complexa quisquam divelleret urna,
 Quin cineri moriens oscula summa darem.
 At (si quod potius cupio) tibi fata dedissent
 Lumina formosa condere nostra manu:
 Tunc mihi cum charos vultus spectare liceret,
 Atque anima tecum jam fugiente loqui:
 Ipsa meos tumulo manes laniata vocares,
 Inque tuo legeres ossa minuta sinu:
 Flebilis & longos scindens ad busta capillos,
 Clamâres nomen jam moritura meum:
 Tum cineri et mutæ persolvens justæ favillæ,
 Mistâ dares rutilis lilia cana rosis.
 Illic mœsta dies, illic consumere noctes
 Optares, nec te vinceret alter Amor
 Sed memorusque viri canis veneranda capillis,
 Ad ferres tremula munera chara manu.
 O mihi dum tales tumulo reddantur honores,
 Tam lentam Lachesis scindat avara colum,

Non,

Non ut nostra novos Arabum bibat urna liquores,
 Ustus et Assyrio spiret odore cinis :
 Aut ut clara mei not. scat fama sepulchri,
 Altaque marmoreus sydera tangat apex :
 Sed magis ut liceat longas audire querelas,
 Et gerere e lachrymis ferta rigata tuis.
 Tunc ego Lethææ spatiatus in aggere ripæ,
 Quæ nitet obtusol mine falsa dies,
 Quaque levis Casia nemus, Ambrosiaque virentis,
 Et fortunatos abluit unda greges :
 Dulcia præteritæ repetens infomnia vitæ,
 Ostendam Elysijs tot mea dona choris :
 Felicesque animas inter felicior ipse
 Excipiam plausus, læta per arva, novos.
 Atque aliquis comitum, lætaque, hilarisque recentes
 Sparget hami flores, & mihi ferta feret.
 Nec contentus eo ; fidos extollet amores,
 Narrabitque alijs de pietate tua.
 Sed Quoniam teneræ vernant nunc læta juventæ
 Tempora, & amplexus jungere fata sinunt :
 Dulcia lasciro jungamus gaudia lecto ;
 Jam properat mortis panda senecta comes ;
 Jam properant rogæque graves, & serior ætas :
 Nec dabitur molli ludere posse toro.
 Interea cupidis nectamus colla lacertis ;
 Ultima jam solvet cum volet, hora duos.
 Dij facite, hæc longos maneat spes certa peramos ;
 Candidas et pennis omnia firmet Amor.

IN DOMINÆ NATALEM.

Ad Junonem.

Junoni fer sacra; novas lege Musa coronas;
 Natalis Dominæ jam mihi festus adest.
 Ipsa sed in primis solennes induc cultus,
 Et mihi purpurea tempora cinge rosâ.
 Utque aliquid gratas Divæ meditemur ad aras,
 Affert inauratæ garrula plectra lyræ.
 Tu quoque, Vita, tuos auro subnecte capillos:
 Plurimaque in niveo pectore gemma micet.
 Hæc mihi te, mea lux, feros promissit in annos,
 Hæc mihi te certam jussit habere dies.
 Quanta mihi hæc primum fulserunt gaudia luce?
 Quantus in hoc uno tempore venit honos?
 O mihi Erythræis meritò signanda lapillis;
 O mihi delicias inter habenda meas.
 Quisquis ades, bona verba, & lætos edite cantus,
 Libaque de Siculo dulcia mella date.
 Alba mihi vestis nullo violata veneno
 Adsit, & in geminos defluat apta pedes:
 Ante aram viridi texant umbracula quercu
 Formosis Dryades, rustica turba comis.
 Phœbus odoratâ circum tegat atria lauru:
 At myrto duplices tu Cytheræa fores.
 Ipsa Arabum merces Niseia turba ministret:
 Lenæusque ferat Naxia vina Pater.
 Omnia sint lætis operata ex ordine sacris;
 Et cœlum niveis constrepat alitibus.

Magna parens Juno, centum comitata ministris,
 Huc ades, & votis annue Diva meis.
 Vos quoque per vacuum quæ ludites æra, Nymphæ,
 Cingite fœlici nubila summa choro.
 Scilicet eventus hæc sint bona signa futuri;
 Hæc eadem plenæ nuncia lætitiæ.
 Ipse ego vestra sequar jucundo gaudia planctu,
 Et peragam varios ore, manuque modos:
 Quin etiam fertis, & thure calentibus aris
 Excipiam sanctâ Numina vestra die.
 At tu, Natalis, nullos non fauste per annos,
 Semper honorata luce serenus eas.
 Quodque opto, innumeras (siquid prece posse putamur)
 Cumææ vincas vatis Olympiadas.

Dies Genialis.

Aureli, perfunde meis unguenta capillis
 Tu super, & vernas sparge, Nearche, rosas:
 Sed prius æstivum ramis defendite solem,
 Et viridi mollem sternite fronde torum.
 Non plumæ, non picta juvant me stragula, nec quæ
 Pavonis vario sponda colore nitet.
 Larga coronatâ disponite pocula mensâ,
 Setino & gelidas adsociate nives:
 Certatimque leves potanti inducite somnos.
 Sic juvat ætatis ducere fila meæ,
 An scimus miseri, quid lux ventura minerur?
 Vivamus: mortem fallere nemo potest.

De mirabili urbe Venetiis.

Viderat Adriacis Venetam, Neptunus in undis
 Stare urbem, & toto ponere jura mari;
 Nunc mihi Tarpeias quantumvis Jupiter arces
 Objice, & illa tui mœnia Martis, ait.
 Si pelago Tibrim præfers, urbem adspice utramque:
 Illam homines dices, hanc posuisse Deos.

JANI ET RUSCHI

Ad Amicam.

Noctis ubi trepidis jucundior hora puellis.
 Ducet Acidaliis tempora grata jocis,
 Te, mea cura, petam per læva pericula tutus:
 Nox, animos facient Bacchus amorque mihi.
 Ipsa cave resonent revoluti cardine postes,
 Porta breve excipiet semiadaperta latus.
 Cum primum attigero tacitis genalia plantis
 Limina, sis collo sacra grata meo.
 Hæc illæc hederæ ut cingunt arbuta tenaces,
 Implicet amplexu sic, mea vita, tuo.
 Nil tibi non liceat; sed me quoque nequior ipso
 Brachia fer collo sæpe iterata meo.
 Uvidulisque premas longum mea labra labellis,
 Multaque des nobis oscula, multa feras.
 Et modò sint ullo properata fine ordine raptim,
 Et modò sint longâ basia ducta morâ:

Sævitiâ facili quæ nunc exacta negato,
 Cum poscente magis te juvet illa rapi.
 Interdum tua lascivo luctamine lingua
 Hæc furtim nobis occupet eripere.
 Oraque non dubites morfu læsisse protervo :
 Sit mea, sit cervix livida dente tua.
 Lentaque non jaceat pars corporis ulla : vagetur
 Hinc illinc cursu liberiore manus.
 Utque oculi primùm tremulo fulgore micantes
 Accensæ Veneris conscia signa ferent;
 Cum cupiens pariter cupidum, mea vita, videbis;
 Et placidam in pugnam mutuus ardor aget :
 Nequitias tunc ipsa omnes exprome, jocosque ;
 Ipse jocos omnes, nequitiasque dabo.
 Sæpius invitum cogas, renuasque volentem,
 Desque recusanti, sæpè rogata neges.
 Atque modò querulum lachrymis testere dolorem,
 Et nobis tangi te veteret ille diu.
 Me voces audire juvet modo gaudia fassas ;
 Perspicuusque tuo risus in ore sonet.
 Inque modos omnes dulces imitare figuras,
 Dum subeat blandus lumina victa sopor.
 Tunc etiam menti lascivia nostra recurset.
 Subjiciatque mihi gaudia ficta quies.

Cujusmodi cupit post vitam tumultum.

Non mihi fornicibus Pariis, Graiæque Caristus
 Visceribus cæsus contegat ossa lapis.
 Nec tumultum exornent operosi munere cœli
 In varias facies marmora ficta meum.
 Sed postquam effœtum corbus lucemque perosa
 Exierit campos vita sub aërios :

Tunc

Tunc teneri cineres, supremaque busta poetæ
 Obruat exiguo cespite mollis humus.
 Tunc ego, gleba licet, studii non immemor acti,
 Consona quod vitæ sint sua fata mea:
 Confurgam Veneri gratus de cespite truncus,
 Et fiam patulis myrtus opaca comis.
 Cui dabit inferias & adorea liba quotannis
 Cum scio veniens culta puella tori.
 Et circa tumulum gressu ter plaudet ovari
 Ad calami raucos enthea turba modos.
 Et dicent: cujus cinis hâc tellure quiescit
 Magnus amator erat, magnus amator obit.
 Teligeri fuit ille Dei, Venerisque sacerdos:
 Et cujus fuerat nos quoque turba sumus.
 Turba sumus Veneris; Veneris iuvat ergo poetæ
 Dicere terra precor non gravis ossa premar,
 Fronde meâ pingues dum tondent gramina vaccæ,
 Pastor ab æstivo sydere tutus erit.
 Et placidam flavæ formam cantabit amica
 Disparibus modulans carmen arundinibus.
 Fors & amatoris frondes succedet eisdem
 Expugnata sui mollis amica prece.
 Blandaue carminibus interferit oscula gratis,
 Oscula vel cineres apta movere meos.
 Tunc ego ramosas diffundam lætior umbras;
 Signaque lætitiæ frons manifesta feret,
 Splendidiisque virens testabor gaudia; crescet
 Luxuria illorum tunc mihi luxuria.
 Illa ego, quæ fuero baccis modò myrtus amaris,
 Attica tum vincam mella sapore novo.
 Non erit invidiæ mihi formosus Cyparissus,
 Thestalis aut Clario cruda puella deo.

TITI STROZÆ FERRARIENSIS

Ad annulum ab amica datum.

Annale dulce mihi dilecto munus amicæ,
 Annule delicias inter habende meas;
 Tu licet excellas auro pretiosus, & aptè
 Gemma sit artifici clausa magisterio;
 Est aliquid, mihi quo meruisti grator esse;
 Scilicet in nivea, te tulit illa manu.
 Illa etiam dono cum te mihi tradere vellet,
 Inprimis monuit, quam sibi charus eras.
 Mecum igitur semper noctesque diesque manebis;
 Mille tibi amplexus, oscula mille feram.
 Inque sinu ponere, manus dum nostra lavatur;
 Invida ne nitidum te mihi lædat aqua.
 Tu modò, læva, cave commissum perdere pignus,
 Siqua hoc mandantis gratia tangit heri.

Ad Amicam.

Si levior foliis, auraque incertior essem,
 Et fluere modico tempore nostra fides;
 Non ego tam longo constans in amore fuisset.
 Ire nec assiduas cogerer in lacrymas.
 Nec graciles adeo macies consumeret artus,
 Nec mea mutaret pallidus ora color.
 Sed vos decipere incautos didicistis amantes;
 Et queritur lædi, fallere siqua parat.

TU,

Tu, me infœlicem formosam Lotida narras,
 Et Marcotinidem præposuisse tibi.
 Has ego dispeream, si præter nomina novi;
 Tardaque & infido sit mihi dura Venus.
 Tene ego desertâ potuissem ducere vitam?
 Hæc Iope quamvis, Inachis illa foret?
 Non sum, quem valeant aliæ mutare puellæ,
 Nec meus incertis passibus errat Amor.
 Huc cursum tenui; tu portus es, anchora nostra hic
 Hæreat, hinc nullis fluctibus ejiciat.

HERCULIS STROZÆ.

Amorem sibi celandam.

URor, iô, sævas remove, Puer improbe, flammæ,
 Uror; & ulteriùs mens nequit ægra pati.
 Pectoris arcanos nihil est quod temperet æstus,
 Causa sed exitio quælibet apta meo.
 Seu mihi sydereæ subeunt fastigia frontis,
 Seu, Veneris quales non reor esse, comæ.
 Seu magis arguti vires admiror ocelli,
 Labrave purpureis anteferenda rosis.
 Seu similes ebori dentes, & eburnea colla
 Seu nivei recolo muneris ara sinûs,
 Seu læves humeros, seu castigata voluto
 Illa, seu longam præniveamque manum.
 Deniq; seu decor objicitur, seu gratia morum
 Mille Venus-causas, unde fatiget, habet;
 Nec suspirandi locus est, pœnamque fatendi;
 Una datur lachrymis conscia sylva meis.
 Hic quoque vix ausim tenues effundere questus,
 Dum timeo intentis auribus esse rubos.

Namque

Namque & Hamadryadas cognata vivere quercu,
 Naiadas & liquido vivere fonte ferunt.
 Quin viridi occulta signavi in cortice nomen;
 Abrado invita chara elementa manu.
 Ergo graves semper taciti celabimus ignes?
 Quamque ferat nobis, non sciet ullus opem?
 Mitius est subita fatum subiisse securi,
 Inter & hostiles oppetiisse manus.
 Mille neces unâ patimur, semperque fatigat
 Savius, impatiens carceris acer amor.
 Sueverat huc illuc levibus divertere pennis,
 Ducere nec longas in statione moras.
 Jam-bis in Elæo certarunt pulvere currus,
 Pectore discessit nec tamen ille meo;
 Signa nec ulla dedi populantis corda doloris:
 Mille fœces constans, spicula mille tuli.
 Qui bene dissimulat, quos dissimulavimus, ignes;
 Militet in castris, magne Cupido, tuis.
 Et tua littorea redimitus tempora myrto,
 Signa triumphales præferat ante rotas.
 Sed mihi quid profunt artes? si semen arenæ
 Creditur, & sterilis nil mihi reddit ager?
 Tot mala perpeffo, vix contigit oscula furtim
 Carpere, blanditias nec servasse datum est.
 Sæpè quidem licit, per causam, tangere dextram,
 Clamque pedem tenero composuisse pedi.
 Tum magis inde meis passim bacchata medullis
 Flamma gravaturum continuavit onus.
 Et nisi quod graciles spes credula nutriit artus,
 Jam niger hausisset corpus inane rogos.
 Vix manet; umbra pedes, umbra est hoc debile corpus;
 Ante quod opravit multa puella sibi.
 Nec tamen æquoreâ maciem de compede traxi,
 Membra Promethæis nec tenuata malis.
 Hoc Dominae crimen, ejus de fronte Cupido
 In mea ferventi conficit ossa faces.

Non me Sicanius flammaverit acrius ignis
 Quam Dominæ, roseo qui micat ore nitor.
 Sed tacito flammæ sub pectore ferre necesse est;
 Vulnera ni frustra sustinuisse velim;
 Post Hyadas sperat geminorum sydera fratrum,
 Nec timet iratas navita doctus aquas.
 Sic mihi post longos requies speranda labores,
 Ulla nec inceptum causa moretur iter.
 Tu, Dea, tu tantùm præsens mea vota secunda;
 Ipsa dabis faciles duro in amore vias.

In Amorem.

Improbe cùm solitâ careant mea pectora flammâ,
 Quid nocturna mihi bella minaris Amor?
 Sit satis hyberni glacialia frigora cœli
 Non semel ad duras sustinuisse fores.
 Sint probrosa satis obscuræ jurgia noctis,
 Totque mihi vacuos præterisse dies.
 Pubentesque satis tibi sit potuisse per annos
 Pressa sub immerito colla tenere jugo.
 I procul, haud tanti fuerint tua dona Cupido,
 Ut mihi non pluris sit superesse diû.
 Et satius fuerit veterum monumenta virorum
 Volvere quam turpi velle in amore mori.
 Ne piget igne meo quenquam torquere pudetque
 Me dominæ, & populo sæpe fuisse jocum.
 Turpia præteritæ cognoscere facta juventæ
 Nunc, licet invitus, præstitit acer amor.
 Vindice me varios liceat tibi quærere amantes
 Cognita carminibus Parthenopæa meis.
 Mutua ne dubites nutu dare signa loquaci;
 Et miseros verbis detinuisse procos.

Me coram liceat missas tractare tabellas,
Pluraque rivali munera ferre meo,
Cessit enim solitus tepefactis sensibus ardor,
Nec me, qui demens egerat, error agit.
Frigidus est calor ille, cinis licet æstuet intus,
Qui me sollicitum fecerat esse, Deus.
Hinc Deus, hinc ratio dubiis sub sensibus hærent,
Vique simul cerat ille, vel illa pari.
Sed tamen incumbet stabili ratione Cupido,
Si datur æthereos vincere posse deos.

SELECTA

SELECTA POEMATATA
ITALORUM.

P A R S III.

E x

M. ANT. FLAMINIO

Excerpta Carmina.

ODE I.

Ad Agellum suum:

U Mbræ frigidulæ, arborum susurrî,
Antra roscida, discolorè picta
Tellus gramine, fontium loquaces
Lymphæ; garrulæ aves, amica Musis

Otia: ô mihi si volare vestrum

In sinum superi annuant benigni:

Si dulci liceat frui recessu,

Et nunc ludere versibus jocosis,

Nunc somnum virides sequi per umbras,

Nunc

Nunc mulgere manu meâ capellam,
 Lacteoque liquore membra sicca
 Irrigare per æstum, & æstuosis
 Curis dicere plurimam salutem.
 O quæ tunc mihi vita, quàm beata,
 Quàm vitæ similis foret deorum?

At vos ô Heliconiæ puellæ,
 Queis fontes, & amœna rura cordi,
 Si charâ mihi luce chariores
 Estis, jam miserescite ob œcrantis ;
 Meque urbis strepitu tumultuosæ
 Ereptum, in placido locate agello.

ODE II.

Ad Eundem.

VEnuste agelle, tuque pulchra villula,
 Mei parentis optimi
 Olim voluptas & quies gratissima
 Fuistis: at simul senex
 Terras reliquit, & beatas celitum
 Petivit oras, incola
 Vos alter occupavit, atque ferreus
 Amabili vestro sinu
 Me lacrymantem eiecit, & charis procul
 Abire iussit finibus.
 At nunc, amica rura, vos reddit mihi
 Farnesii benignitas.
 Jam vos revisam, jam juvabit arbores
 Manu paternâ confitas
 Videre, jam libebit in cubiculo
 Molles inire somnulos,

Gaudete

Gaudete fontes, rivulique limpidi;
 Heri vetusti filius
 Jamjam propinquat, vosque dulci fistulâ
 Mulcebit, illâ fistulâ
 Quam vestro Iolæ donat Alcon maximus,
 Ut inclyti Farnesii
 Laudes canentem Naiadum pulcher chorus
 Miretur, & Pan capripes.

ODE III.

Ad Antonium Mirandulam.

Antoni venerande, anima mihi charior ipsa,
 Romænne semper incoles?
 Te nec avaritiæ morbus, nec fervida honorum
 In urbe detinet sitis.
 Vis igitur properemus ubi Donadula Musis
 Amica præbet otia?
 Hunc agrum dat habere tibi Farnesius heros,
 Quo nil amœnius, neque
 Fertilius, Baccho & Cereri gratissima tellus,
 Togata cernit Gallia.
 Has age delicias, & dulcia rura petamus,
 Quo pulcher Autumnus vocat,
 Et Bacchus pater, & virides Pomona per herbas
 Cum Gratiis ducens choros.
 Jam videor tecum patulâ projectus in umbrâ
 Ad lucidi fontis caput,
 Discere nubigenam quæ mille coloribus Irim
 Vis pingat, imbris nuntiam:
 Cur cadat æstivo glacialis sydere grando,
 Quis tantus exciter furor

Ventos, horrifonas curvato gurgite ut undas

Ad alta mittant sydera :

Altera cur auro tellus fluat, altera ferro,

At illa geminis splendeat.

Felix qui rerum causas, Mirandula, nosti,

Et eleganter explicas.

Tu docti pridem malè culta vireta Lycæi,

Post longa primus secula

Eficis, ut prisco revirescant more ; quod omnis

Miretur ætas postera,

Teque parem dicat magnis Heroibus illis,

Quos ipsa Pallas artibus

Erudiens clavis, dat adhuc splendere per orbem,

Ut pulchra cœli lumina.

O D E IV.

Ad suavissimum sodalem suum.

SEnex palustribus loquacior ranis,

Turbâque semper garrulâ cicadurum,

Tu nunc relictis villulis Capenatum,

Sinu Bononiæ educaris in dulci,

Qua civitate delicatior nulla est :

Vitamque lætam vivis atque felicem,

Fruens Moreno strenuâque Cervino,

Quos publicarum cura nobilis rerum,

Ardensq; ad alta sydera evehit virtus.

At quum reversus ad tuos agros tristi

Silentio miser otioque marcesces,

O quàm vicem tuam dolebis ! Et cœli

Lucem nitentem quàm videbis invitus !

Quum vita mortē jam videbitur pejor.

Senex dicacule, & facere nugator,

Festivitatē magne amator urbanæ,

Dic, caprimulgos, inter arque fossiores,
 Et senticosa rura gentis insulsæ
 Quid dulce poterit esse, quidve jucundum?
 Cum quo jocando tunc dabitur ineptire?
 Quis elegantes ventitabit ad cœnas?
 Cui post Falerna vina, de malo & sacro
 Libro venena versuum propinabis?
 Megara, non Camœna quos tibi dicat,
 Ut iis acerba pestilentior peste
 Tuos sodales eneces, quibus centum
 Abesse millia passuum nihil prodest.
 Nam charta retro infecta carminum tabo,
 Quam sæpe doni maximi loco mittis,
 Modis legentium corda polluit miris,
 Ut liberare languidos suis succis
 Nec ipse Phœbus, ipsa nec salus possit.
 At tu poeta lethifer tuos quæso
 Amiculos ne perde peste tam dirâ,
 Sed pessimis jam pone versibus finem:
 Savire vei si pergis, hostibus savi.

ODE V.

CATELLA

Ad Reginaldum Polum.

CUR me, Pole, tuâ venire ad urbem
 Leticâ prohibes? tuæ quid (oro)
 Summæ participem benignitatis
 Esse non pateris? Canes bonorum
 Heroum comites fuere semper:
 Et cœlum canis incolit supremum
 Inter sydera: nec polus, beata
 Sedes œlicolûm, suam catellam

Dedignatur habere secum: at ipsa
 Sum despecta tibi, nec unum apud te
 Angulum valeo impetrare. Vixi
 Si nostram vacet æstimare formam,
 Non indigna tuo favore credar.
 Est pius mihi lucidus, venustæ
 Pendent auriculæ, nigris ocellis,
 Et caudæ placeo subis comatæ.
 Nec sum corpore vasta, nec figurâ
 Tam brevi, ut videar puellarum
 Comes dignior esse quam virorum:
 Nec surpi scabie laboro, nec sunt
 Invisi pulices mihi molesti.
 Nec sum prorsus inutilis futura,
 Si lassam recreas vehisque tecum.
 Nam pedes tibi suaviter fovebo,
 Qui jam frigoribus rigent acutis.
 Nec verò timeas, luto refertâ
 Quod viâ assidue ambularim: amicus
 Et cliens tuus optimus Morilla
 Me suis manibus pie ac benigne
 Puro flumine ter quaterque lavit:
 Et mundâ dedit esse mundiorum
 Sponsâ, quam bona mater ad maritum
 Vult deducere nuptiis paratis.
 Quod si non satis hæc videntur esse
 Ad flectendum animum tuum, catelli;
 Ah! nimis miseri mei catelli
 Te precor moveant; tenella pleno
 Quos gestans utreo, pedes movere
 Vix quo amplius; & tamen necesse est
 Milliaria singulis diebus
 Multa conficiam miscella, ni te
 Volo linquere: sed prius vel istis
 Optem filioliis meis sepulchrum
 Fiant viscera matris, ipsa præda

Optarim prius esse vel luporum,
Quàm te, maxime Pole, derelinquam.

ODE VI.

Ad Galeatium Florimontium Philaethem.

Huc ades Galatee; quid moraris?
Est brevis via, sæpiusque dicis,
Gràs ad vos veniam, boni sodales:
Nec venis tamen. An putas licere
Amicis dare verba? nos pudendum
Et contra officium, tuoque bello
Id cognomine prorsus arbitramur
Indignum; hoc nisi vis ineptè abusi.
Huc ades Galatee; quid moraris?

Remiges Ithaci vagantis olim
Lotos detinuit Libya in ora:
Ut mulcralibus hæret usque & usque
Musa lactis amore, te, beate
Senex, quæ retinet domi voluptas?
Ecquid delicias tuæ Sueffæ
Præfers deliciis mei Caserræ?
Desiras Galatee; nam Sueffæ
Longè pulchrior est, amœniorque
Campanæ regionis hic ocellus;
Quem joci comitata Gratiisque
Venus, posthabita Cnido, Paphoque,
Semper incolit; & suos amores,
Suas delicias fatetur; ergo
Huc ades Galatee; quid moraris?

Hic sol splendidius nitet; Favoni
Spirat mollis aura, suaviorem

Fert rosam & violam benigna tellus:

Hic est dulcior uva, dulciores

Ficus, & pepones: oliva baccas

Non solum patriæ tuæ, sed ipsum

Venasrum superare gaudet; ergo

Huc ades Galatæe, quid moraris;

Ecce, cascelos tibi recentes,

Atque hœdos geminos Hyella donat,

Formosissima caprimulga, Pani.

Non impar caprimulga, siue caneat,

Seu levi calamo terit labellum:

Huc ades Galatæe; quid moraris?

En, hospes meus, optimus Caserta;

Quo Campania terra gloriatur,

Jam desiderium tui morantis

Nequit ferre: puella sic amantem

Votis, ominibusque, lacrymisque

Absentem vocat; Ah! tuum Casertam

Ne quæso cruciare perge, sed jam

Huc ades Galatæe; quid moraris?

Is quidem impatiens moræ molesta

Ad te jam properasset, ægra membra

Ni vis debilitaret ipsa morbi:

Et tu jam dixi abesse sustinebis?

Qui sola potes alloquutione

Febrim pellere candido sodali:

Huc ades Galatæe; quid moraris?

Non Phœbus (mihi crede) filiūve

Phœbi cantibus hunc levaret, herbis

Aut salubribus, æquæ ut ipse vultu

Incundo, & lepidâ dicacitate:

Ergo si tibi cura chari amici est,

Huc ades Galatæe; quid moraris?

Te vocat domus ipsa, quam solebas

Jocis, & salibus, facetiisque

Tuis exhilarare, te loquaces

Lymphæ,

Lymphæ, te vocat hortulus venustus,
Tux tam memor irrigationis,
Quam lactis memor est tenellus infans :
Huc ades Galatee; quid moraris?

Non pandunt nitidæ rosæ per agrum.
Formosos calathos, hiare tardant
Flores luteolique cæulique,
Albi, & purpurei: suos honores.
Agellus tibi scilicet reservat :
Huc ades Galatee; quid moraris?

Si venis citò, carminum libellum
Ostendam tibi, quem legens putabis.
Te vesci ambrosiâ; & tibi repleri
Ora nectare: sin mea procellæ
Terunt irrita verba, mox Iambos.
Exspecta horribiles, amariôres
Felle, absinthio, & omnibus venenis,
Quotquot Thesalâ nutrit ora, quotquot
Ponti terra creat. Sed eja age eja;
Huc ades Galatee; quid moraris?

ODE VII.

Ad Petrum Carnesecum.

O Dulce hospitium? o larcs beati!
O mores faciles! ô Atticorum,
Condita sæle colloquutiones?
Quam vos ægro animo & laborioso,
Quantis cum lachrymis miser relinquo?
Cur me sæva necessitas abire,
Cur vultum, atque oculos, jocosque suaves
Cogit linquere tam venusti amici?
Ah! reges valeant, opesque regum,
Et quisquis potuit domos potentum

Ante

Anteponere candidi fodalis
 Blandis alloquiis, facetiisque.
 Sed quamquam rocul à tuis ocellis,
 Jucundissime Carnelese, abibo
 Regis imperium mei sequutus;
 Non loci tamen ulla temporisve
 Intervalla tuos mihi lepores,
 Non mors ipsa adimet: manebo tecum,
 Tecum semper ero, tibi que semper
 Magnam partem animæ meæ relinquam,
 Mellite optime, mi venuste amice.

ODE VIII.

Ad Franciscum Turrianum

PER tui Ciceronis & Terenti
 Scripta te rogo, Turriane docte,
 Ut postridiè, adhuc rubente mane,
 Quum fœcundat humum decorus almo
 Rore Lucifer, exiens Giberti
 Domo, ad me vénias equo citato,
 Ne tibi igneus antevertat æstus.
 Hic fontem prope vitream, sub umbra
 Formosi nemoris, tibi parabo
 Prandium Jove dignum: habebis & lac
 Dulce, & caseolum recentem, & ova,
 Et suaves pepones, novaque cera
 Magis lutea pruna; delicatos
 Addam pisciculos, nitens salubri
 Quos alit mihi rivulus sub unda:
 Ad mensam vetulus canet colonus;
 Jocosissima carmina, & coloni
 Quinque filiolarum simul choreas
 Plaudent virginéo pede: inde ocellis

Ut primùm sopor incubans gravabit,
 Jucundissime amice, te sub antrum
 Ducam, quod croceis tegunt corymbis
 Serpentes hederæ, imminensque laurus
 Suaviter foliis susurrat: at tu
 Ne febrim metuas, gravedinemve;
 Est enim locus innocens; ubi ergo
 Hic satis requieveris, legentur
 Lusus Virgih, & Syracusani
 Vatis, quo nihil est magis venustum,
 Nihil dulcius, ut mihi viderur.
 Quùm se fregerit æstus, in vireni
 Convalle spatiabimur, sequetur
 Brevis coena, redibis inde ad urbem.

ODE IX.

Ad Petrum Viperam.

Fortunate senex, senex beate,
 Quo te carmine prædicare possim?
 Est domus tibi parva, sed supellex
 Munda, lectulus elegans, tabellæ
 Quæ suis oculos vel eruditos
 Figuris teneant cubiculumque
 Ornatum satis, & satis librorum
 Magna copia, qui bene ac beatè
 Decent vivere; mensa pura, victus
 Simplicissimus: est tibi fidelis
 Minister vetulus, sodalis idem,
 Quicquam fallere tempus, & jocari
 Soles suaviter; est enim facetus
 Senex, blandus, amabilis, disertus.
 Hæc ad comoda tam beata magnum
 Adjungit camulum hortulus venustus,

Quem

Quem vel Corytius senex agello
 Suo præferat, omniumque dicat
 Pater Nauficæ hortulorum ocellum.
 Adde quod viridis tibi senectus,
 Quod mens candida, candidique mores,
 Quòd festertia quinque ab urbe missa
 Sunt satis tibi singulos per annos.
 Abeſt ambitio, timorque lethi,
 Et quicquid miseram facit ſenectam:
 Nam Deo pietas amica, vita
 Et mori bona cuncta pollicetur.
 Fortunata ſenex, ſenex beate,
 Quo te carmine prædicare poſſum?

ODE X.

Ad Ludovicum Becatellum.

NE vivam, bone Ludovice, ni me
 Et mei miſeret tuique; nam quis
 Deus, vel mala ſors, utrumque ſemper
 Captivum tenet urbis in tumultu;
 Si nos ambitio, pecuniæve
 Augendæ premeret ſitis, tacerem:
 Sed quum divitiis, honoribuſque
 Magnis otia præferamus, Ah! euf
 Romam præferimus meo Lavino
 Albinoque tuo? ô venuſti agelli,
 Muſarum domus, & quies laborum,
 Tam longè mihi vita num manebit,
 Ut meos ſatiare poſſim ocellos
 Veſtro dulci, & amabili decore?

O tandem placida & beata rura,
 Nos charum accipite in sinum, nec ulla
 Vis avellere possit; hic & hœdo,
 Et pomis, oleaque, pensilique
 Ulvâ nos alite: & simul supremum
 Tempus venerit, ossa sub virenti
 La ru condite, quâ fugit per herbas
 Sævem rivulus excitans susurrum.

ODE XI.

In Hyellam.

O Quæ venusta Sirmionis littora
 Colis, caruli candida
 Musa, & beatam Citrei sylvam doces
 Pulchram sonare Lesbiam;
 En nos Taburni in valle florida tibi
 Aram virenti è cespite,
 Et terna melle, terna lacte, ponimus
 Spumante plena cymbia;
 Et te vocamus voce supplici, Dea,
 Ad sacra parva, sed pia;
 Ut nostram Hyellam fistulâ dulci canas,
 Quâ nulla rure pulchrior
 Vivit, nec ulla vivet ullo tempore
 Cani puella dignior.
 At tu vireta amoena, & undas limpidi
 Relinque Benaci libentis,
 Et hic Favoni lenis aura murmurat,
 Et hic avium dulci sono
 Mulcetur aer; prata floribus nitent;
 Purique fontes vireis
 Lymphis decentes frigerant nemoram Deas,
 Cum fessa damarum neces,

Et ista luce fervida solis redit
 Pudica Dianæ cohors,
 Quæ e, ô puella candida, huc aditum feras,
 Nobilque versus dicito,
 Per quos Hyella vivat, usq; dum tua
 Formosa vivet Lesbia.

O D E XII.

Hymnus in Auroram.

E Cce ab extremo veniens Eoo
 Roscidas Aurora refert quadrigas,
 Et sinu lucem roseo nitentem
 Candida portat.

Ite pallentes tenebræ sub Orcum ;
 Ite, quæ totâ mihi nocte diros
 Manium vultus, mihi dira semper
 Somnia fertis.

Da lyram vati puer ; ipse flores
 Sparge, dum canto : Bona Diva, salve,
 Quæ tuo furvas radiante terras
 Lumine lustras.

En tibi suaves violas, crocumque,
 En odorati calathos amomi :
 Surgit, & nostros tibi dulcis aura
 Portat odores.

Deferat laudes utinam precesque,
 Quas tibi supplex mea Musa fundit,
 Jam pio sanctos benè docta divos
 Tollere cantu.

Quis tuam dignè celebrare lacem
 Possit, ô almæ genitrix diei ;
 Quis tuam formam, ô Dea ante Divas
 Pulchrior omnes ?

Ut genas cœlo roseas, comamque
Auream proferas, tibi fulva cedunt.
Astra, decedit rutilante victa

Luna decore.

Te sine æternâ jaceant sepulti
Nocte mortales; sine te nec ullus
Sit color rebus, neque vita doctas

Culta per artes.

Tu gravem pigris oculis soporem
Excutis; lethi sopor est imago;
Evocans tectis suâ quemque lærum ad

Munia mittis.

Exilit stratis rapidus viator,
Ad jugum fortes redeunt juvenci;
Lætus in sylvam properat, citato

Cum grege, pastor.

Ast amans charæ thalamum puellæ
Deserit flens, & tibi verba dicit

Aspera, amplexu teneræ cupito a-
vulsus amicæ.

Ipsæ amct noctis latebras dolosæ,
Me juvet semper bona lux; nitentem

Da mihi lucem, Dea magna, longos
Cernere in annos.

ODE XIII.

In Hyellam.

A Deste ô Satyri, bonique Fauni, &
Quicquid capripedum est ubique Divum,
Mecum, numina sancta, lacrymate.
Vestra mortua bella caprimulga est,
Illa candida, bella caprimulga,
Quæ vobis bona liba facitabat,

N

Quæ

Quæ dulcem mihi caseum premebat,
 Quæ tam carmina bella cantitabat.
 Tecum delicias Hyella ruris,
 Tecum gaudia ruris abstulisti.
 Te formosulus hortus ille, quem tu
 Lætum virgineâ manu rigabas,
 Te fons profiliens specu è virenti,
 Quem illo floridulo ore basiabas,
 Te lugent nemora, atque vallis, in quâ
 Pascebas niveas tuas capellas;
 Nunc pictas Dryadis legens corollas,
 Nunc dulci resonans avenâ in antro.
 At tu, si sapias, ô puella Ditis,
 Huic dato nitidas tuas capellas;
 Hac pascente domum tuæ capellæ
 Fer nt ubera tentiora, lacque
 Longè dulcius effluet papillis.
 Nullam rura tulere doctiorem
 Aut miscere coagula, aut decoras
 Molli texere fiscinas hibisco,
 Aut per florida prata cûm puellis
 Choros ducere obstupente pago.

ODE XXVI.

Angeli Politiani.

JAm cornu gravidus præcipitem parat
 Afflitus subitis frigoribus fugam
 Autumnus pater: & deciduas sinu
 Frondes excipit arborum.
 Cantant emeritis, Bacche, laboribus,
 Te nunc agricolæ: sed malè sobrios
 Ventosæ querulo murmure tibiz
 Saltatu subigunt frui.

Nos anni rediens orbita sub jugum
Musarum revocat dulce, ferentibus
Porrectisque monent sydera noctibus
Carpamus volucrem diem.

I mecum docilis turba biverticis
Parnassi rapidis per juga passibus;
Expers quo senii nos vocat, & rogi,
Confors gloria cœlitum.

Nam me seu comitem, seu, juvenes, ducera
Malitis, venio; nec labor auferet
Quærentem tetricæ difficili gradu
Virtutis penetralia.

JO. AURELII AUGURELLI

ODE XIV.

Gratiarum Convivium.

Invitat olim Bacchus ad coenam suos
Comon, Jocum, Cupidinem.
Discumbit unà Liber, atque Amor; Jocus
Comosque contrà proximè;
Illis decentes subministrant Gratia
Grati saporis pocula:
Succosque miscent, & venena temperant
Multi vicissim palmitis.
Inusitato proluunt se nectare
Plenè sodales uvidi,
Ac fortè justo plus parùm dulcedine
Lactarte capti ingurgitant.
Hic inter agros incipit verbis Deos
Ridenda primùm rixula.

Graves Amori Bacchus objectat dolos,
 Quibus frequenter utitur.
Mli Cupido vana ludens gaudia
 Blâsasque voces exprobrat.
Como Jocus risus leves; Comus Joco
 Sales ineptos objicit.
Mox in capillos, atque ocellos advolant,
 Manusque nectunt parvuli.
Adfunt sorores illicet trës perditis,
 Pacemque suadent optimæ.
Tandem sagittas, & pharetram clanculùm
 Bacchus Cupidini involat.
At vi nitentem floridâ Jocus comâ
 Como coronam diripit.
Sic inde scissis crinibus cedens Amor
 Matri fit obviam ebrius.
Comus facetos ad viros se proripit
 Per angiportum devium.
Bacchus, Jocusque contrahunt fœdus, brevi
 Mox desitutum tempore.
Ast ut propinquans sordidum natum mero
 Venus madentem conspicit:
Irata secum, limpidum ad fontem manu
 Appreñsum & hærens attrahit.
Huic rore puro protinus lavat sacri
 Crines solutos verricis.
Pectitque, & ægrè extricat, ac dat undique
 Collo nitenti pendulos.
Sed fortè oberrans roscidam manûs cutim
 Contingit acri pectine.
Tum læsus ille subdit accensam pio
 Facem parentis pectori.
Ambusta at ipsa (ut erat) in undas proflit -
 Secum trahens Cupidinem.
Fons unus ergo sic levatos dispari
 Ambos calore liberat.

ODE XV.

SANNAZARIE

Tumulus Maximilla.

Hic hic siste, precor, gradum viator,
 Hoc sub marmore Maximilla clausa est.
 Quæcum frigidulæ jacent amores,
 Et lusus, Veneresque, Gratiaque,
 Hanc illi miseræ severa Clotho
 Pro dulci thalâmo domum paravit.
 Has matri dedit, has patri querelas,
 Pro plausu, choreisque nuptiarum.
 Quid firmum tibi, quid putes viator
 Mansurum inviolabile, aut perenne?
 Si quæ deliciae juvenculorum,
 Et decus fuerat puellularum,
 Nunc eheu jacet ecce Maximilla,
 Luctus perpetuus juvenculorum
 Æternæ & lacrymæ puellularum.

ODE XVI.

Ad Marinum Caracciolum.

O Dulce ac lepidum, Marine, factum,
 Dignum perpetuo joco, atque risu,
 Dignum versiculis, sacetisque;
 Nec non & salibus Marine nostris.
 Ille maximus urbis imperator
 Cæsar Borgia, Borgia ille Cæsar.

Cæsar patris ocellus, & sororis,
 Fratrum blanditiæ, quies, voluptas,
 Montis pupulus ille Vaticanus,
 Ille inquam dominæ urbis inquinatus,
 Cæsar Borgia, Borgia ille Cæsar,
 Cince di patris impudica proles,
 Mœchus ille sororis atque adulter,
 Fratrum perniciēs, lues, sepulcrum,
 Montis bellua tetra Vaticanus,
 Quingentas modò qui voravit urbes,
 Imbutus scelere, & malis rapinis,
 Urbes sub ducibus suis quietas,
 Quasunque aut Latium ferax virorum,
 Aut Campania pinguis, aut per alta
 Divisi juga continent Sabini,
 Hisque ingessit Ariminum, Pisaurum,
 Urbinum, Populoniumque magnam,
 Camertes pariter, Forumque Livii,
 Cornelique Forum, Faventiamque,
 Et quantum Æmilia est, Herruriamque,
 Quantum circuitu hinc & inde longo,
 Neptuni lavat æstuantis unda,
 At nunc quis neget esse opus Deorum?
 Cum vecors, animi impotente morbo,
 Quærit plura, nec est potis misellus
 Explere ingluviem periculosam.
 Ecce ecce evomit, ô Jovem facetum!
 O pulchram Nemese! ô venusta Fata!
 Verum scilicet id Marine, verum est
 Quod dici solet, en fides probat nunc,
 Fortunam si avidè vorare pergas,
 Eandem male concoquas necesse est.
 Ut jure evomere hunc putemus ipsum.
 Qui tantum miser hausit oppidorum.
 Ast id omne, quod hausit, oppidorum,
 Quod quinque assiduus voravit annis,

Imbutus scelere, & malis rapinis,
Scis quot evomuit diebus? uno.
O lucem niveam! ô Jovem facetum!
O pulchram Nemefim! ô venusta Fata!
O dulce ac lepidum, Marite, factum.

O D E XVII.

Ad Ninam.

SExcentas Nina da, precor, roganti:
Sed tamen mihi basiationes:

Non quas dent bene filiz parenti,
Nec quas dent bene fratribus sorores:

Sed quas nupta rogata det marito,
Et quas det juveni puella charo.

Juvat me mora longa basiorum;
Ne me tam citò deferat voluptas.

Nolo marmora muta, nolo pictos
Dearum Nina basiare vultus:

Sed totam cupio tenere linguam
Insertam humidulis meis labellis,

Hanc & sugere, morsuunculasque
Molles adijcere, & columbularum.

In morem teneros inire lusus;

Ac blandum simul excitare murmur.

Hæc sunt suavia dulciora melle

Hyblæo, & Siculæ liquore cannæ;

Hæc sola ambrosiæque, nectarique

Succos fundere, sola habere possunt.

Quæ si contigerint mihi; tuique

Admovere finas manum papillis:

Quis tunc divitias, quis aurum, & omnes

Asse me putet æstimare reges?

Jam non maluerim mihi beatas

Aurora.

Auroræ, Venerisque habere noctes;
 Non Hebes thalamos beatiores:
 Non si deserat hæc suum maritum:
 Non si me roget usquequaque; non si
 Æternam mihi spondeat juventam.

ODE XVIII.

JC. JOVIANI PONTANI.

Ad Fauniam.

AMabo, mea chara Fauniellâ,
 Ocellus Veneris, decusque Amoris,
 Jube isthæc tibi basim labella
 Succis plena, tenella, mollicella:
 Amabo, mea vita, suaviumque,
 Face istam mihi gratiam petenti.
 Ah! quid lenta tuum times maritum?
 Ne time, leviter suaviabor:
 Apes ut tenero studens liquorî
 Libat summa thymi aut crocon rubentem;
 Summa vix tibi suxerim labella:
 Isthæc dico labella mollicella:
 Quæ me tam facient citò beatum,
 Quam fiam citò, si neges, miscellus.

ODE XIX.

Ad Fauniam.

Puella, molli delicatior rosâ,
 Quam vernus æcr parturit,

Dulcique

Dulcique rore Memnonis nigri parens
 Rigat flavi in hortulo.
 Quæ mane primo roscidis cinctos foliis,
 Ornat nitentes ramulos;
 Ubi rubentem gemmeos scandens equos
 Phœbus peragrat æthera:
 Tunc languidi floris breve & moriens decus
 Comas reflectit lassulas;
 Mox prona nudo decidit cacumine,
 Honorque tam brevis perit.
 Sic forma primis floret annis: indecens
 Ubi senectus advenit,
 Heu languet oris aurei nitens color,
 Quod ruga turpis exarat.
 Perit comarum fulgor, & frontis decus,
 Dentisque flavent candidi.
 Pectus papillis invenustum languidis,
 Sinus recondet sordidus;
 Quod nunc Eois lucidum gemmis nitet,
 Tenuisque vestit fascia.
 Nullas amantis audies moesti preces,
 Duram quærentis januam.
 Non sarta lentis fixa cernes postibus,
 Exclusi amantis munera.
 Sed sola noctes frigido cubans toro,
 Nulli perita conteres.
 Quin hoc juventæ floridum atque dulce ver,
 Brevemque florem carpimus.
 Post lustra quinque jam senectus incipit,
 Latensque subrepat modò.
 Quare meorum ô aura suavis ignium,
 Dies agamus candidos;
 Noctesque Divæ conteramus integras,
 Quæ mane lucet Hesperus.

ODE XX.

ANDRÆ NAUGERII

Ad Auroram.

Dia Tit hōni senioris uxor,
 Quæ diem vultu radiante pandis,
 Cum genas effers roseas rubenti
 Prævia Soli.

Roscidos ut nunc per agros vagari
 Sub tuo adventu iuvat, & recentes,
 Quæ tuos semper comitantur axes
 Excipere auras.

Sicca jam sævus calor uret arva,
 Jam vagi aurarum levium filefcent
 Spiritus, jam Sol rapidus furentes
 Exeret ignes.

Dum licet, læti simul ite amantes,
 Dum licet, molles pariter puellæ
 Ite, lucentes vario capillos
 Nectite ferto.

Nunc simul telis positis Amores
 Matris hærentes lateri, & decentes
 Gratia plenos referunt refecto
 Flore quasillos.

Ter feros saltus, per iniqua lustra
 Undique occultas agitrans latebras
 Fertur, & sylvas variâ ferarum
 Strage cruentat.

Clara Latonæ soboles, nitenti
 Huic comæ in nodum religantur auro,
 Bendet aurata ex humeris pharetra,
 Pendet & arcus.

Circum

Circum eunt nymphæ simul, illa cursu
 Gaudet effusos agitare cervos,
 Hanc juvat certis jaculis fugaces
 Figere lyncas :
 Nunc ab umbroso simul æsculeto
 Daulias latè queritur, querel s
 Consonum circa nemus, & jocosa
 Reddit imago.

ODE XXI.

Ad Venerem.

Diva quæ has cœli generatim in auras
 Cuncta producis, cupidumque amorem
 Undique infundens facis, ut perenne

Sæcla propagent :

Quâ nihil lætum sine, amabile est nil,
 Nilque jucundum, sine quâ nec ipsæ
 Gratz erunt quicquam Charites, nec ipsa

Blanda voluptas :

Dum tibi lætus reparatur orbis,
 Dum per herbosos pecus omne campos
 Vim tuam sentit, tibi plaudit omnis

Diva, volucris :

Dum nihil, quamvis rigidum, feroxque est,
 Ossibus quod non penitus sub imis
 Sit tuâ tactum face, quod tuos non

Sentiat ignes.

Una erit flammarum, & amoris experts ?

Una secura his Lalage resister ?

Tange age ultrici, Dea, pertinacem,

Tange flagello.

Quod

Quod si ita tanges, fera ut obstinatum
 Applicet nostris animum querelis,
 Nec preces ultra miseræ suberbâ

Negligat aure :

Conferam lætam tibi, Diva, myrtum,
 Vancius quæ se rosifer revolvit :
 Hanc mero supplex, niveo & rigabo
 Lacte quotannis.

Hanc & immistæ pueris puellæ
 Circum agent lætas pariter choreas :
 Terque primâ unam, simul ultimâ unam
 Voce canent te,

Te canent unam, volucremque natum,
 Qui ferox, duro & similis parenti,
 Acer & flammâ est, & agente certum
 Cuspide vulnus.

Spargam odoratas violas, rosasque
 Ipse ego, votique reus secabo
 Grata torquata ante tuas columbæ
 Guttura flammæ.

ODE XXII.

LUDOVICI AREOSTI.

De Megilla.

Ilius timidis spes fit amoribus
 Qui formæ comitem ferre superbiam
 Centenamque repulsam
 Leni pectore quiverit :
 Qui surdos tulerit tot querimoniis
 Postes, dum glomerat trux Boreas nives,
 Miraturque suam vim
 Tantis vincier ignibus :

Qui

Qui rivalem animo viderit integro
Offensum, toties limen amabile

Noctu prætereuntem,

Quod vel jurgia spreverit,
Iras, nequitias, instabilem fidem,
Et quicquid dominæ sævities tulit:

Illum mater Amorum,

Mater blanda Cupidinum

Tandem audit precibus victa diutinis,
Et finem tepidis luctibus imperat;

Duræ corda puellæ

Divino infiliens pede:

Non oblita facis, quam Cinareus

Excivit juvenis, quam Phrygius prope

Idæum Simoenta,

Quam Mars bellipotens pater.

Illi fert gremio pleno Amathuntia,

Lusus, illecebras, delicias, jocos,

Risus, quicquid & almo est

Regno dulce Cupidinum.

En me, quem lacrymis, quem miseris modis

Sævus ludibrio longum habuit puer,

Spretor Divum, hominumque

En hæc luce beat Venus.

O signanda dies, non modo candida

Notâ de veteri more Cydonio;

Sed sacro celebranda

Nobis jugiter annuo!

Lux, quâ plena meis amplaque gaudia

Commuto lachrymis, quaque laboribus

Munus grande reporto,

O solatia suavia!

Fall'orne? an placidâ somnus imagine

Ludit me, ut miseris questibus obviet?

An hæc vera Megilla

Cujus detineor sum?

Hæc hæc vera mea est: nil modo fallimur
 Mi anceps animule, en sume cupita jam,
 Mellita oscula sume,
 Expectata diù bona.

ODE XXIII.

De Julia.

Q ualem scientem carminis, & lyræ
 Sappho sonantem molliter auræ,
 Expertem amorum, atque integellam
 Floris adhuc nimium caduci;
 Vocavit altis è penetralibus
 Pubentis agri conspicuus nitor,
 Herbæque, flosculique hiantes
 Flatibus egelidis Favoni:
 Mox dithyrambos Æoliæ impulit
 ut ud i ni committere spiritus
 Strepens per altas ilices, &
 Murmur aquæ propè defluentis:
 Qualemve doctam Calliopen modos,
 Cui Rex Deorum sistere tinnula
 Permisit amnes voce, flavæ
 Jupiter ob meritum parentis,
 Audivit olim libera cœlestium
 Jam jam fugatis mensa gigantibus
 Manum Tonantis, & Deorum
 Præsidium ad citharam canentem:
 Audivi eburno pollice Juliam
 Chordas moventem Threiciæ fidis,
 Et arte jucundos magistra
 Ad numerum strepitus citantem:
 Et ora vernis æmula floribus
 Solventem acutis vocibus in modum,
 Nervo que vocales decenter
 Carminibus fociantem Etruscis.

Cantusque presso gutture mobiles.
 Ducentem ad auras, per tremulas prius
 Flexasque, concisasque fauces,
 Murmure nunc tacito volutos;
 Nunc plena in aurem voce refractulos,
 Quibus nigranti cedit ab arbore
 In roscidis quicquid viretis
 Vere canit volucrum tepente.
 Ut ut canoros quæro iterum mædos,
 Ut ut mihi me surripuit melos;
 Nec mecum adhuc sum, adhuc hiulco
 Nescit abire animus labello:
 Nec n̄ sciat, vult mitti, adeo & bonâ, &
 Gratâ tenetur compede: jam mihi est
 Adempta libertas, nec haustu
 Elysæ reparanda Lethes.
 Si tale Siren stirps Acheloia
 Nautis canebat prætereuntibus;
 Nil miror averſas carinas
 Sponte cavas adiisse rupes.
 Nescis, tu Ulyſſeu, qui fugis illitis
 Cera Pelasgis remigis auribus
 Inter puellarum choros ram
 Dulce canentium, obire foelix.

PETRI CRINITI, ODE XXIV.

Ad Marullum, quod relictis Musis a Nævia detinetur.

PRidem relictâ Pallade,
 Amoris hausi poculum,
 Et me Cytheris militem
 Delegit in castris suis.
 Marulle, quid frustra mones
 Ut sacra Phœbi pro æquar,
 Et me Camœnis asseram?

O A.

Libet

Libet vocanti Cypridi
 Patere, dum calor riget :
 Et in virenti gramine
 Inter focos & Gratas
 Aurâ favente ludere :
 Nec in reductis vallibus
 Duros amores insequi,
 Tu carmen altum Principis,
 Vates beato pectore
 Absolve, dum Phœbus monet,
 Tu dedicatus Cynthio
 Docto, Marulle, carmine
 Tradas perennem posteris.
 Famam potentis ingeni.
 Mi sat calores mutuos
 Firmamque sacri pectoris
 Fidem probare Naviæ.

O D E XXV.

Nicolai Archii.

Dulces lacrymulae meæ puellæ,
 Quas desiderium pium movebat,
 Quæ vultus modò candidos rigabant
 Guttatim, & roseis genis fluebant,
 Ac si rivulus irrigaret unda
 Flores, purpureosque candidosque,
 Ac per mollia prata laboretur :
 Tam suavi in pluvia nitens Cupido
 Insidebat, uti solet volucris
 Ramo, vere novo, ad novos tepores
 Post solem accipere ætheris liquores,
 Gestire & pluviae ore blandiundo.
 Has inter lacrymas & hunc dolorem
 Quassabat geminas faces Cupido,
 Exire ut faceret novas favillas.

O D E

ODE XXVI.

Angeli Puella.

Puella delicatior
 Lepusculo, & cuniculo,
 Cœaque tela mollior:
 Anserculique plumula.

Puella qua lascivior
 Nec vernus est passerculus,
 Nec virginis blandæ sinu.
 Sciurus utque lusitans.

Puella longè dulcior
 Quam mel sit Hyblæ, aut saccarum,
 Cœu lac coactum candida
 Vel lilium, vel prima nix.

Puella cujus non comas
 Lyæus æquaret puer
 Non pastor ille Amphriscus
 Amore mercenarius:
 Comas decenter pendulas
 Utroque frontis margine,
 Nodis decenter aureis
 Nexas: decenter pinnulis
 Ludentium Cupidinum
 Subventilantibus vagas:
 Quas mille crispant annuli:
 Quas ros, odorque myrrheus
 Commendat, atque recreat.

Puella cujus duplices
 Sub fronte amica fulgurant:
 Amoris arcani faces:
 Quas contueri, non queo:
 Nec stare contra, vel procul,
 Quin occuper flamma gravi
 Miser miser, quæ mollibus

Purim medullis adfilit.

Non non ocellus hospites

Ille est, & ille, sed faces,

Faces amoris igneæ.

Quas læta suscitât Venus,

Quas blanda pascit Gratia.

Quid narium dulcem modum,

Vel quid genarum lævium

Dicam rosam cum lilio?

Labella quid coralliis

Rubore pœnitentia:

Jam sæpe tam longum mihi

Mordente pressa basio:

Quid margaritas dentium

Præcandidorum, proloquar?

Linguamque perplexabilem,

Utcunque juncto anhelitu

Amanti amantem copulans

Festinat ad calcem Venus:

Cum suave olentem spiritum

Semiulca fugunt oscula,

Lenocinante gaudio

Subinde murmurantia?

Mentumve quid tornatile;

Gulamque teretem & lacteam:

Et quæ lacertis millies

Ut arbor hedera incingitur,

Incincta cervix est meis?

Nam quæ tibi mamillula

Stant florida, & protuberant

Sororiantes primulum,

Ceu mala punica arduæ,

Quas cre toto presseram,

Manuque contrectaveram,

Quem non amore allexerint?

Cui non asilum immiserint?

Quam

Quem non furore incenderint !
 O qui lacerti, quæ manus ?
 Quos Juno, quas Aurora habet ;
 O quale pectus, & latus,
 O venter, ô crus, ô femur,
 O qui Therim decent pedes :
 Pedes choreis nobiles,
 Saltatibus mirabiles,
 Statu, gradu spectabiles,
 O verba jucundissima :
 Tam nequiter ludentia :
 Arguta, plena aculeis,
 Decore, suavitudine,
 Dicacitate, gratia.
 O carminum dulces notæ
 Quas ore pulchra melleo
 Fundis, lyraeque succinis,
 Ut non Thalia blandius,
 Non ipse Apollo doctius
 Feras canendo mulceant :
 Fluente vertant in caput
 Et saxa cum sylvis trahant.
 O cuncta falsa, & dulcia
 Festiva, læta, & mollia
 Referta amœnitatibus :
 Amoribus lubentia,
 Protervitate, lusibus,
 Risu, joco, leporibus.
 O quicquid est pulchrum & decet
 Puella sola continens.
 O præpotens cultu nimis,
 Nimisque non culta placens :
 Quis te Deus mihi invidet ?
 Quæ te mihi fors eripit ?
 Quo te repente prœcipis ?
 Quo, quo fugis bellissima,

Risus.

Risu serenans æthera?
 Heu mea voluptas; mel meum,
 Meum puella corculum,
 Mihique longe charior
 Auro, lapillis, purpura,
 Ac nec lapillis charior
 Auroque solum, & purpura;
 Sed spiritu mi charior,
 Sed charior mi sanguine.
 Memento tu tamen precor
 Memento formosissima
 Amoris: atque compedum.
 Quas à tenellis unguibus
 Mecum tibi circundedit:
 Heu lacrymis amantium: heu
 Suspiriis ridens Venus.

ODE XXVII.

*Jambicum Trimetrum de domo nuper a Mibilio emptæ
 in desertissimo urbis loco, qui ad Caballum
 dicitur.*

HÆres relictus à parente sordido
 Ille impudicus, temulentus, Alco;
 Spurcus, lutosus, pedicofus, hispidus,
 Pannofus, unctus, horridus, caprimulgus,
 Edax, ineptus, insolens Mabilus,
 Uno expatrativ patrimonium die
 Gulâ helluante - - -

*Quæ desideran-
 tur adeo obse-
 na sunt, ut
 salvo nequeant
 pudore dici.*

Mox cum super vix quindecim nummi forent,
 Rebus cavendi jam suis tempus ratus,
 Emit lacertis, & colubris hospitam
 Domum, rigentem senticeris, & rubis,
 Familiarem vulturi, & bubonibus.

In quâ solebat turba mendicantium
 Longis coactos esuritionibus
 Mandare terræ turgidi ventris cibos;
 Quâ contumaces Æolus ventos solet
 Punire clausos; quâ recuset Tantalus
 Siticulosam Ditis horridi Styga
 Mutare; & Ætnæ centiceps gigas onus.
 Nec vendere illam; nec locare si velit:
 Donare nec Mabilius cuiquam potest,
 Mutare dominum domus hæc nescit sum,
 Quantumlibet Mabilius sit prodigus,
 Quam nunc sit, esse non potest pauper magis:
 Fecit lucrum ingens, hanc emens Mabilius.

O D E XXVIII.
 IO. BAPT. AMALTHEI
 DAPHNIS.

BEate fons, ocelle fontium omnium,
 Qui picta multis prata floribus rigas;
 Tuoque suavem rivulo halitum accipis;
 Unde ipse odoratis quoque affluvis aquis:
 Has lachrymas sævi doloris nuntias
 Daphnis secundo amore tam Diis proximus,
 Nunc omnium miserrimus, libat tibi:
 Ut bella Erilla, dum caloræ languida
 Tuis refrigerat papillas undulis,
 Tuoque fessa conquiescit in sinu;
 Quem mi peperit, identidem luctum hauriat:
 Identidem illa, illa hauriat; seu lucido
 Fœvet liquore membra, sive candidas
 Manus, & aureas simul lavit comas.
 Sic dura forsân molliet præcordia;
 Roburque tandem pectoris flectet sui.
 Formosa Erilla, vosque muscosi specus,
 Et vos comantibus decoræ ramulis

Valete

Valet lauri; quæ meis laboribus
 Sæpe affuistis, & doloris conscia
 Impressa lævi signa fertis cortice.
 Vestris in umbris, vestro in amplexu miser
 Non amplius meos amores concinam:
 Nec sibilantium licebit arborum
 Captare frigus in tenaci gramine;
 Gregesve blandâ detinere fistulâ.
 Hunc ego diem hauriam supremo lumine;
 Hoc intuebor ultimum solis jubar.
 Jam jam emoritur animus mihi, & pallentia
 Jam jam ora diræ imago mortis occupat.
 Quare meo donate fletu, & lachrymis,
 Vale beate fons, ocelle fontium.

ODE XXIX.

Iolas.

Sic te perenni picta flore gramina,
 Et umbra densis explicata frondibus
 Levent beate pastor: ut nec horrida
 Hyems virentium arborum ledat comas,
 Nec prata lævis exuat coloribus:
 Prata illa regnis præferenda: quæ tibi
 Tantum quietis, otiiquæ suggerunt.
 Fœlix Iola, grata ruris commoda
 Semper tueris, seu colis scatentia
 Virera rivis, sive sub cavo spesu
 Proiectus, & curis solutus omnibus
 Canis, quod ipsa circum imago consonet,
 Et aëta reddant montium cacumina.
 Fœlix Iola, nunc tibi fons languidum
 Affert soporem blandiente murmure:
 Nunc dulci amore saucius tuos novis
 Incidis ignes populis: & stipite
 Crescente dulcior simul crescit calor.

Tecum

Tecum in reducta valle grex depascitur :
 Quantumque longis solibus carpunt oves,
 Brevi refurgit nocte. Tecum Vespere
 Surgente notis clauditur præsepibus :
 Astrisque jam cadentibus, cum pascua
 Lento madescunt rore, profilit pecus
 Molles ad herbas ; hic tibi tunc alitum
 Congratulantur cantus ; hic felicibus
 Aspirat auris obstrepens Favonius.
 At tu beate pastor, isto munere
 Diu fruire, nec nemus, nec florida
 Offendat arva frigus acre : sed tibi
 Aeterno aperti vere floreat agri.

JOHANNIS COTTÆ
 ODE XXX.

At Lycorim.

Amo, quod fateor, meam Lycorim,
 Ut pulchras juvenes amant puellas.
 Amat me mea, quod reor, Lycoris ;
 Ut bonæ juvenes amant puellæ.
 Huic ego, ut semel hanc videre visus
 Sese ostendere fixiore oculo,
 Quando inquam, mea lux, mei laboris
 Das mi præmiolum ! meique cordis
 Tot incendia mitigas Lycori !
 Hic illa erubuit simulque risit :
 Ridebat simul, & simul pudebat :
 Dumque molliculos colens amores,
 Colit virgineum simul pudorem,
 Quid negem tibi dixit ? & capillum,
 Qui pendens levibus vibratur auris,
 Et formosa vagus per ora iudit,

Hunc

Hunc secans trepida implicantque in auro,
 Hæc fila aurea, & aureum capillum
 Pignus, inquit, habe meique amoris,
 Meique ipsius: hoc tuum puellæ
 Tuæ pignore lenias calorem.
 Eheu quid facis! heî mihi Lycori
 Hæc sunt flammea texta non capilli:
 Sunt hæc ignea vineta, ni relaxes,
 Qui tanto valeam valere ab æstu,
 Anne ignem iuvat ignibus perire?
 Comæ flammeolæ subite flammæ:
 Grines igneoli venite in ignes:
 Sat me flammea vincla nexuistis:
 Nunc vos solvimini, & subite flammæ,
 Ussistis nimis ignei capilli,
 Nunc vos urimini, & valete in ignes.
 Hos meos age lætus ignis ignes
 Perge extinguere, tuque flamma flammam
 Exedas, mea morda quæ exedebat.
 At tu, sic reliqui tui capilli
 Vernent perpetuum tibi Lycori:
 Quod tuos ferus ussistem capillos,
 Parce: nam volo amare, non peruri.

ANDRÆ NAUGERII

ODE XXXI.

Ad Hyellam.

Q Uamvis te peream æque, Hyella, totam:
 Nec pars sit, mea lux, tui ulla, quæ me
 Sævo non penitus perurat igne.
 Fulgentes tamen illi, amabilesque,
 Illi syderibus pares ocelli
 Nostri maxima causa sunt furoris.

O chari

O chari nimis, ô benigni ocelli,
O dulci mihi melle dulciores;
Quando vos misero mihi licebit
Usque ad millia millies trecenta,
Aut ultra hæc etiam, suaviari?
Di concedite mi hoc misello amanti;
D. in nil grave perpeti recuso:
Quin etsi peream, lubens peribo.

ODE XXXII.

Pe. Gerardi Vaxis.

Quod te basio proterviore
Ostendi, mea lux, id omne telis
Ignitis tribues amoris: Hoc si
Ulcisci graviusque acerbiusque
Cupis suaviolum, mihi roganti
Rursus basia pangito labellis:
Nam quod surripui antea, repente
Totam pæne animam abstulit misello,
Quod si haurire iterum daretur oris
Rorem nectareum tui, perirem
Ipse funditis: annue hoc amanti
Ut totus peream, luamque morte
Præreptam tibi basiationem.

ODE XXXIII.

Responsio ad superiora.

Non quod basia læserint proterva,
Oris me cupidi, ut putas amanti
Irascor: quoniam labella nullo
Cum damno teneri queant pudoris
Jungi, jungere cur neget puella,
Duris durior ut fuit Sabinis?
Verum te cum ita suaviatione

P

Affici

Affici aspicerem, ut necis subires
 Diicrimen, dolui : tuæque prorsus
 Morti mors geminata nostra jamjam
 Foret, ni retrahens labella, vitam
 Mox tibi superesse comperissem.
 Ergo cur iterum suaviari
 Gestis? quódne parum prius patratum
 Sit nobis sceleris, nisi ampliore
 Id porro scelere expietur? an fors
 Ut quem seminetem modò querebar,
 Hunc ipsum labiis meis trucidem?

ODE XXXIV.

Alind.

A^Djunxi tua quod meis labellis
 Conatu temerario labella,
 Hæc nostro est tribuenda culpa amoris:
 Si multare cupis male immerentem,
 Rursus oribus ora, labra labris
 Compone; est etenim mihi hausta raptò
 Tanta ex basiolo prius voluptas,
 Omnis pæne anima ut foras abiret,
 Et me linqueret ægra mens amore:
 Daretur si iterum mihi ore anhelo
 Ista mellitula ora suaviari,
 Septa mens mea transiliret oris:
 Culpa hæc morte mea satih' luetur?

ODE XXXV.

Alind.

Q^Uod te, Lesbia, suavio procaci
 Commovi graviter, Deus subegit
 Lentis ignibus ustulans medullas:
 Hoc si plectere pœna acerbior

Vis,

Vix, rursus mihi labra cum labellis
 Compara : si quidem tibi quod ante
 Furtim surripui, favisque Hymetti,
 Omni nectare dulciusque, totam
 Heu! heu! pæne animam abstulit meam mi :
 Nunc si ducere tramite ex aperto
 Rursum florem animæ suaveolentem
 Liceret mihi, & ore semihulco
 Succos sugere melle dulciores,
 Optatâ mihi morte tunc perirem
 Funditûs, penitûsque : tunc amoris
 Igne percita mens mea evolaret :
 Excepta oscula morte fat luuntur.

ODE XXXVI. HONORATI FASCITELLI

In obitum Arfilii medici, & Poeta.

ERgo videmus lumine hoc spirabili
 Cassum jacere te quoque,
 Ut plebe quivis unus è vili jacet,
 Arfille magno Apollini,
 Novemque Musis chare? sive poculis
 Præsentibus morbi graves
 Essent levandi, sive dulci carmine
 Dicenda mater aurea
 Cupidinum, lususque furtorum leves:
 O vota nostra inania,
 Quid dura fati non potest necessitas?
 I, da lyram mihi puer,
 Manûque funde prioniore cæcubum :
 Nunc sunt Lyæi munera,
 Nunc plectra cordi, nunc juvat lectissimo
 Cinxisse flore tempora.
 Sicci, tenebris obsiti, tristi in Styge
 Fortasse cras filebimus.

ODE XXXVII.

JOSEPHI PARLISTANEI

Descriptio adventantis Senectutis.

JAm nec dulce mihi Venus
 Arridet gemini blanda Cupidinis
 Mater, nec repidi leves
 Aspirant animæ dulcè Favonii.
 Nec vernos aperit sinus
 Depicta omnigenis terra coloribus.
 Venas, viscera, sanguinem,
 Et rugis faciem contrahit aspera
 Ætas, nigræque tempora
 Spargit Threiciâ tristis hyems nive.
 At vis ignea languido
 Paulatim fugiens corpore deficit,
 Et flos aridus : unica
 Quod si tergemini gratia numinis,
 Præsens adsit & ætheris
 Quod si præniteat lux mihi candida,
 Flatus non ego Thracios,
 Nec tristem metuam nubibus Africam.
 Nec me dura necessitas
 Quicquam diminuet rebus in asperis.
 Inter mille pericula,
 Sed vivam Arfacida-principe firmior :
 Et cùm fila mihi legent
 Parcæ, quæ nequeunt parcere, nexibus,
 Hujus corporis exiens
 Vi am tunc hominum forte beator.

ODE XXXVIII.

HIERONYMI AMALTHEI

Ad Hermetem Stampam.

Valete aprica montium cacumina:

Valete opaca vallium cubilia:

Vestris Iolas it procul recessibus

Miselle Iola, non videbis amplius

Amata tauris prata mugientibus,

Olente caltha, olente picta amaraco.

Miselle Iola, non videbis amplius,

Dorso recumbens graminum virentium,

Depræliantes cornibus juvenculos.

Non tibi susurri fluminum sonantium,

Non sibilantes blandientur ilices,

Inire nec suadebit aura somnulos.

Abire certum est, & minaci in æquore

Irascere videre insanientis Africi,

Videre monstra per fretum natantia,

Et imminentis mille lethi imagines.

Amens Iola parce, parce conqueri.

Tibi sequendum, si Nili adiverit

Hermes latentis ultimas origines,

Inhospitalis si fax Caucasii.

Quare valete montium cacumina:

Valete opaca vallium cubilia.

ODE XXXIX.

Ad Maximilianum, tunc Boemia Regem, nunc Imperatorem.

O Quæ, rotata vestra volabili
Ustis ab Indis ad gelidos Scythas,

Nunc blandienti, nunc minaci

Cuncta supercilio coercēs :

Ne me per altos divitis Antiū

Regina montes; ne per inhospitas

Me coge valles fabulosam

Hinc Panacem legere, hinc Cyperum :

Ut in alubri qui lue tabuit,

Formidolosæ vim fugiat necis,

Audente me leges Deorum

Pæonio violare succo.

O mentis expers Iapeti genus;

Mutanda nullo est consilio dies,

Quam fata nobis dormiendam.

Perpetuo statuere somno.

Fallacis ergo Pæonis ars vale :

Oblivioso fat mea torpuit

Fides veterno : nunc canoros

Tange Erato numerosa nervos.

Lorgūmque rumpens voce silentium,

Nulli secundum concine Principem;

Seu malit armis, seu sagaci

Consilio superare malit :

Quem nunc anhelo pectore Norici

Lugent morantem finibus exteris;

Quem mille votis septicornem

Vendelici revocant ad Istrum.

O solve Ibero carbasa fittore;

Et luctuosas, maxime Principum,

Solare gentes; & paternos

Exhilara reditu penates.

Qualis reducens post tenebras diem,

Sol nigriorem discutit aera;

Regnumque Junonis serenat,

Nubibus exiliens fugatis :

Talis revertens cardine ab Hespero

Subjecta septem regna Trionibus

Caliginosâ nocte solves
 Major avis, ara isque major.
 Tu bellicosas frangere fraxinos;
 Tu doctus enseni flectere Noricum.
 Urbes subacta, jusque avitum
 Eripies Asiæ tyranno.
 Tu rursus urbis Martia Romulæ
 Vexilla tolles, subjiciens tibi
 Sol quicquid ambit, quicquid urnis
 Uberibus lavit Amphitrite.
 Qued si superstes muneribus fruar
 Vitalis auræ, me fide Lesbia
 Juvabit & prædas, & hostes
 Dicere compedibus revinctos.
 Te rege latus dum Capitolio
 Parebit orbis, dulci ego pectine
 Mollés in amplexus euntem
 Nereidum Tiberim reflectam.
 Sic saxa quondam Threicium ferunt
 Sequuta vatem, dum per inhospitas
 Rupes, ademptam dum per imas
 Quæreret Eurydicen latebras.
 Qui postquam Averni constitit, ad fores;
 Et cor ahenum leniit Æaci;
 Flexitque suspensis bibentes
 Auribus Eumenides querelam;
 Heu legis amens immemor, & sui;
 Effudit altas frustra iterum preces,
 Frustrâ revertentem puellam
 Ad tenebras iterum secutus
 Quam mox nivali flevit in Ismaro;
 Flevit sub Æmi cautibus horridis;
 Seu ferret attras vesper umbras,
 Sive diem veniens Eous.
 At tum occupavit plêctra silentium,
 Insanientium cum Ciconum furor.

Sparsit cruenti membra vatis
 Stipitibus lacerata quernis.
 Cum lingua sacris faucibus eruta,
 Futura mergis esca oracibus,
 Ter visa flecti; ter sub Hebro
 Ah miseram Eurydicen vocavit.
 Sed siste inanem barbite nāniam:
 Nunc in beatis Thracius insulis
 Exultat heros, & repertæ
 Conjugis in gremio recumbit.
 Quin Martialem dic potius ducem
 Illustriori carmine; quem legat
 Ætas nepotum, donec Atlas
 Orbis onus grave sustinebit.

ANGELI

ANGELI POLITIANI

SYLVA cui titulus RUSTICUS,

In Poetae Hesiodi Virgilique Georgicon enarratione pronuntiata.

Ruris opes saturi, gravoq; agitanda colono
 Munera, & omniferæ sacrum telluris honorem;
 Ludere septenâ gestit mea fistula cannâ;
 Fistula, Mantoæ quam nuper margine ripæ
 Ipse renidenti dum dat mihi Tityrus ore
 Hæc, puer, Ascræum repete, inquit, arundine carmen,
 Pan ades, & curvi mecum sub fornice saxi
 Versibus indulge; medio dum Phœbus in axe est,
 Dum gemit ereptâ viduatus compare Turtur,
 Dum sua torquati recinunt dictata palumbes.
 Hic resonat blando tibi pinus amata susurro;
 Hic vaga coniferis inibilat aura cupressis;
 Hic scatebris alit, & bullantibus incita venis.
 Pura coloratos interstrepit unda lapillos;
 Hic tua vicinis ludit lasciva sub umbris,
 Jamdudum nostri captatrix carminis, Echo.
 Fœlix ille animi, Divisq; simillimus ipsis,
 Quem non mendaci resplendens gloria fucō
 Sollicitat, non fastosi mala gaudia luxûs:
 Sed tantos finit ire dies, & paupere cultu
 Exigit innotuæ tranquilla silentia vitæ:
 Urbe procul, voti exiguus, sortemque benignus
 Ipse suam fovet, ac modico contentus acervo,
 Non spes corde avidas, non curam pascit inanem;
 Securus quò sceptrâ cadant, cui dira minentur
 Astra, & sanguinei jubar exitiale cometa,

Non

Non illum fragilis favor, indocilisque potenti
 Plebs fervare fidem, cunctum popularibus auris
 Casuro imponit solio; nec ducit hiantem
 Huc illuc vanos ostentans purpura fasces.
 Non mentem pavet ipse suam, nec conscius omnes
 Exhorret strepitus; nec edaci pectora culpā
 Carpitur occultē; non opportunus iniqui
 Iudicio vulgi, aut celsa conspectus in arce
 Degeneri patet invidiæ; non ipse vicissim
 Obliquo livore macet, foetusque veneno
 Æstuat, atque aliena oculis bona limat acutis.
 Rure agit in vacuo, spatiisque indulget aperti
 Ætheris, aut operi insudans, aut ille supinos
 Evadens cursu in montes: Hinc scilicet omnes
 Gratæ epulæ, nudis Acheloum in pocula palmis
 Advocat, excussæque cibos dant brachia sylvæ;
 Et fessa in duro renovantur membra cubili;
 Major quippe venit comitata labore voluptas,
 Nec satias dominam, aut fastidia lenta sequuntur.
 Ergo neque imbrifero pallens Autumnus hiatu,
 Nec malus hunc afflat rabioso Sirius astro,
 Sævaque Riphææ labefactant frigora bruniæ.
 Quippe hyemem excipere, & ventos, coelique ruinam
 Suetum, atque ostipedem, nec opaco vertice, cancrum;
 Et Jove sub gelido nocturnos carpere somnos;
 Et pede concretas nudo calcare pruinas;
 Et perferre sitim, & jejunia solvere glande;
 Et lassare feras cursu, & superare natatu
 Torrentem, & volucris fossam transmittere saltu;
 Et quercum annosam ferro obturbare bipenni:
 Tum prædam extorquere lupo, fascique maligno
 Subjecisse humeros, & iniqui pondera rastro
 Prædurâ tractare manu, & domitore lacerto
 Sub iuga cornigeri colla obluētantia tauri
 Ducere, & iratis concurrere cominus ursis.
 Hinc agilis subit ora vigor, robustaque magno

Pectore vis habitat, fortesque animosa tuentur
 Membra tori, & crudo tendunt se robore nervi;
 Hinc facies procera, hinc fronti Martius horror.
 Quod si bella vocent, quis ad apera promptior arma?
 Aut quis equum sternacem arctis fregisse lupatis
 Acrior? aut fortem mucrone haurire cruorem?
 Aut torquere sudem? aut nervo exturbare sagittam?
 Aut præpilatis aciem perrumpere contis?
 Quis certet duro agricolæ? seu ducere vallum,
 Seu sit opus celso præcingier aggere castra;
 Seu fronte adversâ tormentum figere ahenum,
 Quod tonitru horrifico magnas sternentia turres
 Ardua fulmineo jaculetur saxa rotatu:
 Seu vigil infomnem peragat custodia noctem;
 Seu tacitum rapiatur iter; seu parcere parto
 Conveniat, si fors lentâ obsidione premantur.
 Scilicet his Babylon dextris, Nabathæaque regna
 Creverunt: hic Mopsopio delectus ab arvo
 Miles Achæmenium Marathonis in æquore Persen
 Contudit; his adjuta viris se Romula tellus
 Imposuit mundo, & rerum tractavit habenas.

Nunc age, quæ studia agricolis industria solers
 Extudit, atque operam quanta experientia dicam.
 Protinus extremo cum jam Boreas autumno
 Incubuit terris; primo cum frigore tactæ
 Labuntur frondes, maternaque brachia linquant,
 Nec cariem casæ formidant robora sylvæ:
 Ecce sagax tacitam venientis rusticus anni
 Curam corde coquit, quâ bubus ab arbore plaustrum
 Dedolet, unde juga, & curvum fabricetur aratrum.
 Nec mora, quin veteris truncata cacumina fagi,
 Chaoniæque cadant quercus, nudataque ramos
 Ulmus, & audaci laurus sonet icta securi.
 Quarum quæque novam fumo explorata calenti
 Vertitur in faciem, diversaque munia tractant.
 Continuo, auditus gruis inter nubila clangor

Agrico;

Agricolam citat, & cristâ spectabilis altâ
 Auroram gallus vocat applaudentibus alis.
 Excitat ille operum socios, simul horrida cautus
 Terga rudi contone foveat, capitique galerum
 Induit, crudusque operit vestigia pero:
 Hinc saturos jungens loris ad aratra juvencos
 Increpitar stimulo, & cantu minuente laborem
 Prælongis ferrata terit dentalia sulcis;
 Ac latè elicibus collectos exprimit imbres:
 Jejunamque fimo tellurem, & rudere pascit.
 Tum plenum farris, lavâ servante, canistrum
 Semina dispensat parcâ cerealia dextrâ:
 Quæ, ne jacta avidæ populentur grana volucres,
 Et prædam sublime ferant; ita ponè minutus
 Sarcula parva tenens puer, & frugem obruit arvo.
 At cum se Eois jam vesperrinus ab undis
 Extulit Arcturus, cum versicoloribus ardet
 Terra comis, rutilosque interviret herba colores;
 Daulias, & Getici tandem secura mariti
 Ales adest, plausuque larem cantuque salutat.
 Rursum invadit opus, stivæque innixus, adunco
 Ponè nigrescentes proscindit dente novales,
 Quas rapidi soles urant, gelidæque pruina.
 Mox ubi jam sapiens cœpit frondescere morus;
 (Antè quidem sapiens, nunc ambitiosa, nec ullum
 Quæ pariat pomum, sed serica pensa ministrat)
 Ille aliam atque aliam culturam dulcis agelli
 Pertentans, truncos plantariaque infodit arvo;
 Nec pictas lugubre fabas, nec pabula parcit
 Vervastò mandare patri; glebasque bicorni
 Persequitur ferro, & secat insuperabile gramen;
 Et montem cædit scrobibus, fortique bidente
 Terga soli frangit; Bacchæaque semina rectum
 Explicat in quincuncem, & disserit ordine longo;
 Atque iterum, atque iterum terrâ capita ima frequentat,
 Et ramos rondet falce, atque impune fluentem

Compescit vitem fingens, & robore fulcit
 Deciduum, caræque hærentem in pectore matris
 Acclinat sobolem sulco, juxtaque pro agat:
 Aut ipso durus genitricis ab ubere flentis
 Abcissam rapit, atque aliò traducit alendam.
 Quid dicam? externis cum se vernacula succis
 Robora nobilitant, peregrinaque semina duci
 Accipiunt trunci, aut discreto germina libro.
 Namque oculis oculos, non blandi tempora veris
 Jungere, sed mediis gaudet fervoribus æstas,
 Æstas, congestos Cereris tritura maniplos;
 Æstas, abscontum filiquâ excussura legumen;
 Æstas, quâ grandes expectant horrea messes,
 Dum coacervatas eventilet area fruges,
 Quæ Tyros & Babylon radio pinxere sonanti:
 At jacet in molli projectus cespite membra;
 Quâ cavus exesam pumex testudinat antrum,
 Quave susurranti crinem dat aquatica vento
 Arbor, & aut calamos, aut fixa hastilia jungit
 Cortice, statque levi casa frondea nixa tigillo;
 Quam metuant intrare pavor, curæque sequaces,
 Sub qua jucundos tranquillo pectore sensus
 Nutrit, inabruptoque fovet sua corpora somno,
 Sylvarum & pecoris dominus. Stant sedula circum
 Turba canes, audaxque Lacon, acerque molossus.
 Dant ignem extritum filices; dant flumina nectar
 Hausta manu; dat ager Cererem: non caseus, aut lac
 Lucorumve dapes absunt; stat rapibus ilex
 Mella ferens trunco, plenoque cacumine glandem.
 Illi sunt animo rupes, frondosæque tæta,
 Et specus, & gelidi fontes, & roscida Tempe,
 Vallesque, Zephyrique, & carmina densa volucrum,
 Et Nymphæ, & Fauni, & capripedes Satyrisci,
 Panque rubens, & fronte cupressiferâ Sylvanus,
 Silemque tenes, subdivalesque Ichthyphalli,
 Et montana Pales, & quo pastore Pheræi

Q

Gaudebant

Gaudebant campi, & crinem resoluta Mimallon;
 Et qui cornigera bicolores fronte corymbos:
 Pampineamque manu tenera quatit Evius hastam:
 Semper amor, semper cantus & fistula cordi est,
 Semper odorati, Venerisque stipendia, flores,
 Vitarumque altrix, urbi malè nota, voluptas:
 Talibus in studiis pastor molle exigit ævum.

Post ubi raucifonæ, pinna vibrante, cicadæ
 Increpuère, ardensque metentibus ingruit æstus,
 Paulisper tum cessat opus, saxique sub umbra
 Prostrati indulgent genio: non mollia pleno
 Desunt vina cado, non lacti mixta polenta,
 Aut pinguis tergum vitulæ, placidasque sonoræ
 Lapsus aquæ, crinemque auræ, frontemque laceffunt.
 Inde opus integrant, donec sub nocte corascent
 Flammigero parvæ stellantes clune volucres.
 Ecce autem dulces labris pater ingerit uvas
 Autumnus, crebræque elisus verbere plantæ,
 It per præla latex, puerique examine denso
 Exultant lasciva cohors, circumque, supràque.
 Ille manu panda pronus bibit; alter ab ipso
 Sugit musta lacu crepitantibus hausta labellis:
 Hic sua suspensum resupinus in ora racemum
 Exprimit; hic focii patulos irrorat hiatus,
 Irriguumque mero sordet mentumque sinusque,
 Ebriaque incertis titubant vestigia plantis.

Postquam acris successit hyems, & pendula testis
 Dirigit glacies; larga strue tollitur altè,
 Collucetque focus: coeunt vicinia simplex
 Unà omnes, juvenesque probi, materque severa
 Coniuge cum duro, & pueris, & virgine grandi,
 Convigilantque hilares, & primæ tempora noctis
 Decerpunt, molli curas abigente Lyæo.
 Mutuaque inter se ludunt; tum tibia folle
 Lascivum sonat inflato, tum carmina cantant;
 Carmina certatim cantant; tum tenta recusso
 Tympana supplodunt baculo, & cava cymbala pulsant,

Et

Et læti saltant, & tundunt æribus æra,
 Et grave conspirat cornu tuba flexilis unco,
 Conclavantque altum unanimes, tolluntque cachinnos.
 Porro autem, quanta est differtæ copïa villæ?
 Quamque penu dives! neque enim vel frugibus hornis.
 Horrea sufficiunt, vel odoro dolia musto;
 Testaque Palladis iam non vacat ulla trapedis.
 Terga suis pendent fumoso sordida tigno,
 Pertica pensilibus oneratur longa racemis,
 Non uvæ arentes, non pruna, & carica defunt;
 Sorbaque cum cerasis, duroque putamine clausa
 Persica nux, regumque altas imitata coronas
 Mespila, cumque pyris miserorum munus amantum.
 Jam laxum in rugas malum, decoctaque ahenis
 Defruta, & omphacinus liquor, & lachrymosa sinapis,
 Et meditata novas Sicyonia bacca sapores.
 Tum sapa melque recens, edulcatique lupini,
 Et prunæ increpitans balanus, contextaque cannis
 Fiscina lacte madens, & durari sale fungi.
 Annonam facilem vicinus suggerit hortus;
 Murmur apricantes nivea dant turre columbi,
 Expandunt alas, & amicam blanda rogantes
 Oscula circumeunt, insertantque oribus ora:
 Jam vicibus nido incubitant, genitrixque paterque,
 Jamque ova excludunt, natisque implumibus escam.
 Commansam alternant, rostellaque hiantia complent.
 Adde gregem chortis, cristatarumque volucrum
 Induperatores, laterum qui sydera pulsa
 Explaudunt, vigilique citant Titana canore;
 Et regnum sibi Marte parant; quippe obvia rostris.
 Rostra ferunt, crebrisque acuunt assultibus iras,
 Ignescunt animis, & calcem calce repulsant
 Insesto, adversumque affligunt pectore pectus.
 Victor ovis cantu palmam testatur, & hosti.
 Insultans victo, pavidum pede calcatur iniquo:
 Ille filer, latebrasque petit, dominumque superbum.

Ferre gemit; comes it merito plebs cætera regi,
 Formoso regi; cui vertice purpurat alto
 Fastigatus apex, dulcique errore coruscæ
 Splendescunt cervice jubæ; perque aurea colla,
 Perque humeros it pulcher honos; palea ampla decenter
 Albicat ex rutilo, atque torosa in pectora pendet
 Barbaricum in morem; stat aduncâ cuspide rostrum,
 Exiguum spacii rostrum, flagrantque tremulum
 Ravi oculi, niveasque caput late explicat aures:
 Crura pilis hirsuta rigent, juncturaque nodo
 Vix distante sedet: durus vestigia mucro
 Armat; in immensum pinnaeque hirtique lacerti
 Protenti excurrunt, duplicique horrentia vallo
 Falcatae ad cœlum tolluntur acumina caudæ.
 Ipse salax totam fœcundo semine gentem
 Implet; & oblongo nunc terram scalpurit ungui,
 Rimaturque cibos; nunc edita nubila visu
 Explorat cauto: non illum squamea tuto
 Aggreditur serpens, non raptor ab æthere milvus.
 Vocibus interea crebrum singultat acutis
 Parturiens conjux; quæ scilicet ova subinde
 Tollit anus, signatque dies, vigilemque luccernam
 Consulit, & lunæ crescentis tempora servans,
 Ut primum gallina glocit numero impare subdit:
 Versatisque diu, solers auscultat, an intus
 Pipiat involucer pullus, tenerumque putamen
 Pertuderit molli rostro, atque erumpere tentet.
 Parte aliâ bisero p'umo am corpore messem
 Nutrit, & in crassa satur urinare lacuna
 Anser avet, stagnumque super pede remigat udo
 Depictæ cervicis anas, prolemque natatum
 Invitans, nunc extat aquis, nunc mergitur altè.
 Erigit explicitæ gemmata volumina caudæ
 Ambitiosus amans: at ficu & polline gliscit
 Pellaci cantu deceptus ab aucupe turdus.
 Infidit mutilo turtur, seseque saginans

Rauca gemit, dulcesque miser suspirat amores;
 Flet viduus perdis; queritur peregrina coturnix
 Inclusi caveis: hic cæca cuniculos antra
 Excavat; hic septo prægnans lepus errat in amplo,
 Capreolique hinalique & aduncis dentibus apri:
 Hic stertunt glires; hic foemina foetat echinus;
 Dædala somniferos peragunt examina bombos;
 Plenaque captivos servant vivaria pisces.
 Scilicet his opibus placidè sua corpora curant;
 Dulciaque inter se læti tellure magistrâ
 Officia exercent; ut quæ neque ferre recuset
 Imperium, neque non grandi mercede rependat,
 Siqua laborifero debentur farra colono.
 Ille autem & volucris petit ardua sidera mente;
 Scrutaturque sagax, quæ sit sententia divum:
 Quid quæque emergens, latitante, oriente, cadente
 Stella parat; quid quadruplici celer afferat annus
 Cardine; quæ sulcis; quæ sint stata tempora messi;
 Quidque pecus vehat Olenium; quâ grandine colles
 Trux Nepa dilapidet; quo turbine surgat Orion;
 Quos glomerent imbres, aut pressus Arione delphos,
 Aut Pleas, Arcturusque senex, Hyadesque puellæ,
 Unde bibant herbæ divini pocula lactis;
 Cur rubigo satis, uredoque vitibus obfit.
 Tum sola pulverei pinguescunt arida campi,
 Solvunturque putres glebæ, ac peritura lupini
 Germina parturiunt; tum clivo rauca sonantes
 Eliciunt aquæ, præcepisque recumbit agros fons.
 Post ubi jam medio vestigia librat in axe
 Ensiser Orion, croceoque insignis amictu
 Aspicit Arcturum pulsâ Pallantias umbrâ,
 Sentibus horzentes aperit jam vinea sepes;
 Aureolamque metit lentis de vitibus uvam
 Vinitor, & foetos rubicundo nectare fructus,
 Quos conjux, quos virgo comes, par vertice matris
 Aut cistâ exportant, aut rasilibus calathiscis.

Nec sentitur onus studio; levat ipsa laborem
 Sedulitas, quin frugiferos curvantia ramos
 Poma sinu, baccasque ferunt, ficumque nucemque:
 Nec nihil addit hyems: nigros tum laurea fœtus
 Exuitur, tum myrta legunt, g'andemque caducam;
 Glaucaque Palladiæ distringunt brachia sylvæ.
 Nocte autem ad lychnos, aut junco texit acuto
 Fiscellam, aut crates virgis, aut vimine qualos
 Rusticus, infunditque faces, & robora valli;
 Dolia quassa novat, ferramentisque repellit
 Scabritiem, tritæque docet splendescere cote.
 Nam quid delicias memorem? quâunque alta labori
 Otia succedant: jam primum oblecta pruinis
 Cum juga floriferi regelaverit aura Favoni,
 Suave serenato rident vaga sydera cœlo;
 Suave ciet tardos per sudum luna juvenco,
 Ipsa quoque ætherii melius nitet orbita fratris,
 Terque quaterque manu madidantes nectare cines
 Exprimit, & glebas fœcundis roribus implet,
 Vecta Medusæo Tithonia præpete conjux.
 Alma novum tellus vultu nitidissima germen
 Fundit, & omnigenis ornat sua tempora gemmis.
 Idalio pudibunda sinus rose sanguine tingit;
 Nigraque non uno viola est contenta colore;
 Albet enim, rubet, & pallorem ducit amantum:
 Ut sunt orta, cadunt, nive candidiora ligustra:
 Nec longum durant calathos imitata parentis
 Lilia, sed longum stant purpurei Amaranthi.
 Hic Salaminia scribunt sua nomina flores,
 Hic gratum Cereri, plenumque sopore papaver
 Oscitat, hic inhiat sibi met Narcissus: at illic
 Corycios alit aura crocos, notumque theatris
 Aera per tenerum flata dispergit odorem.
 Nec jam flammeolæ connivent lumina calthæ,
 Nec melilotos abest: Tyrium seges illa ruborem
 Induit; hic vivo cespes se jactat in auro;
 Hæ niveos, hæ cyaneos superare lapillos

Con-

Contendunt herbæ, vernantque micantia latè
 Gramina per tumulos, perque umbriferas convalles,
 Perque amnis taciti ripas, atque omnia rident,
 Omnia luxuriant, & amicâ luce coruscant.
 Parturiunt stipulæ frugem, & genitalibus auris
 Pervia, turgescunt lactentibus hordea culmis.
 Palmes agit rupto lachrymantes cortice gemmas;
 Seque rudes primis monstrant in vitibus uvæ.
 Dulce virent teneræ modo nata caumina sylvæ;
 Succrescuntque piæ pullorum examina matri.
 Ipsa sibi ignotas miratur adultera frondes
 Arbor, & ascitis nativas inserit umbras.
 Auricomæ, j. bare exorto de nubibus adsunt
 Horæ, quæ cœli portas atque atria servant:
 Quas, Jove pleni Themis, nitido pulcherrima partu
 Edidit; Ireneque, Diceque, & mixta parenti
 Eunomie, carpuntque recentes pollice foetus.
 Quas inter Stygio remeans Proserpina regno
 Comprior ad matrem properat: comes alma foror
 It Venus, & Venerem parvi comitantur Amores,
 Floraque lascivo parat oscula grata marito.
 In mediis resoluta comas, nudata papillas
 Ludit, & alterno terram pede Gratia pulsât.
 Uda choros agitât Nais, decurrit Oreas
 Monte suo, linquunt faciles juga celsa Napœæ.
 Nec latitat sub fronde Dryas, non júbila Faunî
 Fundere, non junctis Satyri dare sibila cannis,
 Nec querulæ cessant tenerum tinnire volucres.
 Fluctibus Alcyone, densâ Philonela sub umbrâ,
 Canus olor ripis, tectis vaga plorat hirundo;
 Lene susurrat apis, plenoque saporibus alveo
 Candida multiforâ solidat fundamina ceræ.
 Colladunt per præta greges, atque omne beato
 Flagrat amore nemus: juvenem lasciva maritum
 Fert equa, fert tergo salientem bucula taurum;
 Scrigeraque subant matres; decertat amator

Fronte aries; avidos olidum pecus accipit hircos:
 Spectant innisi baculis gaudentque magistri.
 Iade ubi pręgnantes partu Lucina recenti
 Solvit, ut exæquet numero fœtura parentes;
 Ipse rudem, nec adhuc vestigia certa prementem
 Fert sobolem gremio; sed ovem gracilemque capellam;
 Eniãas humero subit, atque in stramine molli
 Componit sensim pastor, stabuloque recondit.
 Mox ut convaluere, rubos hæc rupibus altis,
 Illa recens campo gramen decerpit aprico;
 Aut dulces gelido delibant amne liquores,
 Ut sua conclusis ne desint pocula natis.
 Utque fluat plenis dives mulsura papillis,
 Subrami expectant hædique, agnique petulci,
 Corrigerasque vocant tremulo clamore parentes.
 Bruta gregem plenum densis alit uberibus sus.
 Exporrecta solo, & grunnitu allecat amico
 Fellantes, turpique luto se immunda volutat:
 Radices eadem calloso avidissima rostro
 Eruit; & bulbum, aut madidã se pulte saginat.
 Flet vitulum mœsta absentem mugitibus altis
 Mater, & immensam raucis miseranda querelis
 Sylvam implet; boas omne nẽmus, vallesque, lacusque;
 Illa nigros late lucos, saltusque peragrat
 Crebra gemens, crebra ad montem, stabulumque revisit.
 Tabescens desiderio: non ulla dolorem
 Pabula, nec salicum frondes, nec gramina rore
 Sparsa levant; non quæ viridi vaga flumina ripã
 Perspicuam tenui deducant murmure lympham.
 Prata tener persultat equus, libatque volucris
 Equora summa fugã; aut alti subit aspera montis
 In juga, saxosumque amnem pede pulsar inermi;
 Cui pulchro micat acre caput, luduntque decoræ
 Fronte comæ; vibrant aures, atque orbe nigranti
 Pręgrandes extant oculi: tum spiritus amplis
 Naribus it fervens, stat cervix ardua, qualem
 Præferi marmaricis metuenda leonibus ales:

Ales.

Ales, quæ vigili lucem vocat ore morantem;
 Crescunt spissa toris, latæque animosa patefcunt
 Pectora, consurguntque humeri, & jam sessile tergum est:
 Spiraque depressos gemino subit ordine lumbos,
 Et castigatum cohibent crassa ilia ventrem:
 Fundunt se læte clunes, subcrispaque densis
 Cauda riget setis, & luxuriantia crebræ
 Velant colla jubæ ac dextrâ cervice vagantur:
 Tum tereti substricta genu, mollissima flectit
 Crura ferox, celsum ingrediens, fremituque superbit,
 Grande sonat tornata cavo brevis ungula cornu,
 Ingenti referens Corybantia cymbala pulsu.

O dulces pastoris opes! O quanta beatum
 Quam tenet hunc tranquilla quies! ut pectore toto
 Lætitiâ, totâque fovet bona gaudia mente!
 Nempe odii fraudumque expers, exemptus inani
 Ambitione, vacanque metu spe liber, & insons:
 Nativo cultu, & gaza prædives agresti,
 Ipse sibi vivit nullo sub teste, suoque
 Pendet ab arbitrio, suus ipse est censor, & alto
 Calcat opes animo, ac regum deridet honores.
 Si non Tanariis illi stant sulca columnis
 Robora, cælaturumque alte laquearia subter
 Ridet ebur, postemve filex Asaroticus ornat,
 Nec Maurusiacos pulchræ testudinis orbes
 Delphica sustentat, nec docto trita Myroni
 Pocula multiplici florent radiantia gemma:
 Aut bis in Herculeâ Milesia vâllera concha
 Versantur, tenuique satur lanugine bombyx
 Luteolus folles, pretiosaque fila relinquit:
 Textile nec tenero sub tegmine fulgurat aurum,
 Spirantes referens vultus, quæ Pergamos olim
 Artifici descripsit acu, quæ stamina Memphis,
 Quid nebulas abigar, tempestatesque repellat:
 Quod vento ingenium, quæ nubes causa serenet:
 Quidque silens moneat, quidque inter menstrua Phœbe,
 Vel cum plena meat, vel cum decrefcere rursus

In-

Incipit: ille etiam numeros, legesque dierum
 Providus observat; scit enim quid septima portet
 In quâ nascentem excepit bona Delia fratrem.
 Scit quoque post decimam quid prima, quid altera luces:
 Injungant operum; quocirca aut vellera lanæ;
 Demerit, aut gravido maturas mergite aristas;
 Aut telam locat uxoris; nam pendula in ortu
 Posteriore suos etiam ret aranea casses.
 Quæ sequitur bonæ virgultis, inimica ferendis
 Frugibus; ergo cavet, quod obest; quodq; expedit, urget;
 Novit enim quota connubiis, quota partibus obftet,
 Aspiretve dies, quota pinguem emasculet hœdum,
 Septaque circumdet pecori, quota jungat amantes,
 Et clandestinos jubeat miscere susurros:
 Quâ porat canis hirritum, malesuadaq; pectus
 Cura nimis laceret; quâ tristis oberret Erinnyes.
 Nocte magis; secat ille suo sibi tempore lignum;
 Dolia degustat; subigit juga ferre juvencum.
 De flabris quoque, de pluvîâ, dulcique sereno,
 Aut lunæ occasus, aut idem consulit ortus.
 Tractat opus, si pura micet; sin atra recedat,
 Aut quinto directâ die, aut medio orbe retusa,
 Nec gracili cornu, aut triplici sit culta coronâ;
 Tecta subit metuens hyemes, si rubra coruscet;
 Tum verò expectat ventos, nec fallit eundem
 Quo Boream cornu, quo Cynthia provocet Austrum;
 Consulit & Phœbi flammâs, an grandinis augur
 Ialleat; an radiis monstret discordibus imbrem;
 An præ se exorients nubes agat; an niger orbem
 Circulus extremum claudens, quâ rumpitur, acres
 Carceris Æolii moneat consurgere flatus:
 Adnotat & cœli faciem; num stella sereno
 Æthere lapsa cadat, rapidi prænumcia Cauri;
 Conscia num subitâ semet caligine obumbrant
 Astra, trahantque hyemem; gemino Thaumantias arcu:
 Quid ferat, aut curto cum vix secat æra gyro,

Et penè unicolor taurinâ fronte minatur.
 Nunc prætepe oculis, nunc Bacchi fectat aëllas,
 Quique Noton cernit, quique est obversus ad Arcton,
 Fulgores, tonitrus, inperfaque vellera cœlo,
 Brumalemque diem, & totum semel aspicit annum.
 Nec non & nautis ruiturum in carbasa nimbum
 Augurat, undisonum si fors mare surrigit Ægon,
 Canaque conspergit sale saxa, & littora frangit.
 Tunc & tristifico reboant montana fragore,
 Et repetunt sicca n mergi, atque ex æquore clauant.
 Ipsa volans sublimè auras, æthramque lacessit
 Ardea, colludunt fulicæ, plauduntque gregatæ.
 At lasciva lacus alis perstrigunt hirundo,
 Et summas prope radit aquas, ranæque coaxant.
 Fusca gradu cornix lento metitur arenas,
 Aut flavium capite, & madidâ cervicē recepat,
 Crocituque gravi pluviam increpat usque morantem.
 Clangunt Naupliadæ volucres, & pervia pinnis
 Nubila conscribunt; incertus in æquore delphin
 Diffat aquas; larrant corvi, vocemque resorbent.
 Progerit ova cavis patiens formica laborum:
 Blanda canis terram pedibus scabit: ore lapillos
 Tardigradus prendit cancer, seseque saburrat,
 Atque hæret ripæ: densum occinit improbulus mus,
 Straminaque exculcat: quin centipedes scolopendræ
 Parietibus reptant: aures pigra motat asella.
 Dependent bullæ lychno; sitiensque cruoris
 Musca redit, summosque proboscide mordicat artus:
 Nec longè à tectis apis ingeniosa recedit.
 Prunaque concretusque imâ cinis hæret in olla;
 Carboque perlucet; neque non prænunciat Euros
 Pluma natans, foliumve errans, pappique volantes:
 Flammaque cum flectit, cum sese elidit, & ipsis
 Vix sedet in stuppis, scintillamque excutit vdam.
 Vos quoque pastores ventos horretis, & imbres,
 Cum temerè excursans pecus ampla in pascua fertur;

Cumque

Nos veterum facta haud segnes repetamus avorum
 Fortia, & ad priscum curam hanc vertamus honorem;
 Quà fortuna finit, quantum est concessa facultas.
 Sitque prior, quem non metus, & gravis ira deorum
 Terruit, Abyssa non monstra immania terræ;
 Quin factò egregio infernis se traderet aris.
 Nam siue infernis Capitoli, arcisque Lycæ
 Præsidibus superis, clausi seu turbinis æstu
 Mota loco tellus spatii discrimine vasto
 Abstiterat, medioque foro patèfacta vorago
 Abrupta in præceps, immensa orisque profundi
 Summotas referans fauces (trepidabile visu)
 Tartaream ad noctem, ac sedes penetrarat Avernas,
 Intuleratq; diem, cœloq; refuderat umbram.
 Prodigium horrendum, ceu nigro abduntur hiatu
 Tænara Cumæque domus latebrosa Sibyllæ!
 Extemplo exciti monstro populusque, patresque
 Concursum appropèrant magno, & de collibus altis
 Densi adspectantes, Stygii ut portenta sepulchri,
 Atque atram videre luem, rimosaque circum
 Æquora, & inmani jamjam vi rupta barathro
 Percussis stupuere animis; tum frigidus artus
 Concussit tremor, & subito per membra cucurrit:
 Nec jam stare gradu, aut tumultis sublimibus audent:
 Sub pedibus latè scindi, infidumque labare
 Omne solum, collesque ipsi subsidere in ima
 Tartara, & obscurâ mergi sub nocte videntur.
 Jamque metu trepidos, subitâque redire volentes
 Inde fugâ fallit conatus, ægra receptum
 Genua negant: gelido concretis sanguine fibris
 Nec vires membris notæ, nec vox sonat ore.
 Ac veluti si quando truci sub imagine somni
 Declivè scopulo ripavè horremus ab atrâ
 Præcipitem casum; refugit calor ossibus omnis;
 Et vires & membra cadunt: non anxia vocem
 Verba sonant; pressos sopor, & timor alligat artus:

Haud

Haud secus Æneadæ gelidâ formidine tardos
 Implicuere gradus, nec vis sua tollit euntes,
 Spectantesque fugam, prorsusque extrema trementes :
 Tandem ubi gliscenti gravis est mora visa periclo,
 Incubuitque malum violentius, & metus alter
 Excussit stupidos, ac mentis reddidit usum :
 Quærere opem rebus summis & nitier omni
 Auxilio, raptimque cavas explorare latebras
 Aggere projecto, & congestis molibus instant.
 Incassum labor omnis, & irreparabile damnum
 Humanam contemnit opem ; spes una superstes,
 Siquis apud Divos veniæ locus : ergo per omnes
 Ire aras pueri & matres ; timidæque puellæ
 Supplicibus votis certatim exposcere pacem
 Numina sancta Deum, cœloque extendere palmas :
 Nec minus interea Tyrrhenæ gentis aruspex
 Fata aperit, sic divinis monstrantibus extis,
 Ore canens : ô Dardanii spes inclyta Iuli
 Mars pater, astrifero genus & cui nobile cœlo,
 Et virtute fidem, & præstantibus adstruit armis ;
 Non hæc Coelicolum grave, & implacabile numen.
 Nunc portentâ novat, sed hianti luridus orco
 Eumenidum dolor, & ruptæ discordia terræ
 Insigni redimenda bono, quo maximas usus
 Imperii ad columen, famæque sequentis honorem.
 Hanc fati obscuram vocem, monitusque Deorum
 Concilio exceptos, non unis mentibus omnes
 Accipere : ambigui sensus, diversæque patrum
 Murmura, nec cunctis eadem est sententia linguis.
 Acer erat bello, & primis spectatus in armis
 Curtius eductum Curibus quem antiqua vetustis
 Nobilitas laude, & serie decorabat avorum.
 Namque ferunt, urbis jaceret cùm prima superbæ
 Fundamenta pater, captæque ex arce Sabini,
 Fœminei ultores raptus, jam valle subirent,
 Conferrentque aciem, atque anceps fortuna duelli

Ambigeret : facinus clarum, longèque fuisse
 Egregiam laudem, & nomen memorabile Curti.
 Isque diem (postquam ad pacem versa arma ducesque
 Imperii iunxere fidem, dextraque dedere)
 In partem meritò patriæ & præclara vocatus
 Præmia, nec studio deinceps, nec defuit usu
 Romulidis, longamque dedit descendere prolem.
 Tali ortus genere, & proaviti nominis hæres
 Curtius, ardenti sæpe in certamine victor,
 Quæsieratque manu decus, & virtute tenebat
 Exsuperans animi Juvenis; five arduus alto
 In pugnam se ferret equo, seu Marte pedestri
 Adversum exciperet collatis ictibus hostem.
 Huic pater ætheream superi converfor Olympi
 Immittit subito mentem, reseratque latentes
 Fatorum ambages, ipsumque in funera posci
 Submonet, & dubiæ quæ sit via certa salutis.
 Ille ardet, largosque alti bibit ætheris ignes,
 Divinum spirans : nec jam mortalia cordi.
 In patriam quippe & pietas, & funeris atri
 Exequiæ laudum æternæ, multusque suorum
 Urget amor : tandem, velut acri concitus cæstro,
 Irrumpit medios, testatus numina Divum.
 Nec mora, pro patriâ infernis se destinat aris :
 Arrectæ mentes cunctorum, omnisque recessit
 Pectoribus timor, & cæcis lux reddita rebus
 Magnanimi juvenis fato inferiisque propinquis.
 Curritur, effusiq; senes & vulgus inundant
 Agglomerantq; foro ; & si qua despectus in unum est
 Ædesque, tumulosque, & culmina Pallantea,
 Tarpeiamque arcem, & Divum fastigia latè
 Conventu, cumulant pleno, addensantque coronas.
 Jamque aderat longâ senior cum veste sacerdos
 Funereis mœrens vittis ; sacrumque litabat
 Plutoni Stygio : ast alii nigrosque juvencos,
 Et suras jugulant pecudes : ipse ordine vota

Nuncupat,

Nuncupat, & juvenem spargit fluvialibus undis,
 Voce ciens triplicemque Hecaten, magnamque parentem
 Tergeminosque Deos; tum numina dira precatur
 Eumenidum, populoque gravem depellit Erinyum,
 Stant taciti circum, linguisque silentibus unum,
 Unum omnes fixi obtuta, immotique tuentur
 Armatum extantem, atque æratâ luce corasum.
 Ille autem (nam fata premunt, longasque recusant
 Ferre moras) coram vacuum progressus in æquor,
 Ut stetit abruptæ titubato in margine ripæ
 Pallidus, inque atram dejecit lumina noctem.
 Rettulit os rursus cœlo, sublataque tendens
 Brachia, in has supplex exsolvit pectora voces.
 Dii patrii, quorum auspiciis stat maxima Roma,
 Et pater omnipotens, & nostri sanguinis auctor
 Bellator Mavors, Vulcane, paterque Quirine,
 Vestalesque foci, Janique biverticis ora,
 Audite hæc, sanctumque precanti avertite numen.
 Siqua (nefas) virtutem odit crudelis Erinny,
 Ad pœnamque vocat: fraus hic communis abesto
 Unus ego haud segnis dextrâ, nec frigidus armis
 Hanc animam, inferno umbrarum regi, & Stygiis Diis
 Devoeo, lucemque volens, aurasque relinquo:
 Tantùm dura mei fugiant discrimina cives:
 Hanc spem, quam patriæ incolumis dant fata, sepulchri
 Et mortis comitem posco ac mecum ire sub umbras.
 Tum vos infensi manes, queis Romula virtus
 Displicet, invidiamque movent ingentia facta;
 In me omnes conferte iras, & quicquid acerbum est,
 Vertite ab excidio patriæ, exitioque meorum:
 Ipse luam simul hæc dixit, simul astitit olli
 Conspicuusque auro, & Massyli pelle leonis
 Acre fremens bellator equus, quo tendere in hostem;
 Primus & obstantes incursum rumpere turmas
 Suetus erat, subitâque acies turbare procellâ.
 Hunc ubi terga premens dorsoque exceptus amico

Impulit, & notis habilem tremescit habenis
 Nil mortale putans, animique interritus heros:
 Visa hominis major facies, procul ære refulget
 Sanguineo galea, & flammis rutila arma coruscant.
 Intereâ coelo superum Rex magnus ab alto
 Urbem Dardaniam adspectans, sævæque superbum
 Contemptorum animum mortis, dabat inclyta facti
 Præmia, secum animo volvens, curamque fovebat:
 Cum lacrymas promptumque ferens mœsto ore dolorem,
 Tristis sic medio coeli super axe Quirinus
 Alloquitur: ô cuncta pater qui fata gubernas,
 Æternumque regis: en quo spectata tuorum
 Incidit, aut quali damnatur funere virtus.
 Non hæc exactis olim speravimus annis,
 Cum sedem hanc terræ regno, externisque triumphis,
 Romanumque tuo sancibas fœdere nomen:
 Atque ante hostili virtutem opponere ferro
 Unum opus, & labor unus erat, prætiumque laboris
 Imperium patriæ, aut lethi fors clara ferebat.
 Nunc jam quid superest, aut quam fortuna finit spem,
 Si manes rigidos etiam & fera Tartara contra
 Bellandum est? num dicta retrò mutata recurrunt
 Fata tibi? aut cœpti piget, & sententia versa est?
 Et nunc iste quidem juvenis capite improba rerum
 Detrimenta luit, vivusque immittitur Orco
 Inscius ullius culpæ. Sic digna rependis
 Præmia, virtuti genitor? hæc gratia prompta est?
 Siquid conceptum est in te facinusve, scelusve
 Æneadis generique meo, te verius ipsum
 Tela dare, & septem repetitis ictibus arces
 Fulmine dejicere, ac sedes abolere nepotum.
 Sin autem & castæ sunt res, nec justius ullâ
 Relligione pater coleris, sub numine semper
 Roma tuo, puerosque tibi meditatur honores:
 Parce tuis, pacemque refer: sic Romulus orsus.
 Tum pater, atherco pelit qui nubila vultu,

Talibus

Talibus it contra. Nec te dolor iste timentem
 Sollicitet, mea progenies; neve aspera fingas
 Fata tibi, & cœptos animi dimitte labores.
 Urbi Romulæ latè debetur, ab ortu
 Quicquid ad occasum rerum jacet, & vaga quicquid
 Tethys obit, refluxoque adl trant æquora ponto:
 Stat fixum hoc, n c fluxa retrò sententiâ nutat.
 Quin jam aderit, cum tu Romana in sceptrâ videbis
 Hesp.ria nque omnem, & gentes transire remotas,
 Imperiumque genusque tuum ne tristè querare
 Supplicium egregii juvenis. Non ille sub umbras
 Tartareas manesve cadens descendet ad imos.
 Hunc animum, has mentes, hæc corda excelsa tuorum
 Esse velis, fretosque sua virtute Quirites
 Et conferre manum fortunæ, & temnere mortem.
 Sic etenim via, sidereas quæ ducit ad arces,
 Et famæ meritum steterit decus his ubi mœstum
 Leniit omnipotens dictis, gemitumque repressit;
 Continuo tacitus secum majora volutat.
 Stant Jovis ad solium geminæ super astra sorores
 Mente satæ æternâ, queis cœtu est cura Deorum
 Adlegisse pios, humanaque necere Divis.
 Harum unam Pietatem alto descendere ab axe
 Imperat & Curti manes adfistere sacros:
 Illa Jovi parens, nimbo fulgente per auras
 Cincta volat, longamque cito dat tramite lucem;
 Qualis sæpe polo saliens sub nocte serenâ
 Stella fugit cursus subito trajecta volucres.
 Et jam Tarpei supra fastigia templi
 Astitit, inque arce extremâ delapsa resedit.
 Cum juveni visa est mentem majoris imago
 Accendisse Deæ. Juvat ire in funus & omnes
 Præcipitare moras: sonipes sub pondere sueto
 Ardet inexplerum exultans; jamque ardua jactat
 Brachia, jam pede tundit humum, hinnitusque canoros
 Suscitât, & vivos scintillat naribus ignes.

Est locus extructo suggestu & molibus exstans,
 Parte fori adversâ celebr, quem nomine noto
 Rostra vocant; primi unde duces plebisque magistri
 Affari populum, atque edicere scita solebant.
 Hinc juvenis fræno & ferratis calcibus acrem
 Egit equum, lora effundens: hinc fervidus illum
 Impulit: attoniti primo motu fremituque
 Diriguere omnes, metis & calor ossibus hæsit.
 Ille rapit medium campi, cursuque citatum
 Quadrupedem vastæ immittens in aperta ruinæ:
 Dat se in prærupta, atque ingenti rupe secuta
 Involvensque ruensque specu descendit ab alto.
 Ac velut ærio præceps cum monte revulsum
 Saxum ingens in prona ruit, molesque subactas
 Volvit, & assultu rapido latera obvia rumpit;
 Dant gemitum lateque fragor geminatur in auras.
 Sic tellus, sic præcipiti pulsata ruinâ
 Contremuere fora, & longas referentia voces
 Templâ sonant: stetit obrutu stupefactus & amens
 Intento populus circum, immotusque pependit
 Magnus eques usque attonitis, horrorque, feroxque
 Procursus, cladesque viri suprema moratur
 Ante oculos: etiam arma tonant, etiam auribus ingens
 Insultat fragor, & torpentia pectora pulsât:
 Currentemque diu trepident, horrentque cadentem.
 Ut primæ sonitum, atque umbras discussit inanes
 Reddita mens, cœloque dies oblata sereno est;
 Emotæ extemplo curæ cunctique reversi
 Ereptum ad juvenem sensus: viridis subit ætas.
 Digna Deum potius veniâ, fatique secundis,
 Et decor & mores placidi: tum clara recurant
 Facta animis, tantæque recens pietatis imago,
 Verbaque, supremæque preces; quo funere certus
 Occiderit, patriasque cadens servaverit arces,
 Ultro, morte obitâ, & pallentes missus in oras.
 Cum tamen hunc miserum spes desolata parentum,
 Conjugis

Conjugis & charæ fletus, natiq̃ue vocarent;
 Dilecti ad curam laris antiquosq̃ue penates;
 Tantum illum patriæ & generi tribuisse suorum,
 Ut sese exitio & fati communibus unus
 Traderet. Hæc inter liquentia pectora dulcis
 Stringere amor, lacrymaque sequi, & crebescere voces
 Laudantum, ac sortem miserantum mortis acerbam.
 Et jam confusum diverso ex agmine murmur
 Attollit magis, atque magis jam sparsa solutis
 Turba ruit cuneis; fremitu sonat arduus æther,
 Ceu quondam in sylvis leni cum flamine primum.
 Offensa crepitant frondes, & lenta susurrant
 Murmura: mox valido si turbine fortior Auster
 Incubuit, stragemque dedit; strepit omne tumultu
 Confusum nemus, & populata cacumina jactat,
 Consternitque solum ramis; it stridor ad auras.
 Jamque patres, primique ducum, lectique senatus
 Fatorum augurio procures, quique alta gerebant
 Imperia, aut sacros ornabant vellere canos:
 Incessu tacito coeuntis ad ostia terræ
 Adveniunt, cinguntque lacum: tum cætera circum
 Turba premit, coetusque implet stipata profundos.
 Et nunc hac, rursus hac impulsus fluctuat agmen.
 Dant fruges tumulo lætas, & munera prima
 Apponunt: pars incensis altaria flammis
 Constituunt, peraguntque preces, & ritè sacratos
 Describunt fines lituo, frontemque, latuque,
 Ultimaque; & meritos grati testantur honores,
 Certatim effusi in laudes: hinc nota frequentant
 Militiæ decora & murales sæpe coronas,
 Defensumque manu civem, sociosque receptos,
 Indomitumque animi Volscum, vel comminus ense,
 Eminus aut jaculo atque irarum vindice dextrâ
 Prostratum; spolia inde cavis astantia testis:
 Ut non consilio inferior quam fortibus armis
 Sæpe locum insidiis deprenderit ad juga, sæpe
Inclinatam.

Inclinatam aciem turbataque signa fuorum
Acrius intulerit pugnae, turmasque morantes
Vi junctae virtutis equeque obnixus ab alto
Impulerit: tu non hostili caede repentes
Sternere agros, non magnanimum praeferre trophaeis
Martia dona ducum, laudis metamque modumque
Esse tuae decorumve finis: tu saeva refutas
Portenta, & Strygium praecleara morte furorem.
Te diri stupere amnes; te sancta cadentem
Concilium ad superum, cernentis ad omnia coeli
Extulit & Pietas, & vitae prodiga virtus.
Salve certa salus patriae: tibi praemia mille
Sydereis collata locis; nec plura mereri
Fas homini est, aut si fato quis major eodem
In terram Deus ille alto demissus Olympo.
Et tamen humanae quantum tibi reddere laudes,
Quantum animi linguaeque valent; non gratia decrit,
Non Amor officiove decus: celebrabere grati
Voce ævi, generisque tui servator & urbis.
Nec minus interea lacus, hic quem funere magno
Implēsti moriens facti immortalis honore
Perpetuum sanctumque tuum & memorabile nomen
Proferet, æternæque aram virtutis habebit.

SELECTA POEMATATA
ITALORUM.
PARS IV.

MARCI HIERONYMI VIDÆ
CREMONENSIS

Scacchia Ludus.

Ludimus effigiem belli, simulataque veris
Prælia, buxo acies fictas, & ludicra regna;
Ut gemini inter se reges, albusque, nigerque
Pro laude oppositi certent bicoloribus armis.

Dicite Seriadæ Nymphæ cœramina tanta,
Carminibus prorsus vatū illibata priorum.
Nulla via est: tamen ire juvat, quo me rapit ardor,
Inviaque audaci propero tentare juventâ.

Vos per inaccessas rupes, & inhospita euntem
Saxa Deæ regite, ac secerum ostendite callem.
Vos hujus ludi in primis meminisse necesse est.
Vos primæ studia hæc Italæ monstrastis in oris
Scacchidis egregiæ monimentum insigne fororis.

Jupiter Æthiopum sedes, & Memnonis arva
Iverat, Oceani menses dignatus amici,
Qui sibi tum optatis junxit cellurem hymenæis.
Affluit una omnis superam chorus: omnia festo

Æquo

Æquoris immensi resonabant littora plausu.
 Ut dapibus compressa fames, mensæque remotæ,
 Quò Superum mentes Ludo mulceret inani,
 Oceanus tabulam afferri jubet interpietam.
 Sexaginta insunt & quattuor ordine sedes,
 Octono parte ex omni via limite quadrat
 Ordinibus paribus, nec non forma omnibus una
 Sedibus, æquale & spatium, sed non color unus.
 Alternant semper variæ, subeuntque vicissim
 Albentes nigris, testudo picta supernè
 Qualia devexo gestat di. crimina tergo.
 Tum Superis tacitè secum mirantibus inquit,
 Marti aptam sedem, ludicraque castra videtis.
 Hoc campo adversas acies spectare licebit.
 Oppositis signis belli simulachra ciente;
 Quæ quondam sub aquis gaudent spectacula tueri
 Nereides, vastique omnis gens accola ponti,
 Si quando placidum mare, & humida regna quiêrant.
 En verò simulata adsunt qui prælia ludant.
 Sic ait; & versâ in tabulam deprompsit ab urnâ
 Arte laboratam buxum, simulataque nostris
 Corpora, torno acies fictas albasque nigrasque,
 Agmina bina, pari numeroque, & viribus æquis,
 Bis niveâ cum veste octo, totidemque nigranti.
 Ut variæ facies, pariter sunt & sua cuique
 Nomina; diversum munus, non æqua potestas:
 Illic & reges paribus capita alta coronis,
 Et regum pariter nuptas in bella paratas
 Cernere erat: sunt qui pedibus certamina inire
 Sueri, sunt & equis qui malint, quique sagittis;
 Nec deest, qua ferat armatas in prælia turres,
 Bellua; utrinque Indos credas spectare Elephantes.
 Jamque adrem inversum statuunt, structæque cohortes
 Procedunt campo, castrisque locantur utrisque.
 Linca principio sublimes ultima reges
 Parte utrâque capit, quartis in sedibus ambos

Tractu

Tractu eodem adversos inter se, sex tamen æquis
 In medio sedes spatii hinc inde relictæ.
 Sede albus sese nigrâ tenet, ater in albâ.
 Proxima reginas capit orbita: regibus ambæ
 Hærent, quæque suo; dextrum latus altera, lævum
 Altera lege datis tangunt Stationibus, atrumque
 Atra tenet campum, spatio stat candida in albo,
 Et proprium servant primâ statione colorem.
 Inde sagittiferi juvenes de gente nigranti
 Stant gemini, totidem pariter candore nivali,
 Nomen Areiphilos Graii fecere vocantes,
 Quod Marti ante alios chari fera bella laceffant.
 Continuo hos inter rex, nec non regia conjux
 Claudunter medii: duo dehinc utrinque coruscî
 Auratis equites sagulis, cristisque decori
 Cornipedes in aperta parant certamina Martis.
 Tum geminæ velut extremis in cornibus arces,
 Hinc atque hinc altis stant propugnacula muris,
 Quas dorso immanes gestant in bella Elephantî.
 Postremò subeunt octo hinc atque inde secundis
 Ordinibus pedites, castrisque armantur utrisque
 Armigeri partim regis, partimque ministræ
 Virginis armisonæ, quæ prima pericula belli,
 Congressusque incant primos, pugnamque laceffant.
 Non aliter campis legio se buxea utrinque
 Composuit duplici digestis ordine turmis,
 Adversisque ambæ fulsere coloribus alæ,
 Quam Gallorum acies, Alpino frigore lactea,
 Corpora si tendant albis in prælia signis
 Auroræ populos contra, & Phaethonte perustos
 Infano Æthiopes, & nigri Memnonis alas.
 Tum Pater Oceanus rursus sic ore loquutus:
 Coelicolæ, jam quænam acies, quæ castra, videtis;
 Discite nunc (neque enim sunt hæc sine legibus arma)
 Certandi leges, nequeant quas tendere contra.
 Principio alterni reges in prælia mittunt

Quem pugnae numero ex omni elegere suorum.
Si niger arma ferens primus processit in æquor,
Continuò adversum semper se candidus offert,
Nec plures licet ire simul facto agmine in hostem.
Iropositum cunctis unum, studium omnibus unum
Obsessos reges inimicæ claudere gentis,
Ne quò impune queant fugere, atque instantia fata
Evitare; etenim capiunt ita prælia finem.
Haud tamen interea cuneis obstantibus ultrò
Parcunt, sed citius quò regem sternere letho
Desertum evaleant, cædunt ferro obvia passim
Agmina: rarescunt hîc illic funere semper
Utraque castra novo, magis ac magis area belli
Picturata patet, sternuntque caduntque vicissim.
Sed cædentem opus est sublati protinùs hostis
Successisse loco, & conatus vindicis alæ
Sustinuisse semel; mox si vitaverit ictum
Inde referre licet se in tutum præpete plantâ.
At pedites prohibent leges certaminis unos,
Cum semel exierint (facilis jactura) reverti.
Nec verò incessus cunctis bellantibus idem,
Pugnandive modus: pedites in prælia euntes
Evaleant unam tantum transmittere sedem,
Inque hostem tendunt adversi & limite recto.
Congressu tamen in primo fas longius ire,
Et duplicare gradus concessum; at comminùs hostem
Cum feriunt, ictum obliquant, & vulnera furtim
Intentant semper lateri, cavaque ilia cædunt.
Sed gemini claudunt aciem qui hinc inde Elephantii,
Cum turres in bella gerunt, ac prælia miscent,
Rectâ fronte valent, dextrâ, lævâque, retroque
Ferre aditum contra, campumque impunè per omnem
Proruerè, ac totis passim dare funera castris.
Ne tamen obliquis occultent nixibus ictum,
Qui tantum mos concessus pugnantibus arcu
Dilectis Marti ante alios: nam semper uterque

Fertur in obliquum; spatiis nigrantibus alter,
 Alter candenti semper se limite versat,
 Directisque ineunt ambo fera bella sagittis:
 Nec variare licet, quamvis fas ire per omnem
 Hinc atque hinc campum, atque omnes percurrere sedes.
 Insultat sonipes ferus, atque repugnat habenis.
 Nunquam continuò stipata per agmina ductu
 Procurrit; tantum sursum sese arduus effert
 Semper, & in gyrum gressus magno impete lunat
 Curvatos, duplicemque datur transmittere sedem.
 Si nigrante prius campo expectaverit, album
 Mox petere, & sedis semper mutare colorem
 Lex jubet, ac certo semper se sistere saltu.
 At Regina furens animis pars optima belli
 In frontem, in terga, ac dextram, lævamque movetur;
 Itque iter obliquum; sed semper tramite recto
 Procedit: neque enim curvato insurgere saltu
 Cornipedum de more licet: non terminus olli,
 Nec cursus meta ulla datur; quocunque libido
 Impulerit, licet ire, modo ne ex agmine quisquam
 Hostilive, suove additus occludat eunti,
 Nulli etenim super educto fas agmina saltu
 Transiliisse; equiti tantum hæc concessa potestas.
 Cautius arma movent gentis regnator uterque,
 In quibus est omnis spes, ac fiducia belli.
 Omnibus incolumi Rege stat cernere ferro,
 Sublato pugnâ excedunt, & castra relinquunt.
 Ille adeò in belio captus secum omnia vertit.
 Ergo hærens cunctatur, eum venerantur, & omnes
 Agmine circumstant denso, mediumque tuentur:
 Utque armis sæpe eripiant, sua corpora bello
 Objiunt, mortemque optant pro rege pacisci.
 Non illi studium ferendi, aut arma ciendi;
 Se tegere est satis, atque instantia fata cavere.
 Haud tamen obtulerit se quisquam impune propinquum
 Obvius, ex omni nam suum num parte nocendi

Jus habet : ille quidem haud procurrare longius aufit,
 Sed postquam auspiciis primis progressus ab aulâ
 Mutavit sedes proprias, non amplius uno
 Ulterius fas ire gradu, seu vulneret hostem,
 Seu vim tela ferant nullam, atque innoxius erret.
 Hic mos certandi, hæc belli antiquissima jura.
 Nunc aciem inter se certantem cernite utramque.
 Sic ait : at quoniam quoties fera bella fatigant
 Mortales, superi studiis diversa foventes
 Ipsi etiam inter sese odiis bellantur iniquis,
 Maximaque interdum toto ardent prælia cœlo,
 Juppiter omnipotens solio rex fatus ab alto
 Omnes abstinuisse jubet mortalibus armis ;
 Atque minis, ne quem foveant, perterret acerbis.
 Tum Phœbum vocat intonsum, Atlantiq̃ue nepotem
 Egregium furto, peperit quem candida Maia,
 Insignes ambos facie, & florentibus annis.
 Nondum Mercurius levibus talaria plantis
 Ad diderat : nondum Titania lumina agebat
 Per liquidum curru gemmato Phœbus Olympum
 Tantum humeros pharetrâ insignis, & crinibus aureis,
 Hos pater adversis solos decernere jussit
 Inter se studiis, & ludicra bella fovere,
 Ac partes tutari ambas, quas vellet uterque :
 Nec non proposuit victori præmia digna.
 Dii magni federe : Deum stat turba minorum
 Circumfusa : cavent sed lege & foedere pacto,
 Ne quisquam voce, aut nutu ludentibus ausit
 Prævisos monstrare ictus ; quem denique primum
 Sors inferre aciem vocet, atque invadere Martem,
 Quæsitum ; primumque locum certaminis albo
 Ductori tulit, ut, quem vellet, primus in hostem
 Mitteret : id sanè magni referre putabant.
 Tum tacitus secum versat quem ducere contra
 Conveniat, peditemque jubet procedere campum
 In medium, qui regnam dirimebat ab hoste.

Ille

Ille gradus duplices superat : cui tum arbiter ater
 Ipse etiam adversam recto de gente nigranti
 Tramite agit peditem, atque jubet subsistere contra
 Advenientem hostem, paribusque occurrere in armis.
 Stant ergo adversis inter se frontibus ambo
 In mediis campi spatiis, ac mutua tentant
 Vulnere nequicquam : neque enim vis ulla nocendi est
 Armigeris, tractu dum miscent praelia eodem.
 Subsidio socii dextrâ, lævâque frequentes
 Hinc atque hinc subeunt, latè & loca milite complent ;
 Alternantque vices : nec dum tamen horrida miscent
 Praelia, sed placidus mediis Mars ludit in armis,
 Excursusque breves tentant, tutique tenent se.
 Jamque pedes nigri rectoris, qui prior hostem
 Contra iit, obliquum lævâ clam strinxerat ensen,
 Atque album è mediis peditem citas abstulit armis,
 Illiusque locum arripuit præstantibus ausis :
 Ah ! miser instantem lateri non viderat hostem :
 Ipse etiam cadit, & pugnas in morte relinquit.
 Tum cautus fuscæ regnator gentis ab aviâ
 Subduxit sese mediâ, penitusque repositis
 Cistrorum latebris, extremâ in fauce, recondit,
 Et peditum cuneis stipantibus abditus hæsit.
 Nec mora, surgit eques bellator lævus utrinque,
 Et mediis hinc inde insultant cœtibus ambo,
 Alternique ruant, & spargunt fata per hostes.
 Sternantur pedites passim miseranda juvenus,
 Quod nequeant revocare gradum, sonat ungula campo.
 In medio, & totis miscentur funera castris.
 Dura verò peditum intentus Latonius heros
 Cædibus instat atrox, equitemque per agmina versat
 Vastatorem alexæ piceæ, longè Arcada major
 Ardor agit tacitis jam dudum invadere furtis
 Magnum aliquid, peditumque ultra sæpe obvia transit
 Agmina, cornipedem ducens in praelia lævum,
 Qui regi insidias tendens hûc vertitur atque hûc,

Per mediosque hostes impunè infrænis oberrat.
 Constitit, optatâque diu statione potitus
 Lethum intentabat pariter regique, Elephantique,
 Alæ qui dextro cornu turritus in auras
 Attollens caput ingenti se mole tenebat.
 Delius ingemuit clauso succurrere regi
 Admonitus : namque indefensum in morte Elephantem
 Linquere se videt, atque ambos non posse periculo
 Priperere, & fatis urgeri cernit iniquis.
 Cura prior sed enim est trepidum defendere regem,
 Quem rapit in dextrum latus : at niger emicat ense
 Stricto eques, & magnis Elephantem intercipit ausis;
 Damnum ingens : neque enim est sævæ post virginis arma
 Bellantum numero ex omni magis utilis alter,
 Non tamen impunè evades ait acer Apollo
 Et peditum cuneis, densâque indagine cingit.
 Ille igitur trepidare metu, certique pericli
 Frustrâ velle fugam : nam hinc fata minatur Amazon,
 Indè obstat conferta phalanx, tandem altius acto
 Virginis ense cadit, pulchræ solatia mortis.
 Æstuat alba cohors latere heu ! minus utilis urro,
 Et magis atque magis furit acri accensa dolore.
 Sicut ubi dextrum taurus certamine cornu
 Amisit, dum se adverso fert pectore in hostem,
 Savior in pugnam ruit, armos sanguine & altè
 Colla animosa levans : gemitu omnis sylva remugit :
 Talis erat facies, cœsi post fata Elephantis,
 Candentis turma ; hinc furis majoribus ardet
 Phœbus, & Ultrices hortatur in arma cohortes,
 In ferrum, & cædes pronus, cupidusque nocendi,
 Incautusque ambas perdit sine lege phalanges.
 Dumque hostes pariter cernat procumbere victos,
 Ipse suos morti indefensos objicit ultrò.
 Mercurius melior furto cunctatur, & hærens
 Næque alium ex alio spectando prævidet ictum.
 Tæpe ille ex longo meditatus fata superbæ

Reginæ

Reginæ peditem perdendum cominus offert,
 Dissimulatque dolos, mox pœnitet, & trahit alto
 Improbos, errorem fingens, suspiria corde.
 Jamque sagittiferi è dextro spicula cornu
 Virginis in latus albens tendebat : id hostis
 Haud primùm sensit, peditemque trahebat in atram
 Lævâ aciem, rerum ignarus : verùm improba cladem,
 Et tantas Erycina Venus miserata ruinas
 Incauto juveni furtim tacito innuit ore,
 Atque oculis (Phœbo nam fortè adversa sedebat)
 Nulla mora, ad nutus Divæ tremefactus Apollo
 Constitit, atque oculis latè agmina circumspexit,
 Et subito insidias sensit, peditemque retraxit,
 Quem contra impulerat dextrâ impiger ; atque periculo
 Reginam eripuit : tum Maiâ Atlantide cretus
 Littoreum cayæ concessum vocibus implet,
 Reginam captam ingeminans : fremit undique turba
 Coeli colùm studiis variis, seseque tuetur
 Phœbus, & his alto fatur de littore verbis ;
 Quæ porrò invidia est dextram ludicra petenti
 Præmia corrigere incautam, in meliusque referre,
 Quum nec pacta vetent ? Quod si Maiâ late posthac
 Id sedet omninò prohiberi ; lege caveto ;
 Quique prior fuerit digitis impulsus in hostem,
 Sive albus, piceusve fuat, di' crimine nullo
 Ille eat, & dubii subeat discrimina Martis.
 Dixit, & hæc toto placuit sententia circo
 Coelicolis. Venerem obtutu clam versus acerbo
 Juppiter increpuit, nec sensit filius Arcas.
 Sed puer ingemuit labefactus corda dolore
 Ingenti : vix se tenuit quin ludicra castra
 Injectisque acies manibus confunderet ambas.
 Tum secum statuit furtis certare dolisque
 Omnibus, ac totis fraudes innectere castris.
 Jam tum igitur juvenem pharetratam in prælia ducens
 Cornipedis simulare gradus jubet ; ocyus ille

Emicat,

Emicat, atque albæ reginæ fata minatur.
 Non Phœbum latuere doli; subrisit, & ore
 Versus ad astantes, quamvis accommoda furtis
 Mercurio sit dextra, inquit, fraudique doliſque
 Callide Atlantiada invigiles, haud me tamen ultra
 Fallere erit: jamque improbe iniquam corrige dextram.
 Spectantùm cunei ingenti rîſere theatro:
 Atque Arcas veluti deceptus imagine falſâ,
 Summiſit buxum conceſſo in prælia grefſu
 Arcum intendentem, vigilat jam cautus Apollo,
 Fraudeſque inſidiaſque timens, occultaque furta.
 Ille etenim perſapè, manu dum ducit in hoſtes
 Alternam buxum, jûs contra, & fœdere pacta
 Implicitans celerès digitos duo corpora bello
 Objiciat ſimul, obſervet niſi providus hoſtis.
 Jamque equitem contra nigrantem candidus arcum
 Intendens ſeſe oppoſuit pharetratus, & arcet
 Reginæ jugulo intentum: tum dexter oberrat
 Huc atque hûc Elephas, niveiſque exultat in armis.
 Hæſerat in medio, dominæ regique minatus
 Albus eques ratus impune, & jam ſorte ſuperbus
 Nequicquam ſpoliorum animum paſcebat amore.
 Non tulit hanc ſpeciem juvenis pharetratus, & arcu
 Contendit calamum, ſeſeque inmittit in hoſtem,
 Fata licet pedes intentet, moriturus in armis
 Inſigni pro laude, alvo mediæ hæſit arundo
 Stridula, & ima chalybs deſcendit in ilia adactus.
 Volvitur ille excuſſus humique, & calcibus auras
 Verberat; in ventos vita indignata reſeſſit.
 Inde ſagittiferum ſternit pedes: hunc pedes alter
 Hoſtili de plebe necat: pugna aſpera ſurgit.
 Turribus occurrunt ingenti mole Elephanti,
 Sæva pharetrigeri contendunt ſpicula nervis,
 Quadrupedumque gemit bicolor ſub verbere campus.
 Incaluere animi parte ex utrâque, & in armis
 Concurrunt denſis ſimul omnis copia gentis

Albæque

Albæque piceæque duces, ambæque phalanges,
 Confusæque acies magno certamine totis
 Desantur campis, virtus, fortunaque in unum
 Conveniunt: hi nunc victores agmina versa
 Æquore agunt toto, versis referuntur habenis
 Nunc iidem, variantque vices, & fluctuat omnis
 Area bellorum: vasti velut æquoris undæ
 Siquando inter se, recluso carcere, sæva
 Bella cient animosi Euri, vertuntque profundum
 Ionio in magno, aut undisono Atlanteo,
 Alternos volvunt procurva ad littora fluctus.
 At medias acies inter crijdescit Amazon
 Candida, plena animo, multisque in millibus ardet.
 Namque Sagittiferum incursans, rediensque Elephantem
 Nigrantes sternit: dextrâ lævâque per alas
 Fulminat, atque manu spargens hastilia sævit.
 Bellanti dant tela locum, retròque residunt
 Hinc atque hinc inimicæ acies, per tela, per hostes
 Illa ruit pulchram in mortem, simul ultima tentat
 Castra fugæ fidens, animosque in bella viriles
 Sæva gerit: penetrat cuneos, aperitque viam vi.
 Tandem fusca cohors, nigrantisque arbiter alæ
 Ipse etiam arma suæ tropidus, viresque animosque
 Virginis implorat: nulla est mora, fervida Amazon
 Emicat, atque ardens paribus se sistit in armis.
 Quem primum hastâ, aut quem postremum bellica virgo
 Demetis, aut quot humi candentia corpora fundis?
 Semianimes volvuntur equi niveique nigrique,
 Et peditum cunei, dilectaque pectora Marti
 Aligerâ juvenes ineuntes bella Sagittâ.
 Quis cladem fando illius, qui funera pugne,
 Prostratosque duces speret se æquare cavendo?
 Sternitur omne solum buxo, atque miserrima cædes
 Exoritur, confusa inter sese agmina cadunt,
 Implicitæque ruunt albæ nigræque phalanges.
 Sternuntur pedites, & corpora quadrupedantum.

Nam

Nam versæ inter se jactantes mutua tela
 Fœmineis ambæ nituntur Amazones armis,
 Usque aded certæ non cedere, donec in auras
 Aut hæc, aut illa effundat cum sanguine multo
 Sævam animam; Solâ linguentes prælia morte.
 Intereà amborum populorum rector uterque
 Captivos hostes, & victa cadavera bello
 Carcere servabant castris vicina, caventes
 Ne capti semel, aut obitâ jam morte jacentes
 In vitam revocati iterùm certamina inirent.
 At lateri innixus Phœbeo Threicius Mars
 Junctus amicitia pueri Arcadi, si quid amico
 Fata finant prodesse, animum per cuncta volutat,
 Observatque omnes casus, tum corpora bina
 Capta, pharetratum juvenem, peditemque nigrantes
 Coetibus è functis jam vitâ, atque æthere cassis
 Surripit, & castris rursum clam immittit apertis.
 Ergo iterùm gemini captivi prælia inibant,
 Miscebantque manus animosi, atque arma ferebant.
 Haud secus (ut perhibent) cum Colchis nacta cadaver,
 Aut Virgo Massyla recens, cantuque triformem
 Scœpè ciens Hecaten, ac magni numina Ditis,
 Falsam animam insinuat membris aurasque loquaces:
 Continuo erigitur corpus, loquiturque videtque,
 Et vivos inter fruitur coelestibus auris.
 Non tulit indignum facinus Junonia proles
 Mulciber (ille dolum solus deprendit) & ore
 Inclamat, Phœbumque monet: Thrax palluit heros
 Deprensus: Phœbo exarsit dolor ossibus ingens.
 Tum Marti pater omni potens iratus iniqua
 Præsidia abduci, atque indebita corpora bello
 Protinus è castris jubet, atque retexere falsos.
 Hinc atque inde ictus, & cuncta in pristina reddit.
 Jamque duces furii ambo majoribus instant,
 Reginaque ambis conversa per agmina mittunt.
 Cæde madent illæ, toto æquore fata serentes.

Confidunt

Confidunt tandem obversæ, regesque tuentur
Quæque suum : ecce autem bellatrix agminis albi
A tergo ferro invasit, stravitque nigrantem
Ignaram : verum ipsa etiam cadit icta sagittâ
Ah ! misera, & spoliis haud longum exultat opimis.
Convertere oculos ambæ hinc atque inde cohortes,
Atque acres lachrymis, & foemineo ululatu
Ambas incubuisse putes, dum funera ducunt.
Tum reges moestos ipsa ad prætoria densi
Agglomerant sese circum : timor omnibus idem
Incumbit ; par tempestas, par hausit utrosque
Diluvium populos, & sunt sua funera cuique.
Haud prorsus tamen ambobus defecerat omne
Robur ; opes restant, & adhuc intacta juvenus,
Tres pedites tibi, Phœbe, Sagittifer alter, & ingens
Bellua turrito dorso ; totidemque tibi Arcas
Excepto Elephante, altâ qui nuper in aulâ
Pace fruens cecidit positus inglorius armis,
Eminus aligerâ percussus arundine pectus.
Sed dexter tibi restat eques imperditus ; hausit
Cætera bellantum Mars impius agmina, bellicæ
Alea, florentes & desolaverat aulas.
At Cyllenæo juveni spes occidit omnis ;
Æstuat amissæ gentis memor, & suspirat
Heroas magnos tot fato corpora functa :
Non tamen excedit pugnam : fracta agmina bello
Reliquias tenues immitis Apollinis astu
Cautior in pugnam mittit, post funera tanta
Si quæ fata sinant gentis sarcire ruinas.
It nigrum campis agmen, stat ubique morari,
Fortunamque omnem tentare, aditusque nocendi.
Exultat contra non æquo prælia motu
Cynthia invadens : facies indigna cohortum,
Heu ! facies miseranda ducum, raro agmine aperta
Castra patent latè, viduatæ & civibus aulæ.
Mœrebant vacuis thalamis regnator uterque

Jamdudum

Jamdudùm exosi sine conjugetædia lecti.
 Primus amor maneat quamvis immotus utrisque,
 Sors tamen ad nova conjugia, atque novos hymenæos
 Flectit iniqua : igitur primum rex agminis albi
 Reginæ comites olim, fidasque ministras
 Regali invitat thalamo, quæ funera moestæ
 Post fera bellatricis heræ tela irrita bello
 Jactabant acies inter, cuneosque nigrantes,
 Oppetere amissæ dominæ pro cæde paratæ.
 Sed priùs explorare ausus sedet, atque viriles
 Cunctarum spectare animos, ut digna cubile
 Intret ; in hostiles sedes, atque ultima castra
 Hortaturque, jubetque supremam apprehendere metam.
 Nulli fas etenim regis sperare cubile.
 (Pacta vetant) nisi quæ per tela invecta, per hostes,
 Transactis spatiis cunctis impune, suprema
 Attigerit prius adversi penetralia regis.
 Arrexere animos famulæ, pariterque per hostes
 Limitibus properant rectis : tamen ocyor anteit
 Tertia, quam dextro ducebat semita cornu,
 Exultatque agitatque animo connubia regis ;
 Nam comites spe sublapsâ cessere volentes.
 Illa volat coeptis immamibus, addiditalas
 Gloria præpetibus plantis, & plurima merces.
 Nulla obstat mora, nec facinus prohibere tyranno
 Cura nigro est, novaque ipse etiam connubia tentat,
 Et vacuis thalamis alias inducere nuptas.
 Ergò iter alternæ accelerant, famulamque sinistram
 Quarto limite agit, saltu sed tardior uno
 Parrhasius juvenis : jamque imperterrita virgo
 Candida, facta potens voti penetraverat omnes
 Sedes, atque alacris metâ confederat altâ.
 Tum rector jubet asferri sellamque tiamamque,
 Extinctæ ornatus, nec non fulgentia sceptrâ,
 Dignaturque toro meritam, optatisque hymenæis.
 Gaudet cana cohors, insultatque eminùs atræ.

Haud lachrymas cohibet Maia satus æthera voce
 Incessans, pictosque à pectore rupit amictus.
 Nigranti famulæ tantum gradus unus ad ipsam
 Restabat metam, ah miseræ, sed limite recto
 Turritus fera fata Elephas impunè minatur
 Insurgens, si supremam contingere sedem
 Audeat, & toto castra obsidet ultima tractu,
 Et pavidam observans extremis sedibus arcet.
 Interea nova regali dignata virago
 Connubio exultans, toto dat funera campo:
 Illam tollit honos novus, & fortuna tumentem;
 Fulminis in morem ruit, atque nigrantia sævit
 Castra per, & sedes, ac sydera territat armis;
 Horrescunt faciem invisam nigra agmina crudæ
 Virginis atque imæ exoptant telluris hiatus:
 Diffugiunt trepidi vasto irrumpente fragore
 Hoste metuque omnes acti glomerantur in unum
 Aulæ in medio juxta latera ardua regis.
 Haud secus alta boves sparsæ per pascua quondam,
 Ut sensere lupum venientem, protinus omnes
 Conveniunt trepidæ, & fortem facto agmine taurum
 Ductorem armenti implorant, ipsique propinquant
 Certatim inter se trudentes cornua rauco
 Murmure: mugita longè nemora alta resultant.
 At regina furens trepidos toto agmine victrix
 Impingens in terga, ipsique ante omnia regi
 Fata parans, pugnas alta ad prætoria miscet;
 Nunc ruit huc, nunc huc, tunc &, nisi læva fuisset
 Mens illi, poterat candentem invadere sedem
 Limite in obliquum quarto, & concludere fauces.
 Ultimus ille labor regi, gentique fuisset
 Nigranti, & satis Arcas lugeret iniquis.
 Nempe erat hinc lethi facilis via in ilia regis
 Nec poterat quisquam se tantæ opponere cladi.
 Sensit Atlantiades tacitus, dubioque tremebant
 Corda metu: accelerare hostem jubet improbus, ictum
 Ne videat verbisque rapit per inania mentem,
 Castigatque moras. Adeon' juvat usque morari?

Nec pudor est? quæ tanta animis ignavia? sic eos
 Increpitas semper cunctantes impiger ipse?
 Scilicet expectas dum nox certamina tollat?
 His actus, peditem imprudens dum caprat Apollo
 Præterit fortunam; alacer vocem extulit astris
 Lætitiâ exultans Cyllenius: inde periclo
 Regem ipsum eripiens opponit Amazonis armis
 Haud invitum equitem, qui sævos arceat ictus.
 Tum secum meditans candenti lethum Elephanti,
 Qui metâ arcebat famulam, ne regis inirêt
 Concessos thalamos, curvato perculit arcu;
 Concidit, atque ictu tellurem bellua vasto
 Pulâvit moriens, dum regi intentat Apollo
 Nequicquam exitium: tum metam impunè ministra
 Nigra tenet (nec Phœbus obest) jam regia conjux.
 Jamque alacres paribus certamina viribus ambo
 Rursum incunt, nuptasque ferunt in bella secundas.
 Tum, quanquam ambiguae spes sint, incertaque belli
 Alea adhuc, tamen, ac si palmæ certus, & omne
 Discrimen positus sit supra, & gaudia ficto
 Ore puer Maiæ simulat, verbi que superbit
 Improbus insultans, astûs genus, & sua creber
 Vocibus extollens, albæ premit arma cohortis.
 Quem sic deprensâ juvenis Latonius arte
 Increpitat; nondum extremam dubio ultima bello
 Imposuit fortuna manum, & jam voce superbis:
 Proindè mihi insulta, & tumidis reple omnia verbis,
 Certa tuum annuerit tibi quum victoria Martem.
 Sed jam nul'a mora est; tua nunc, nunc irrita fasso
 Dicta manu: hæc fatus reginam hortatur in hostes.
 Continuo exoritur magnum certamen, & ingens
 Hinc atque hinc rabies, dum fixum vincere utriusque.
 Audentes in tela ruunt; stat multus ubique
 Terror, ubique pavor, mortisque simillima imago.
 Nituntur cuncti adversi, seseque viro vir
 Obulit: invigilant castris avertere pestem
 Quisque suis, hostemque fugant, hostaliaque ipsi
 Castra petunt, variantque vices, fortunaque ludit

Spe cupidor, & corda moræ impatientia torquet,
 Funera spargebat fuscæ regina cohortis
 Per medias animosa acies; non æmula contrâ
 Opposuit se: e virgo, sed calle per hostes
 Secreto interea regis tendebat ad alta
 Limina: dein subito captis custodibus arcis
 Irruit, atque aditus irrumpens obsidet aulam,
 Intentatque necem regi. Tum nigra virago
 Postquam altis vidit canam in penetralibus hostem,
 Cæde madens strages cito linquit, & imperfecta
 Funera, & pedem retro exanimata repressit,
 Nec timuit mediani se certæ opponere morti,
 Et patriæ, & trepido properans succurrere regi.
 Hic aliud majus Phœbo graviusque dolendum
 Objicitur: nam cornipedem Cyllenius atrum
 Huc illuc aglans campo insultabat aperto.
 Ardet equus, saltuque furit, nec destitit ausis,
 Donec reginæ pariter regique minatus
 Optatam tenuit sedem, exitioque futurus
 Aut huic, aut illi nigrantibus obstitit armis.
 Ut vidit tristi turbatus pectore Apollo
 Ingemuit, largusque genis non defuit humor.
 Et jam jam labi, atque retro sublapsa referri
 Spes omnis, fluxæ vires, aversa Deum mens.
 Arcas successu exultans, ac munere Divum
 Lætus, ovanque, animum vocemque ad sydera tollit.
 Et tandem rediit vigor in præcordia victo.
 Protinus inclusam feriens sub Tartara mittit
 Reginam, & spoliis potitur non segnis opimis.
 Tantum olli bellator equus cadit ilia fossus
 Ultoris ferro regis: nondum tamen expes
 Phœbus abit, sed pugnat adhuc, atque agminis albi.
 Reliquiæ pedites duo, & arcu insignis eburno
 Martis amor juvenis nequicquam bella lacescunt.
 Audentes facit amissæ spes lapsa salutis,
 Succurruntque duci labenti in funera: sed non
 Talibus auxiliis, nec defensoribus istis
 Tempus eget; toto Maia satus æquore sævit.

Instat vi multa nigra virgo, septaque regis
 Circuit excidium intentans, hac perfurit atque hæc :
 Nec requievit enim, donec certamine iniquo
 Reliquias gentis candentis, & ultima bello
 Auxilia absumpsit : Medio rex æquore inermis
 Constitit amissis sociis, velut æthere in ævo
 Expulit ardentes flammæ ubi lutea bigis
 Luciferis aurora, tuus pulcherrimus ignis
 Lucet adhuc Venus, & coelo mox ultimus exit.
 Nulla salus illi superat, spes nulla salutis,
 Non tamen excedit victus, sed claudere sese
 Hostiliter inter cuneos impune, per enses
 Actus avet; donec nusquam spatia ulla supersint
 Effugiis : Nam si nemo illi fata minetur,
 Nec superet sedes, quam impune capeßere possit,
 Nil tantorum operum impensis foret omnibus actum :
 Sed labor effusus frustra, viresque fuissent,
 Nec titulos quisquam, aut victoris nomen haberet.
 Ergo per vacuas sedes, desertaque castra
 Nunc huc, rursus illuc, incertos implicat orbes
 Diffugiens; niger insequitur rex æquore toto,
 Atque fugæ semper spatiumque abitumque relinquit.
 Post ubi supremo tendentem limite gressum
 Vidit, reginam sedes servare secundas
 Jussit, ab angustis ne se ille abducere posset
 Ordinibus, tantumque fugæ misero ultima restat
 Linea : tum sese contra niger æmulus infert
 Dux gentis propiore gradu, sedes tamen una
 Alterum ab alterius contactu summovet usque.
 Ut vero contra exultantem victus, & expes
 Constitit invitus, fortunam nacta virago
 Extremam insiliit sedem, totoque minatur
 Limite nec misero restat locus amplius usquam.
 Tandem illum surgens virgo crudelis in enses
 Immolat, & finem imposuit fors aspera pugnae,
 Ingenti superum plausu, & clamore secundo.
 Victor Atlantiades exultat littore toto
 Improbus, & victo insultat ridetque dolentem :

Quem

Quem pater omnipotens ad se vocat, & dat habere.
 Felicem virgam, quæ puras evocet umbras
 Pallente Styge, ut infectum scelus eluit ignis;
 Quaque Erebo damnet fontes, & carcere cæco
 Detque, adimatque oculis somnos, & funere in ipso
 Lumina Lethæo claudat perfusa sopore.
 Mox vero gratum ludum mortalibus ipsis
 Ostendit Deus, & morem certaminis huius.
 Italiæ primùm docuit celebrare colonos.
 Namque olim (ut perhibent) dilectam Scacchida, quâ non
 Inter Seriadas præstantior altera Nymphas,
 Compressit ripâ errantem, & nil tale putantem,
 Dum pascit niveos, herbosa ad flumina, olores.
 Tum bicolorem illi buxum dedit, atque pudoris
 Amissi pretium, vario ordine picturatam
 Argentique aurique gravem tabulam addidit; usumque
 Edocuit: Nymphæque etiam nunc servat honorem,
 Et nomen ludus, celebrat quem maxima Roma,
 Extremæque hominum, diversa ad littora, gentes.
 Omnia quæ puero quondam mihi ferre solebant
 Serjades, patrii canerem dum ad flumina Serii.

HIERONYMI FRACASTORII

Ad Jo. Bapt. Turrium Veronensem.

Batte, animos quando tristes, curasque levare
 Musa potest, ego nunc sortem, casusque supremos.
 Ipse meos tristi solabor carmine tecum;
 Et tecum dulces natos, quos finus acerbum
 Abstulit, æternâ & pariter caligine texit,
 Conquerar; ut saltem tenebris, & nocte perenni,
 Quantum opis est nostræ, miserorum nomina demam.
 Quæ potui, dum vita illos auræque fovebant,
 Exhibui genitorque, gubernatorque duorum.

Infœlix: primas alter vix fingere voces,
 Alter adhuc teneris jam tum decerpere ab annis
 Prima rudimenta, atque om̃en præbere parenti.
 Quos ego (sed Zephyri spes portavere paternas)
 Censueram, si fata darent, cum posceret ætas
 Fortior, ad dulces tecum traducere Musas
 Assiduos, citharamque humeris suspendere eburnam.
 Inde, ubi jam cœlum, ac solem, fulgentiæque astra,
 Terramque, & liquidos ignes, æquorque profundum
 Mirari inciperent, latisque animalia campis,
 Te monstrante viam, te rerum arcana docente
 Mens fuerat dulces sophiæ deducere ad horros,
 Hortos, quos ver perpetuum, quos aura Favoni
 Semper alit, semper cœlesti nectare pascit.
 Hic tremulo, & longâ confecto ætate parenti
 Purpureos legerent flores; senique levamen,
 Threïcia canerent cithara, quæ plurima quondam
 Audissent te populea meditante sub umbra,
 Divino mirantem Athesim dum carmine mulces,
 Et rerum canis, & teneri primordia mundi.
 Fortunate senex, si gnatorum ore referri
 Fata smant, ut nata Chao antiquissima rerum
 Materies, visi correpta cupidine pulchri
 Arserit, atque Deum thalamo complexa jugarit
 Corpora prima; quibus discordia nata Hymenæis,
 Et divisa locis, suprema petiverit ignis
 Purior, & nitidis vicinus sederit astris;
 Quem juxta per inane amplum se fuderit aër:
 Ima autem tellus vasto circum obrata ponto
 Constiterit: quam dudum hinc inde agitantibus undis
 Substerni latè campi, deformiaque arva
 Paulatim apparere suprà, & concreescere montes
 Cœperunt, procul & nudas ostendere cautes;
 Mox nemora, & virides, undis mirantibus, ornos:
 Montanis tum speuncis, & rupibus altis
 Exiluere udæ, formoso corpore, Nymphæ,
 In viridi flavos siccantes litore crines.
 O! fortunatum niniū, si numina tantum

Hæc

Hæc mihi servassent, si non casura dedissent.
 Verùm aliter Lachesi visum est; quo tempore primùm
 Gnatorum cœpit producere fila duorum.
 Quippe auram miseris, & dulcem noscere vitam,
 Spemque suâ dederat præbere: alia omnia ventis
 Tradita nocte atrâ & tenebris involverat Orci.
 Non licuit firmos annis, viridesque juvena
 Inspicere, & charæ ad metam deducere vitæ.
 Nec potui votis nec ope adjuvisse paternâ
 Clamantes, frustra que patris suprema petentes
 Auxilia, & notâ nequidquam voce vocantes.
 Heu mortem invisam! quis te mihi, Paulle, Deorum
 Abripit, & miserum complexibus abstrahit istis?
 Tu prior immiti correptus morte, parentem
 Deseris, & dulces auras, & lumina linqvis.
 Quòd te si tali dederant sub lege futurum
 Fata mihi, non jam fuerat mœreris abundè,
 Non gemitus? quid me tantis è patribus unum
 Cœlicolæ lachrymisque novis, & morte recenti
 Opprimitis, charoque etiam spoliatis lulo?
 Heu! miserande puer, quanto plena omnia luctu.
 Liquisti abscedens? quem non vesana Deorum
 Incuravit inops, cùm te complexa jacentem
 Aspiceret laniata comas, & pectora mater?
 Ah! misera, ah! malè fausta parens, quid Numina fletu
 Sollicitas? jacet ille, velut succisus aratro
 Flos tener, & frustra non audit tanta gementem
 Ah! misera, ah! quid sublatum complexa moraris?
 Ille tuus non jam est. Vos illam in funere matres
 Collapsam accipite, exanimemq; reponite tectis.
 At vos infantes animæ, charissima nuper
 Pignora, quod misero superest optare parenti,
 Semper avertè mei, ut licuit, semperque valere.
 Seu dulce Elysium functos, umbræque tenebunt
 Sanctorum nemorum, puro seu sidera cœlo;
 Ipte ego vos semper lachrymis, vos carmine tristi
 Prosequar, & vestris persolvam justa sepulchris:
 Donec me vobis tenuem conjunxerit umbram
 Summa dies, gnatis æquat quæ sola parentes.

Interea curas numeris, Musâque levemus
 Batte animos : quando rerum mortalis origo est,
 Quando etiam vitæ norunt vasta æquora finem.
 Scilicet & quondam veniet labentibus annis
 Illa dies, cum jam curvo sub vomere taurus
 Insudet, terramque gravis prævertat arator,
 Nunc ubi cæruleæ rostris spumantibus undæ
 Sulcantur, verruntque citæ freta longa carinæ.
 Nec vos, ô liquidi fontes, æterna manebunt
 Secula, se tanto quamvis pater efferat amne
 Eridanus, tumidusque fluat tot cornibus Ister.
 Quin etiam ætæ ii montes, mirabile dictu,
 Taygetus, Syphilusque jugo & Cymbotus opaco
 Ingentes post æstates, ac sæcula longa,
 Senferunt seniumque suum, supremaque fata :
 Ex quo materies thalamos, primosque Hymenæos,
 Atque elementa novus sensit discordia mundus.

Ver.

JAm veniet ver purpureum, juvenisque revertens.
 Annus aget Zephyros, & cælo desuper alto
 Deducet pleno genitalia semina corvæ;
 Unde hominum genus, & pecudum, vitæque natantùm,
 Et pictæ volucres, & amantes rorida plantæ
 : Venerem cæco æterni rapiuntur amore.
 Audete ô ! quicumq; bonum speratis agrestes,
 Quorum amor est sobolis, studiumque nepotibus arva
 incolere, & parvas ulmis atollere vites :
 Annus, Io, novus annus adest : mutatur & ætas
 Et meliora novo nascuntur secula mando.
 Bella Pater procul, & diras Saturnus Erinnês
 Arcebit charo è Latio, ac sub tartara mittet.
 Tum lethum, & cæcus furor, & vesana cupido
 Perpetuis extra terras religata catenis
 Persolvent pœnas scelerum : at pax alta per omnem
 Italiam magno populos sub Cæsare viset.
 Ille autem insignis spoliis, & mille trophæis
 Instruet festos, alta ad Capitolia, ludos.
 Stabit onusto ingens, Tarpeii ad limina templi.

Quæ-

Quercus honore sacrâ, & prænuntia temporis aurei.
 Tum vescæ glandes, tum terræ sponte ferentes
 Omnia : comparibus disjunget colla juvenis
 Agricola, & rudibus mirabitur hordea sulcis
 Sponte adolere suâ, & nullo frumenta colono
 Undantem lætis segetem flavescere campis.
 Noctibus in sylvas & mollia præra serenis
 Æthereo dulcem commistum nectare rorem
 Sudabit cœlum; tenerâ qui lectus ab herbâ
 Mortales saturat mensâ dapibusque Deorum.
 Salve, magne Tibri, & vos natæ Tibride Nymphæ,
 Tuque senex pater Eridane, & qui flumine Tusco
 Benace in nostro placidus perlaberis agro;
 Tuque Athesis cunctique amnes salvete Latini,
 Diique omnes magnæ Hesperix, qui sæcula soli
 Aurea Saturni primo meministis ab ævo;
 Cum sepes, vel limes adhuc communibus agris
 Non foret, aut ulli variarent jugera sulci;
 Sponte suâ sed terra ferax daret omnia, & ipsæ
 Præberent dulci victum de robore glandes.

Hieronymi Amalthei Ep. ad Junonem.

Magna Jovis conjux, ripis si forte sub altris
 Seu Naucele tuis, sive Timave tuis,
 Videris errantem niveo candore juvencam,
 Parce; sub hâc regitur nulla puella bove.

De Acone & Leonilla.

Lumine Acon dextro, capta est Leonilla sinistro;
 Et potis est formâ vincere uterque deos.
 Blande puer lumen, quod habes, concede sorori:
 Sic Tu cæcus Amor, sic erit illa Venus.

De Leonilla, & Lydia.

Melætis Leonilla oculis, me Lydia torvis
 Aspicit : hæc noctem nuntiat, illa diem.
 Has Cytherea meo stellas præfecit amori:
 Hæc meus est Vesper, Lucifer illa meus.

A N T H O L O G I A
ANNIBALIS CRUCEII
de Ersilia.

Quærenti Ersiliae quænam hora salubrior esset
Ad Venærem, medicus sic ait Archigenes :
Manè salubre magis Veneris decerpere fructus
Judice me fuerit ; vespere dulce magis.
Hic illa arridens formoso ait ore : voluptas
Mi curæ fuerit vespere, mane salus.

P E T R I B E M B I

Amores ad Melinum.

Quid dominam assiduis vexas, Meline, querelis?
Frangitur injusto læsa timore fides.
Simplicitas magis ipsa juvat, cùm lege soluti,
Jungitur in racito foemina virq; toro.
Mitem animum dedit infirmis natura puellis ;
Fecit & ad blandas mollia corda preces.
Culpam in amore suæ qui nullam agnoscit amicæ,
Novit quâ melius arte perennet amor.
Mulciber æternos Venærem tenuisset in annos,
I' sa minus duro si foret illa viro.
Ah ! pereat, quicunque suæ peccata puellæ
Objicit ; & flentem sustinuisse potest.
Ipse ego si videam, nollem vidisse fateri,
Gaudia ne flendo dissipet illa mea.
Tu quoque quod rolles fieri, desiste vereri ;
Non erit : innocuos ipse tuetur amor.

Ad Lygdamum.

Heu ! diversa tuis quam sint meâ Lygdame fata :
Ut nos non uno versat in orbe Deus.
Tu, quod amas, crebro invisis, longumque tuendo
Ægrum animum, atque avidos pascis amore oculos :
Et lateri admissus jucundos ore susurros,
Pendulus & fragrantem excipis ore animam :
Summa vel auraræ suspendis basia mitræ,
Dum loqueris vacuam blandus ad auriculam :
Lævibus aut raptum digitis, teretive lacerto,
Molle decus, domina non renuente, geris : Et

Et trahis à prima serus convi ia nocte,
 Dum sol frenatos ad juga poscat equos.
 At mihi longinquæ gentesque urbesque petuntur,
 Ut toto à domina separer orbe meâ :
 Et modo nimboſas mannis transmittimus alpes ;
 Saxaque vix ipsis exuperanda feris :
 Nec cæci nemorum tractus, suspectaque lustra,
 Nec tardant nostras flumina adaucta vias.
 Interdum audaci vastum trabe currimus aq̃ cr,
 Velâque nostra iidem venti animamque ferunt.
 Quâ tamen in terra est mea lux, convertor ad illam ;
 Et frustra Eurydices nomen in ore n eo est :
 Atque ita conjunctorum animis & amore duorum,
 Alteri adest semper quod cupit, alteri abest.

BALTHASSARIS CASTILIONI

Cleopatra.

MArmore quisquis in hoc sævis admorſa colubris
 Brachia ; & aternâ torpentia lumina roſte
 Aspicias ; i vitam ne crede occumbere læto
 Victores vetuere diù me abrumpere vitam ;
 Regina ut veherer celebri captiva triumpho ;
 Scilicet & nurbus parêrem ſerva Latinis
 Illa ego, progenies tot ducta ab origine regum ;
 Quam Pharii coluit gens fortunata Canopi ;
 Deliciis fovitque ſuis Ægyptia tellus ;
 Atque Oriens omnis Divûm dignetur honore eſt.
 Sedulitas, pulchræque necis generoſa Cupido
 Vicit vitæ ignominiam, inſidiaque tyranni.
 Libertas nam parta nece eſt, nec vinculi ſenſi,
 Umbraque Tartareas deſcendi libera ad undas ;
 Quod licuiſſe mihi indignatus perfidus hoſtis,
 Sævitiæ inſanis ſtimulis exarſit & ira :
 Namque triumphali invecſus Capitolia curru,
 Inſignes inter titulos, gentesque ſubactas
 Exinctæ inſœelix ſimulacrum duxit ; & amens
 Spectâclo explevit crudelia lumina inani.
 Neu longæva vetuſtas facti ſamam aboleret,
 Aut ſeris mea ſors ignota nepotibus eſſet,

Em.

Effigiem excudi spiranti è marmore iussit,
Testari & casus fatum miserabile nostri.
Quam deinde, ingenium artificis miratur Iulus
Egregium, celebri visendam sede locavit
Signa inter veterum heroum saxoque perennes
Supposuit lacrymas, ægræ solatia mentis :
Opratz non ut deslerem gaudia mortis ;
(Nam mihi nec lacrymas lethali vipera morfu
Excussit, nec mors ullum intulit ipsa timorem)
Sed charo ut cineri, & dilecti conjugis umbræ
Æternas lachrymas, æterni pignus amoris
Mœsta darem ; inferiasque inopes, & tristia dona.
Has etiam tamen infensi rapuere Quirites.
At tu, Magne Leo, divûm genus, aurea sub quo
Secula, & antiquæ redierunt laudis honores ;
Si te præsidium miseris mortalibus ipse
Omnipotens Pater ætherio demisit Olympo,
Et tua si immensæ virtuti est æqua potestas,
Municâque manu dispensas dona Deorum,
Annue supplicibus votis, nec vana precari
Me sine, parva peto : lachrymas Pater optime redde,
Redde oro fletum, fletus mihi muneris instar,
Improba quando aliud nil jam Fortuna reliquit.
At Niobe ausa Deos sceleratâ incessere linguâ :
Induerit licet in durum præcordia marmor,
Flet tamen ; assiduusque liquor de marmore manat.
Vita mihi dispar, vixi sine crimine, si non
Crimen amare vocas : fletus solamen amantum est.
Adde, quod afflictis nostræ jucunda voluptas
Sunt lachrymæ, dulcésque invitant murmure somnos ;
Et cum exusta siti Icarus canis arva perurit,
Hâc potum veniunt volucres, circumque supraque
Frondebis insultant, tenero tum gramine læta
Terra viret, rutilantque suis poma aurea ramis ;
Hic ubi odoratum surgens densâ nemus umbrâ
Hesperidum dites truncos non invidet hortis.

F I N I S.

